

619  
1999

06.6.



СЕРВИС

№ 1-2 1999

115

1999





ფოტონფორმაცია



პრეზიდენტი თბილძის კომბინატის სტუმარია


პრეზიდენტი მარვა ათეულს შეუღდა

გულწრფელ მადლობას მოვახსენებ ყველას, ვისაც კეთილი სურვილი აღეძრა ჩემი დაბადების დღესთან დაკავშირებით. ჩემი ცხოვრების ყოველი დღე, მათ შორის დაბადების დღეც, სისხლხორცეულად, ორგანულად არის დაკავშირებული ჩემს სამშობლოსთან... დაბადების დღეს მაშინ ნამდვილად გადავიხდი პომპეზურად, როცა ჩემი ქვეყანა და მისი მოქალაქენი დალხინებულნი იქნებიან.

ედუარდ შევარდნაძე



გარდაბნის რაიონი. პრეზიდენტი თბილსრეს ეწვია



თბილისი. სენტ-ეგვიუპერის „პატარა პრინცის“ ძველი მრგვალ ბაღში

# ეკლესია პორნოგრაფიული აბრეშის ნინააღმდეგ



115

საქართველოს დღევანდელი მძიმე სოციალურ-კოლიტიკური ყოფის ფონზე თანდათან მთავრდება ტრადიციული ქართული და ქრისტიანული ზნეობისათვის შეუფერებელი ფსევდო-დემოკრატიული ტანდენციები, რომლებიც სრულიად უსაფუძვლოდ, დასავლური კულტურის ერთ-ერთ ძირითად მმართველად მიიჩნევა. ამგვარი ანტიზნეობრივი პროპაგანდის ავანბარდში სქესობრივი ბარყვნილების ძაღვაგებაა.

საქართველოს საპატრიარქო გამოთქვამს ღრმა გულისტკივილს საქართველოში პორნოგრაფიული და ეროტიკული პროდუქციის მზარდი გავრცელების გამო. საქართველოს მართლმადიდებელი ეკლესიის მსახურები, მისი მრევლი აღმფოთებულნი არიან პიროვნების, განსაკუთრებით, მოზარდთა ფსიქიკაზე ამგვარი აგრესიის ფაქტებით. ჯიხურებში ყოველდღიურად იყიდება ათეულობით გაზეთი, ამაზრუნენი ფოტოებითა და ამორალური შინაარსის ტექსტებით. რაც, უმეტესწილად, ჰომოსექსუალიზმის, ნათესავებსა და ოჯახის წევრებს შორის ხორციელი ურთიერთობის რეკლამაა. ასეთ გამოცემათა უმრავლესობა, მათი პორნოგრაფიაში მხილებისას, ცინიკურად, ეგრეთწოდებული „ეროტიზმის“ ნიღაბს ეფარება, რაც, მათი თქმით, ფოტოსურათებზე მცირე რადიუსის ლაქების დადებით გამოიხატება.

აქ უადგილოა მსჯელობა, სად მთავრდება ეროტიკა და სად იწყება პორნოგრაფია. ქრისტიანული თვალთახედვით, ამ ორივე უზნეობით დაინტერესება არაბუნებრივია. ასეთი პროდუქციის არათუ მასშტაბური გავრცელება, არამედ არსებობაც კი მიუღებელია. როგორც მსოფლიო სოციოლოგიური პრაქტიკა ადასტურებს, სექსუ-


ალური თავისუფლების ასეთი პროპაგანდა ადამიანში იწვევს ანგარიშმიუცემელ ქმედებებს, ფსიქიკურ ტრავმას, რაც არცთუ იშვიათად იმპოტენციით და სრული სულიერი დეგრადაციით მთავრდება.

ეს უდიდესი დანაშაულია ღვთისა და ერის წინაშე.

დიდად სამწუხაროა, რომ მსგავს ამორალურ პროპაგანდას ხელს უწყობს საქართველოს ტელევიზიის ზოგიერთი არხი, განსაკუთრებით „რუსთავი-2“. ამ არხის ყოველკვირეული გადაცემა „ფსიქო“ ხშირად გარყვნილების ინტელექტუალურ და ზნეობრივ გამართლებას ემსახურება.

ცნობილია, რომ ზოგიერთი ჩვენი თანამემამულე ე.წ. „ლიბერალი“ ამგვარ პორნოგრაფიულ აგრესიას მაცნე მოვლენად არ მიიჩნევს, ადამიანის თავისუფალი ნების შეზღუდვების მოტივით. მათ მივუგებთ: ისევე როგორც მამა ზრდის შვილს გარკვეული და აუცილებელი შეზღუდვებით, ასევე სახელმწიფომ, ეკლესიის დახმარებით, უნდა იზრუნოს თავისი მოქალაქის არა განუკითხავად თავისუფალი, არამედ – ბოროტისაგან თავისუფალი ზნეობრივი სახის ჩამოყალიბებაზე, რაც ერის, როგორც ერთიანი ორგანიზმის, სულიერი ჯანმრთელობის საფუძველია. როგორც პავლე მოციქული გვასწავლის, რასაც თავს ვუმონებთ, მისივე მონები ვართ. ჭეშმარიტი თავისუფლება ცოდვისგან თავისუფალ ცხოვრებას ნიშნავს და არა მდაბალი ვნებების მონობაში ყოფნას.

აღსანიშნავია, რომ ამგვარი ჯანსაღი დამოკიდებულება აღნიშნულ პრობლემასთან დაკავშირებით მეტნაკლებად ყოველ ცივილიზებულ ქვეყანას ახასიათებს. იქ პორნოგრაფიული პროდუქცია და ტელეგადაცემები



შეზღუდულია როგორც დროით, ასევე სივრცობრივად.

საქართველოს საპატრიარქოს პრესცენტრი თვლის, რომ საჭიროა დროული და გადამჭრელი რეაგირება პორნოეროტიკულ აგრესიაზე. ამას უკვე მოსახლეობის დიდი ნაწილი მოითხოვს.

მოვუწოდებთ საქართველოს პარლამენტს, რაც შეიძლება სწრაფად განიხილოს კანონპროექტი პრესის შესახებ. მიგვაჩნია, რომ კანონის წინაშე უნდა დადგეს ისიც, ვისთვისაც კომერცია ზნეობრივ საზღვრებს არ ითვალისწინებს. ამასთან, რეკლამის შესახებ კანონში, არაეთიკური რეკლამის ცნებაში, სასურველია, დაკონკრეტდეს რეკლამაში პორნოეროტიკული ხასიათის დეტალების მიუღებლობა. ხოლო პრესისა და ამ პრობლემასთან მდგომი რომელიმე სხვა კანონის მიღებამდე აღმასრულებელ ორგანოებს მივმართავთ თხოვნით: მათ ხელთ არსებული ყველა კანონიერი საშუალებით აკრძალონ, უკიდურეს შემთხვევაში, შეზღუდონ ამგვარი პროდუქციის გავრცელება. მით უმეტეს, რომ მოქმედი კანონმდებლობა ამის საფუძველს იძლევა.

საქართველოს საპატრიარქოს  
პრესცენტრი

## სარედაქციო კოლეჯია:

- ჯანსუღ ჩარკვიანი – თავმჯდომარე,
- ბულნარა ბახტაძე – პასუხისმგებელი რედაქტორი,
- ვასილ ბვეტაძე, ნატა თათარაშვილი, ზურაბ კვანტარიშვილი, თედო ნინიძე, დინარა ნოდია (მხატვარ-რედაქტორი), ელდარ შენგელაია, ზურაბ წერეთელი, თამაზ ჭილაძე.

№1-2 1999 (702)

ყოველთვიური-საზოგადოებრივი-კოლიტიკური და სალიტერატურო სამხატვრო ჟურნალი

# დროშა

საქართველოს  
ეროვნული  
ბიბლიოთეკა




# საქართველოს საზღვრების რ

მასშტაბი

1:3.000.000

კურსი



ჰოი, მეფობაო ქართველთაო, იხარებაჲ,  
რამეთუ ნინოჲ დაგადგა შენ გვირგვინი  
ქრისტეს მიერი...

27 იანვარი - ნინოგაა.  
27 იანვარს საქართველო  
გაერთიანდა ევროსაზოქოზო

ზურაბ ჟვანია

## ბალაკტიონი

### ბორკილის მეტს ის არაფერს ჰკარგავს

საქართველო მსოფლიოში შესვლით,  
ბორკილების მეტს არაფერს ჰკარგავს!  
შეიცვალა ახალგაზრდულ წესით  
და წინანდელ საქართველოს არ ჰგავს;  
გადიფანტა ფიქრებიდან ნისლი,  
დაიხსომე კიდევ უფრო კარგად -  
აზვირთებულ მსოფლიოსთან მისვლით  
ბორკილის მეტს ის არაფერს ჰკარგავს.

1928 წელი.

მე პარ ქართველი,  
მე პარსაღამე,  
მე პარ ევროპელი

დღეს, როდესაც თქვენ საქართველოს  
გზა დაულოცეთ ევროპულ ოჯახში და-  
საბრუნებლად, მე ბედნიერი და ამაყი  
ვარ იმით, რომ სწორედ ჩვენს თაობას  
წილად ხვდა პატივი აქ, ევროპის სახლის  
ტრიბუნიდან, წარმოვთქვა ქართულად  
ეს რამდენიმე სიტყვა: მე ვარ ქართველი  
და, მაშასადამე, მე ვარ ევროპელი.

პრეზიდენტმა ედუარდ შევარდნაძემ  
ახალი ევროპული არქიტექტურის მშე-  
ნებლობაში დიდი წვლილი შეიტანა, რაც  
საშუალებას გვაძლევს, ვისაუბროთ დი-

# სტრასბურგში საზეიმოდ

## აღიპარტოება საქართველოს

### ღკოშა

დი ევროპის პერსპექტივებზე. ედუარდ შევარდნაძის დამსახურებამ და თავდადებამ, საქართველო ამ ახალი არქიტექტურის ნაწილად აქცია. ედუარდ შევარდნაძე არის ის ადამიანი, რომელმაც უზარმაზარი წვლილი შეიტანა ევროპის ახალი არქიტექტურის შექმნაში, რომელიც ამ დარბაზში მსხდომთ საშუალებას აძლევს, იფიქრონ და იღვანონ იმ დიდი ევროპის შექმნაზე, სადაც აღარ იარსებებს გაყოფისა და დაპირისპირების ხაზები. ამიტომ თქვენთვის ცხადია მისი პირადი სწრაფვა და, უფრო მეტიც, თავგანწირვა, რათა საკუთარი ქვეყანა – საქართველო გაეხადა ერთიანი ევროპული შენობის განუყოფელ ნაწილად, მაგრამ ეს არ არის მხოლოდ პრეზიდენტის სწრაფვა ევროპისაკენ, ეს არ არის მხოლოდ საქართველოს პოლიტიკური წრეების სწრაფვა ევროპისაკენ, ეს არის თითოეული ქართველის მისწრაფება, ვინაიდან სამშობლოს მომავალს ჩვენ ვუკავშირებთ დაბრუნებას ჩვენს ერთადერთ ნავსაყუდელში – ევროპის თავისუფალ ერთა ერთიან ოჯახში.

ამ ისტორიული დღისაკენ

ჩვენი ქვეყანა,

მრავალჭირბამოვლილი ქართველი

ხალხი საუკუნეების

ბანმავლობაში ისწრაფოდა.

ედუარდ შევარდნაძე

### ჯანსუღ ჩარკვიანი

#### ივერია


ივერია, ივერია,  
ქვა, ქვა მღერის, ივერია,  
ჯერ არასდროს, ქვაო, ქვაო,  
ასე არ დაგიმღერია.

ივერია, ივერია  
ცაშია და მალაღია,  
მისი ფერი, ლურჯი ფერი  
ლურჯი ყანის ღაღანია.

მოდის, მოდის რუსთაველი  
ავთანდილის ლხენითაო...  
–რა მარჯვენა ხელითაო,  
– რა მარჯვენა ხელითაო?

თესვითა და მომკითაო...  
შრომითა და როკვითაო...

ქვაში ერის სიყვარული,  
ქვაში, ერის სილაღეო,  
ღმერთო, ღმერთო, შენ შეჰმატე  
ივერიას სიმაღლეო.



# უჯჯუჯუ კასი კეჩ იტანს ღაღაღს

ბევრი წიგნი დანერილა და გამოცემულა ჩვენშიც და უცხოეთშიც ედუარდ შევარდნაძეზე. იცნობენ მის და მასზე დანერილ წიგნებსაც არამარტო აქ, საქართველოში, მსოფლიოს თითქმის ყველა დიდსა და პატარა ქვეყანაში.

და აი, საქართველოს დღევანდელ პრეზიდენტს, მის ცხოვრებასა და მოღვაწეობას მიეძღვნა კიდევ ერთი ახალი წიგნი – მოგონებების კრებული, რომელიც ახლახან ქართულ ენაზე გამოვიდა.

გარდა იმისა, რომ მასში დაბეჭდილია ოთხმოცამდე თვალსაჩინო ავტორის საინტერესო მოგონება, იგი გამოირჩევა უნიკალური ფერადი ფოტოსურათებითაც, რომელთაც ისტორიული მნიშვნელობა აქვთ.

ძვირფას გარეკანში ჩასმული და უმაღლესი ხარისხის ქალაღზე დაბეჭდილი ეს ოთხასსამოცვერდიანი წიგნი თავისთავად მეტყველებს იმაზე, თუ რა დიდი ძალა და ენერჯიაა დახარჯული მისი მაღალპოლიგრაფიულ დონეზე გამოცემისათვის, როგორი გულისყურითა და სიყვარულითაა შერჩეული ფოტოსურათები, წერილები, ავტორები, რომელთაგან ბევრია მსოფლიოში ცნობილი და გახმაურებული სახელი.

სასიხარულოა და თამამად უნდა ითქვას, რომ ქართველმა მკითხველმა მიიღო მართლაც კარგი წიგნი – კოლექტიური კრებული, „რომლის ავტორთა თითოეულ ფრაზას შევარდნაძესთან ერთად მსოფლიო პოლიტიკის არენაზე თუ საქართველოში, საქმიანობის მრავალწლიანი გამოცდილება და თაობათა თვალწინ განმტკიცებული მეგობრობა, გულწრფელი პატივისცემა და აღიარება უდევს საფუძვლად“, – აუწყებს საზოგადოებას შესავალ წერილში ამ წიგნის გამომცემელი და რედაქტორი ნუგზარ ფოფხაძე.

და იქვე განმარტავს, რომ ეს „მოგონებები“ საიუბილეო თარიღთან კი არის დაკავშირებული, მაგრამ მას საერთაშორისო ისტორიული ღირებულება გააჩნია. განსაკუთრებით გამოჰყოფს „ქართულ თემას“, რადგანაც, უწინარესად, იგი „ეხება მშობლიური კულტურის განვითარების ამ პერიოდს, როცა ჩვენი ლიტერატურის, კინოს, თეატრის, მუსიკის და ხელოვნების სხვა დარგებში წარმატებებმა საზოგადოებრიობა აალაპარაკა“.

ბოლოს, და ეს მეტად საგულისხმოა, „ეგებ ღირდეს მიუკერძოებელი და ფიქრიანი ანალიზი იმისა, თუ რატომ აფასებენ ასე ღირსეულად შევარდნაძეს, რისთვის გამოხატავენ ასეთ მაღლიერებას მისდამი... რა აიძუ-

ლებთ იმათაც კი, ვისაც ხანგრძლივი დროის მანძილზე ხელთ ეყრათ ასეული მილიონობით ადამიანის ბედი და ახლაც ხელწინფებათ გადაწყვიტონ მსოფლიოს ბედ-ილბალი, პატივი მიაგონ მას...“

– ახლა ის დროა, როცა შევარდნაძის მრავალი მეგობარი მთელს მსოფლიოში უნდა დაფიქრდეს წვლილზე, რომელიც მან შეიტანა პლანეტაზე მშვიდობისა და სტაბილურობის დამკვიდრებაში, – წერს ბილ კლინტონი, ამერიკის შეერთებული შტატების პრეზიდენტი.

– მან შეცვალა ეპოქა და კვლავაც შეცვლის მას, – აღნიშნავს რობერტ ბერდი, ამერიკის შეერთებული შტატების სენატორი.

– ის, როგორც ხელმძღვანელი, თავის ქვეყანას აძლევს განსაზღვრულ იმპულსს, კარს უდებს საქართველოს, რათა, რაც შეიძლება წელგამართული შევიდეს მესამე ათასწლეულში, – ამბობს ჟაკ შირაკი, საფრანგეთის პრეზიდენტი.

– მან რეალობად აქცია ახალი საბჭოთა პოლიტიკის პრინციპები, რომელთანაც უკვე შეიძლებოდა საქმის დაჭერა, – ამ სტრიქონების ავტორი ბორის ელცინია, რუსეთის პრეზიდენტი.

– აღმოსავლეთ-დასავლეთის კონფრონტაციის დასასრულის ისტორიის შექმნაში შევარდნაძეს მეტი წილი მიუძღვის, ვიდრე რომელიმე ცალკეულ პიროვნებას, – აღნიშნავს ჯეიმს ბეიკერი, ამერიკის შეერთებული შტატების ყოფილი სახელმწიფო მდივანი.

– მსოფლიო მისგან დიდად დავალებულია, – ეს ჯონ მეიჯორის, ინგლისის ყოფილი პრემიერის სიტყვებია.

– იგი კიდევ უფრო მეტს გააკეთებს საქართველოს დამოუკიდებლობის განმტკიცებისა და განვითარებისათვის (ჰეიდარ ალიევი, აზერბაიჯანის პრეზიდენტი).

– ედუარდ შევარდნაძე, როგორც მეგობარი, – აღნიშნავს თავის მოგონებაში პოეტი, რუსთაველის სახელობის სახელმწიფო პრემიის ლაურეატი ჯანსუღ ჩარკვიანი, – რჩეულია რჩეულთა შორის. კაცს ცრემლით ჩაჰყვება საფლავში, მთელი ცხოვრება არავის დააჩაგრინებს თავისი წასული მეგობრის ოჯახს, საკუთარი მახსოვრობის დროშაზე ამოქარგავს წასული მეგობრობის სახელს და თან დაატარებს. თუმცა ერთი სიტყვაა დამაფიქრებელი – სიტყვა „ოლონდ“. ოლონდ არამც და არამც არ უნდა უღალატონ. თავად უღალატო კაცი, ვერ იტანს ღალატს.

– საქართველოს თავისი ისტორიის მანძილზე არასდროს ჰქონია მსოფლიოს ასეთი მხარდაჭერა. ეს შევარდნაძემ შეძლო...

- მას არ სჭირდება ჩვენგან ქება და აღიარება. მისი ფუნქციონირების აღიარება ისევ ჩვენთვისაა საჭირო, ჩვენ გვზრდის და გვამაღლებს მოვლენათა სწორად განსჯა და დანახვა იმისა, თუ საკაცობრიო კონტექსტში საქართველოს ჩანერას როგორ ახერხებს ჩვენი ლიდერი, რა სიბრძნის, რა თავგანწირვის, რა მოთმინების ფასად. მის ღვაწლს თუ სწორად დავინახავთ, იმასაც ვაგიგებთ, თუ როგორ ვემსახურით მის საქმეს, ანუ საქართველოს აღორძინების საქმეს, - წერს ლიტერატორი, მთარგმნელი, საქართველოს პარლამენტის სახელმწიფო ენის ქვეკომიტეტის თავმჯდომარე მანანა გიგინეიშვილი.

- ეს კაცი არის „უშიში, ვითარცა უხორცო“ (მერაბ ბერძენიშვილი, საქართველოს სახალხო მხატვარი, რუსთაველის სახელობის სახელმწიფო პრემიის ლაურეატი).

- ედუარდ შევარდნაძის შინაგან საქმეთა მინისტრად ყოფნის დროს, რუსთავის №3 შრომა-გასწორებით დაწესებულებაში იფეთქა მსჯავრდებულთა ამბოხებამ... მათ დაწვეს სკოლის შენობა, მძევლებად აიყვანეს ზედამხედველები, შეიარაღდნენ თვითნაკეთი დანებით და ხელკეტებით. მოსკოვიდან მოვიდა ბრძანება კოლონიაში შინაგანი ჯარების შეყვანის და საჭიროების შემთხვევაში იარაღის გამოყენების შესახებ. გამოცხადდა განგაში, შედგა სათანადო გეგმები, მაგრამ მინისტრმა ყველა ეს უარყო. მან ბრძანა, გაეღოთ კოლონიის კარი და უხმო მათ, ვისაც არ ეშინოდა უიარალოდ შეჭყოლოდნენ მსჯავრდებულებთან მოსალაპარაკებლად, - იგონებს გურამ გვეტაძე, გენერალ-ლეიტენანტი, ვახტანგ გორგასლის მეორე ხარისხის ორდენის კავალერი, საქართველოს ვეტერანთა საქმეების სახელმწიფო დეპარტამენტის თავმჯდომარის პირველი მოადგილე, საქართველოს შინაგან საქმეთა ყოფილი მინისტრი.

ასეთ დროს და ამნაირ ვითარებაშიც ადამიანები მაინც სხვადასხვანაირად უყურებენ ცხოვრებას, თავიანთ ლიდერებსაც სხვადასხვანაირად აფასებენ.

- ყველა ვაგიგებს, ყველა მიხვდება თქვენს მისიას? - ეკითხება შევარდნაძეს ჩინგიზ აითმათოვი, გამოჩენილი მწერალი, და თვითონვე ასკვნის: რას იზამ, ასეთები არიან ადამიანები, ასეთია საზოგადოების არსი, ასეთია ლიდერის ხვედრი.

- არც შევარდნაძე, - როგორც ლიდერი, იქნება გამონაკლისი, იმიტომ, რომ იგი დღევანდელი საქართველოს ბედია, რომელიც უზენაესმა უფსკრულის პირას მდგარ მშობელ ერს მოუვლინა და რომელმაც თავისი გონიერებით, ადამიანური ხიბლით და მასზე ფსიქოლოგიური ზემოქმედების ძალით, იგი თვითმკვლელობას განარჩიდა. ხალხს დაუბრუნა ბოროტის უღელქუჩისა და სიკეთის მარადიულობის რწმენა (ელგუჯა ამაშუკელი, საქართველოს სახალხო მხატვარი, რუსთაველის სახელობის სახელმწიფო პრემიის ლაურეატი).

ყოველივე ამის შემდეგ, ვფიქრობთ, ურიგო არ იქნება მკითხველს შევახსენოთ ჭაბუა ამირეჯიბის სტრიქონები, რომელიც ამ წიგნიდანაა ამოწერილი.

აი, რას ამბობს ჩვენი გამოჩენილი მწერალი:

- მისი სულიერი კაპიტალი ერთ ისტორიულად მნიშვნელოვან ნიადაგში დაბანდდა და თავისი ამონაგებიც უკვე მოაქვს. ეს არის საქართველოს, ქართველი ერის საერთაშორისო გლობალური ფუნქციის ახალ ხარისხში აღდგენა...







ალი-ფაშას, თურმე, უღალატია გურულებისათვის...

გურულებმა კი ამ მოღალატე ფაშას მშვენიერი, ვაჟკაცური სიმღერა უძღვნეს და, თუმც ეს დიდი ხნის წინათ ყოფილა, დღესაც მღერიან.

იმ მოღალატე ალი-ფაშას გვარიშვილობაზე ვერაფერს ვიტყვი, რადგან თავად გურულებსაც, როგორც ჩანს, ის უგვაროდ ჩაუთვლიათ და მისი წარმომავლობაც უცნობი დარჩა.

ხოლო ალი-ფაშა, რომლის დიდამულიშვილობაზეც მე ახლა უნდა მოგახსენოთ, სულით ვაჟკაცია და კარგი გვარინი ქართველიც...

ეს ალი-ფაშა, გვარად იოსელიანია.

ფერეიდნელი ქართველია იგი.

დაიბადა, ალიზარდა და დავაჟკაცდა ფერეიდნის ზემო მარტყოფში, ხოლო ამჯერად მუშაობს და ცხოვრობს ქ. ნაქოხაბადში...

ფერეიდნელებზე ბევრი, მაგრამ მაინც არასაკმარისია დაწერილი და ამიტომაც მათი ცხოვრების მხოლოდ ერთ მხარეს – ვაჟკაცობასა და შეუდრეკელობას შევხები.

ფერეიდანი – „პატარა გურჯისტანი“, სადაც დიდ გურჯისტანს მოწყვეტილმა ქართველობამ თითქმის ოთხი საუკუნე გასძლო არა მარტო ფიზიკურად, არამედ, რაც მთავარია, სულიერი სიმაღლითაც. ამ ხნის მანძილზე, მიუხედავად უცხო მიწისა და უცხო გარემოსი, ქართველმა კაცმა არ დაივიწყა თავისი ფუძე-დედა-სამშობლო, მშობლიური ენა და ბრწყინვალედ შემოინახა ქართული ეროვნული ფსიქიკა. სხვათა შორის, მათ შემოინახეს ბევრი ისეთი ეროვნული ეთნოგრაფიული ჩვევა და ძველი ქართული ტერმინი, სამწუხაროდ, ჩვენ რომ დაკარგული ვაქვს.

ფერეიდნელი ქართველი ძალით მოსწყვიტეს დედა სამშობლოს, წაართვეს ქრისტიანული რწმენა და მოაქციეს მაჰმადიანურ რჯულზე, მაგრამ ვერ წაართვეს, ვერ აღმოფხვრეს მასში რწმენა დიდი სამშობლოსი და მშობლიური ენისა. ეს ბრძოლა კი გრძელდებოდა ოთხი საუკუნის მანძილზე!

აი, ეს არის, ჭეშმარიტად, ეროვნული ვაჟკაცობა.

აბა, გადავხედოთ ამ ოთხ საუკუნეს. განა ადვილი იყო ბრძოლა მარტო არსებობისა და ფიზიკურად ქართველობის შესანარჩუნებლად? მაშინ, როდესაც იქ, ფერეიდანში, ბახტიარის მთებში ცხოვრებისას მათ გაუთავებელი შუღლი და ბრძოლა ჰქონდათ მეზობელ მომთაბარე ისეთ ტომებთან, როგორიც იყვნენ ყაყაელი ბახტიარი, ქურთი და ლური.

დიახ, ქართული სულიერი ვაჟკაცობა სწორედ აქ დაამტკიცა ფერეიდნელმა ქართველმა. მან, რა თქმა უნდა, დიდი მსხვერპლის ფასად არამც თუ გაუძლო დამქანცველ საუკუნეებსა და მასზე რიცხობრივად ბევრად მეტ მტერს,



# ალი-ფაშა ფერეიდნელი ქართველია

არამც თუ თავი მოუხარა და დამორჩილდა მას, პირიქით, ამ უთანასწორო ბრძოლაში გამარჯვებული გამოვიდა. ასე რომ, ქართველი იქ, ფერეიდანში, დაჩაგრული არასოდეს არ ყოფილა ეროვნული თვალსაზრისით. დაჩაგრული რომ ყოფილიყო, არამც თუ ენას შეინარჩუნებდა, არამედ ეროვნულადაც გადაშენდებოდა, რადგანაც დამონებული ერი იღუპება. ასეთია ბუნების კანონი.

ბუნებრივია, ყოველივე ამას ხელი შეუწყო, პირველ რიგში, ვაჟკაცურმა და დაუმორჩილებელმა ეროვნულმა სულმა, მთის ფაქტორმა, კომპაქტურმა დასახლებამ და უგზობობამ.

დღეს უკვე ირანი ის აღარ არის, რაც იყო. ოდესღაც ჩამორჩენილი, ირანის საზოგადოებას მოწყვეტილი ფერეიდანი, აქტიურად არის ჩაბმული ირანის ცხოვრების ფერხულში. გაყვანილია მშვენიერი გზები, რადიო და ტელევიზია, აშენდა სკოლები, სადაც კომპიუტერებით სწავლობენ. რა თქმა უნდა, სწავლობენ ირანულ ენაზე. სხვა ყველაფერი, რაც დღევანდლობისთვისაა დამახასიათებელი, ირანულ ენაზე წარმოებს.

ასევე დიდია ურბანიზაცია – სოფლიდან ქალაქში დენა. ყველაფერი ეს, ბუნებრივია, ხელს უწყობს ფერეიდნელ ქართველობაში დაიკარგოს ის, რაც ამ ოთხი საუკუნის მანძილზე მათ შემოინახეს.

ზემოთ აღნიშნული ფაქტორები ქართველ ფერეიდნელ მამულიშვილებს შეუმჩნეველი არ დარჩათ. მათ დაიწყეს ფიქრი იმაზე, რათა ამ ხალხის წმინდა განძი არ დაკარგულიყო.

ამ მოწინავე ქართველთა შორის ერთ-ერთი პირველთაგანია სწორედ ეს ალი ფაშა-იოსელიანი. მან დაამთავრა ირანში პედაგოგიური სასწავლებელი და ქ. ნაქოხაბადში დაიწყო ირანული ენის მასწავლებლად მუშაობა.

მისი და მისი თანამოაზრეების ძირითადი მიზანი ის იყო, რომ ფერეიდნელ ქართველთა შორის გაეგრცვლებინათ ქართული ანბანი და, რაც მთავარია, არ დაევიწყებინათ მათთვის დედის ენა! ამის საუკეთესო საშუალება კი იყო, რომ ოფიციალურად გახსნილიყო ქართული ენის შემსწავლელი კურსები. კურსების გახსნისათვის საჭირო გახდა ოფიციალური ნებართვა.

**თბილისი**

ბედს რომ მივინდე, ესეც ბედია,  
სხვა აღარაფერს არ ვიმიზეზებ.  
მოქიფენი არ შემხვედრია  
მეზურნეების დასტით რიყზე.

არ ჩაუვლია იმ წყალს არასდროს,  
ვერის ხიდქვეშ რომ ახლაც მოლელავს.  
ერთი ნაბიჯით წინ გადამასწრო  
შავროხიანმა ყარაჩოლელმა.

თუმცა მე მაინც ვარ კმაყოფილი  
იმით, გზადაგზა რაც დავინახე:  
სამიკიტნოში კინტოს პროფილი,  
ხელებშუა რომ მალავს პირსახეს;

უცხო ფუთფუთი დასაბამითი  
ქვემოთ, მაიდნის ფართო ჩეროდან.  
მაშინ, თბილისო, მამადავითი  
მართლა ზემოდან ჩამოგცქეროდა.

მღვრიე მეჩეთზე მთვარის ნამლევი,  
მტკვარზე ტივი და რალაც ჯებირი.  
დაფრიალებდნენ ტურფა ქალები.  
გუდიაშვილის ნახატებივით.

ამ ქუჩაბანდებს რას გამორჩები,  
ხიდთან მეტეხიც ცას თუ ეკიდა.  
შემოდოდნენ ბოლო ჩოჩრებით  
მემანგნეები განთქმულ წყნეთიდან.

შუალამეში ფრთამიმომლილი,  
გამთენიისას მოიბურები,  
ამოვსებული ხაშის ოხშივრით  
და მთვარიანი თონის პურებით.

უცებ ნანგრევი, როგორც გოლგოთა,  
ყველა ბზარი რომ ტკივა დედური...  
ლიხის მთებიდან ქარს გადმოჰქონდა  
რაღაც ისეთი, ვით საყვედური.

ჩვენს ძველ საბუდრებს ბინდი მიშლია,  
სადაც არ ველით, იქ ვინიერებით...  
წლები, რომელიც ქუთაისშია,  
ჩაჭიდებია თბილისს ძირებით.

ო, ეს ორი რამ, მწველი ძირამდე,  
იმ მზით მორწყული და იმ არხებით.  
ერთია მინა, სად დავიბადე,  
მეორე, სადაც დავიმარხები.

მაგრამ საფლავი თუ გამეჭრება,  
მარტო თბილისში, სულო საპყარო...  
ეს ძვლები ნაღდად და უქვევლად  
მე მის მიწაში უნდა ჩავყარო.

და აი, ბატონმა ალი ფაშამ დაიწყო  
სიარული ფარსისტანის გუბერნატორ-  
თან და შედეგმაც არ დააყოვნა. მიიღო  
ნებართვა და ნაქოხაბადში ქ. ისპაჰან-  
თან პირველად მუსულმანურ სამყაროში  
ირანულ სკოლაში ოფიციალურად გაიხ-  
სნა ქართული კურსები და მას თვითონ  
ალი ფაშა ჩაუდგა სათავეში.

ბუნებრივია, ამ ოფიციალური ნე-  
ბართვის მიღებას ხელი შეუწყო ბატონი  
ედუარდ შევარდნაძის ირანში ყოფნამ  
და საქართველო-ირანის მეგობრობისა  
და კეთილმეზობლობის ხელშეკრულე-  
ბის დადება.

სხენებული კურსები დაარსდა ოთხი  
წლის წინ და პირველი პრობლემა, რაც  
კურსების წინაშე დადგა, იყო წიგნი ქარ-  
თული, კერძოდ, „დედა ენა“.

უცხოეთში მცხოვრებ თანამემამუ-  
ლეებთან კულტურული კავშირის სა-  
ქართველოს საზოგადოება ალი ფაშას  
მხარში ამოუდგა და ასეულობით მიანო-  
და „დედა ენა“ და სხვა ლიტერატურა.

ქართული ენის კურსებზე სწავლე-  
ბის მსურველთა რიცხვი ყოველ წელს  
იზრდება, ხოლო მოსწავლეთათვის გა-  
ცემული „დედა ენა“ კურსებს უკან აღარ  
უბრუნდება. ამის გამო ამ კურსებზე მო-  
საგვარებელი საქმე ისევ და ისევ წიგნი  
და კერძოდ „დედა ენა“.

გასულ წელს უცხოეთში მცხოვრებ  
თანამემამულეებთან კულტურული კავ-  
შირის საქართველოს საზოგადოებამ  
ერთი თვით მოიწვია ბატონი ალი ფაშა  
საქართველოში ქართული ენის ცოდნის  
გასაღმავებლად და ენის სწავლების  
მეთოდის შესასწავლად. ამისათვის  
პირველ კლასიკურ გიმნაზიაში მიამაგ-  
რეს. ამავე დროს ის ახლოს გაეცნო სა-  
ქართველოს ღირსშესანიშნაობებს ქარ-  
თლსა და კახეთში. ასევე შარშან მოწვე-  
ული იყო დელეგატად უცხოეთში  
მცხოვრებ თანამემამულეებთან კულ-  
ტურული კავშირის საქართველოს სა-  
ზოგადოების კონგრესზე, სადაც შესა-  
ნიშნავი სიტყვით გამოვიდა.

მის გამოსვლაში იგი ფერეიდნელთა  
ცხოვრების სხვადასხვა საკითხებზე შე-  
ჩერდა, მაგრამ განსაკუთრებით ყუ-  
რადლება გაამახვილა იმაზე, რომ ის,  
რაც ფერეიდნელმა კაცმა ამ ოთხი საუ-  
კუნის მანძილზე გულით ატარა – თავი-  
სი დედის ენა და ქართველობა, ახლა  
საფრთხის წინაშეა. მან დაბეჯითებით  
თქვა ისიც, რომ ისინი ყველაფერს გაა-  
კეთებენ იმისათვის, რომ ეს არ მოხდეს.  
მაგრამ ეს შესაძლებელია მხოლოდ დიდ  
საქართველოსთან უფრო მჭიდრო კავ-  
შირითა და ხელისშეწყობით. მათ საქარ-  
თველოდან არაფერი უნდათ, გარდა  
წიგნისა, კერძოდ, „დედა ენისა“, რაც  
უებარი წამალია არა მარტო დედა ენის  
შესანარჩუნებლად, არამედ ქართველო-  
ბის გადასარჩენადაც.

როგორც ზემოთ იყო აღნიშნული,  
ალი ფაშამ თავისი ცხოვრების მიზნად

დაისახა და ნაწილობრივ შეასრულა კი-  
დეც, რომ ტყვედქმნილ ქართველს თა-  
ვისი ენა და სამშობლო არ დაევიწყებინ-  
ა. იგი მარტო ამ დიდი საქმით არ კმა-  
ყოფილდება და იმავე დროს მისი მიზანია  
– იქაურმა ქართველმა და, საერთოდ,  
ირანელმაც იცოდეს, თუ საიდან მოხ-  
ვედნენ ეს „გურჯები“ ირანში, იცოდეს  
მათი ცხოვრება და ყოფა ამ ოთხი საუ-  
კუნის მანძილზე.

ალი ფაშამ ისპაჰანისა და ნაქოხაბა-  
დის ირანულ გაზეთებში გასული წლის  
დასაწყისში უამრავი წერილი დაბეჭდა  
ფერეიდნელ ქართველთა ისტორიასა და  
ყოფაზე. ამ წერილებით მან მთელ ირანს  
დაანახა იმ ქართველთა ცხოვრება, რო-  
მელთაც დედა ენა არ დავიწყებიათ და  
არც ოდესმე დავიწყებენ. ყველას გაა-  
გებინა, ეს „გურჯები“ საიდან მოვიდნენ  
ბახტიარის მთებში და ვინ არიან.

საგაზეთო წერილების გარდა, ალი  
ფაშა საქართველოს ისტორიის შედგე-  
ნაზე და მის ირანულ ენაზე სათარგმნე-  
ლად მუშაობს. მისთვის ეს სამუშაო  
რთულია, რადგან ყველა ისტორიულ  
წყაროზე ხელი არ მიუწვდება. მიუხედა-  
ვად ამისა, ის მაინც თავგამოდებით  
შრომობს და დღეისათვის დიდი ნაწილი  
დასრულებულიც აქვს.

ალი ფაშას ამ დიდ მამულიშვილურ  
წამოწყებას ქართული ენის არ დავიწყე-  
ბისა და ანბანის შესწავლის საქმეში,  
მიმდევრებიც გამოუჩნდნენ. და აი, გა-  
ზეთ „საქართველოს რესპუბლიკის“ გა-  
სული წლის 6 აგვისტოს ნომერში და-  
ბეჭდილი ირანის ისლამურ რესპუბლი-  
კაში საქართველოს ელჩის ბატონ ჯემ-  
შიდ გიუნაშვილის ვრცელი წერილიდან  
ვგებულობთ, რომ ფერეიდუნშაჰშიც,  
ანუ იგივე ზემო მარტყოფში, გაიხსნა  
ქართული წერა-კითხვის შემსწავლელი  
კურსები. კურსებს ხელმძღვანელობს  
ქალბატონი მარიამ ბათვანი. ეს უკვე  
ნიშნავს, რომ ზემომარტყოფელი მანდი-  
ლოსნები და ყორეები (გოგონები) დაინ-  
ტერესებულნი არიან ქართული ანბა-  
ნით. მოგახსენებთ, რომ ირანის სკო-  
ლებში მოსწავლე გოგონებს მხოლოდ  
ქალბატონები ასწავლიან.

სიხარულითა და სიამაყით უნდა ით-  
ქვას, რომ ეს კურსებიც ბატონი ალი ფა-  
შა-იოსელიანის მიერ გახლავთ სულჩად-  
გმული.

ამ დღეცა მამულიშვილმა კიდეც ერ-  
თი დიდებული საქმის მოგვარება შეძ-  
ლო.

და ჩვენ, მის სისხლსა და ხორცს,  
მადლობის მეტი რა გვაქვს სათქმელი  
იმათზე, ვინც შორეულ ქვეყანაში არ  
ჰკარგავს თავის ძირსა და ფესვებს...

**ნოდარ კოჭლავშილი,**

უცხოეთში მცხოვრებ თანამემამულე-  
ებთან კულტურული კავშირის საქარ-  
თველოს საზოგადოების თავმჯდომეა-  
რის მოადგილე.

ბევრი ჩვენგანი, ალბათ, დიდი ინტერესით ვაღვენებთ თვალ-ყურს სატელევიზიო გადაცემას „ინტელექტულები“ ანუ „რა, სად, როდის?“ ამ გადაცემამ არაერთ ნიჭიერ ახალგაზრდას შეგვახვედრა. მისი მონაწილეები თითქმის მთელმა საქართველომ გაიცნო და შეიყვარა.

გიორგი ბაქრაძის, ნიკა გვარამიას, ლაშა კილაძის, ზურაბ მალრაძის, ლევან კობერიძის, ცოტნე მირცხულავას, შოთიკო გუგუშვილის, თამაშის წამყვანის გიორგი მოსიძისა და სხვა მრავალ ინტელექტუალთა სახელს არა ერთი ახალი გუნდი და მოთამაშე შეემატა.

ჩვენი მიზანია, უფრო ახლოს გავიცნოთ მათი ინტერესთა სფერო, გავანალიზოთ ამ კლუბის არსი და მნიშვნელობა თანამედროვე ინტელექტუალთა ჩამოყალიბებისა და წარმოჩინების თვალსაზრისით.



# ინტელექტულები

\*\*\*

ოცდახუთი წლის შემდეგ ისეთივე თრთოლივითა და მოკრძალებით ავდიოდი უნივერსიტეტის კიბის საფეხურებზე, როგორც მაშინ, ჩვიდმეტი წლის ახალბედა სტუდენტმა პირველად რომ შევაბიჯე ცოდნის ამ უდიდეს ტაძარში.

აქ ყველაფერი ისევ ისე ნაცნობი და მშობლიური იყო ჩემთვის, როგორც დიდი ხნის წინათ. ჟამთა დინებას ვერ წაეშალა ის ანდამატური ძალი და ხიბლი, ასე ღრმად და შთამბეჭდავად რომ ჩამრჩენოდა გონებასა და მესხიერებაში.

დეკემბრის პირველი კვირა დღე იყო. სხვა დღეებისაგან განსხვავებით უნივერსიტეტის ეზოსა და შემოგარენში სიმშვიდე და მყუდროება სუფევდა.

შენობას ეზოს მხრიდან შემოვუარე და კლუბისკენ მიმავალ კიბეებს შევუდექე. წინასწარვე ვიცოდი, რომ აქ, ყოველ კვირა დღეს, ნიჟისა და ტალანტის, გონიერებისა და შემეცნების, აზროვნების უნარისა და ინტელექტის ერთგვარი ჭიდილი თუ პაექრობა იმართებოდა, ანუ სხვანაირად, ცოდნის ზეიმი ეწყობოდა.

„ლონიერი და ჭირთა-მძლევი ის არის, ვისაც ჭკუა ცოდნით აუყვავებია, ცოდნის ძიუბით გაუზრდია,... ცოდნა ანთებულს სანთელსა ჰკავს: ერთს სანთელზედ რომ ათასს სხვა სანთელს მოუკიდო, სანთელს იმით არც ალი დააკლდება, არც სინათლე, არც სიცოცხლე. პირიქით, იმატებს კიდევ, რადგანაც ერთის მაკიერ ათასი სხვა სანთელი იმასთან ერთად...“ ყებს ლაპლაშა“ – გონებაში უნებურად გახშირდა საუკუნუნახევარგამოვლილი ბრძნული ნააზრევი დიდი ილია, რომ გვმოდგერავდა.

„ეხლანდელს დროში ცოდნა ყველაფერია: ფულზედ უფრო დიდი ბაზარი აქვს, ხმაღზედაც უფრო მეტად სჭრის და ზარბაზანზედაც უფრო ძლიერია“... რა საოცარი სიზუსტით ეხმიანება დღევანდელობას, რო-

გორი თანადროულია მისი ყოველი ფრაზა და ბედნიერია ის თაობა, ვინც ამ ნააზრევს გაითავისებს, ვინც დიდი ილიას მრწამსსა და მსოფლმხედველობას ჩანვდება, ვინც მის სულიერ სამყაროს შეიცნობს.

ვის ძალუძს ამის დაძლევა, თუ არა იმ თაობას, რომელიც გვაფიქრებინებს და გვაგრძნობინებს, რომ ის მოდის, მოდის, როგორც ძალა ახალი წინაღობების, დაბრკოლებისა და სხვა მრავალ პრობლემათა დაძლევის გარანტიად და აღმსრულებლად. ამის საფუძველს კი მხოლოდ ის ცოდნა და განათლება იძლევა, რომელიც ჩვენს მომავალს უფრო მეტ ინტელექტს გამოუმუშავებს, სწორ გზაზე დააყენებს, ახალი სიტუაციის შესატყვისი მოქმედების უნარის სრულყოფაში დაეხმარება, ზოგად გონიერებას, ნიჭსა და ტალანტს თანდათანობით წვრთნის შედეგად მისი შემოქმედებითი საქმიანობის უკეთ წარმოჩენისთვის მიაპაროვინებს.

აი, ამ ამალღებული განწყობითა და პათოსით დამუხტული აღმოვჩნდი მომავალი ინტელექტუალების პირისპირ. თუმცა სანამ მათ შევხვდებოდი და ვისაუბრებდი, დიდხანს ვიდექი მონუსხულივით კლუბის ამ დიდი, ღია დარბაზის განაპირას და ყურადღებით ვაღვენებდი თვალყურს ცოდნისა და გონიერების შეჯიბრის სანახაობრივად მეტად ეფექტურ და მიმზიდველ „მეჯლისს“. ვუსმენდი მათი ჭკვიანი და გონიერი „დირიჟორის“ გიორგი მოსიძის მიერ დიდი ძალისხმევითა და მონღომებით შერჩეულ კითხვებს, ვაკვირდებოდი შესარჩევ ტურში მონაწილეთა მსჯელობას, აზრთა პაექრობას, მათი კაპიტნების მიერ სწორი პასუხის შესაჯერებლად განკატანილ გადწყვეტილებას და აღფრთოვანებული გონებაში წამდაუნუმ ვიწერებდი ერთი შეხედვით თითქოს გაცვეთილ, მაგრამ ყავლგაუსვლელ სიტყვებს: „ეს რა ახალგაზრდობა მოდის!“

აქ მოსვლამდე მხოლოდ ორ მათგანს შევხვდი – საქართველოს კლუბის „რა, სად,

როდის?“ პრეზიდენტს, „ინტელექტულების“ წამყვანს გიორგი მოსიძესა და „მოაზროვნე“ ნიკა გვარამიას.

ჩვენი შეხვედრა გიორგის სამსახურში შედგა, სადაც იგი სახელმწიფო კანცელარიის საერთაშორისო პროგრამების რეალიზაციის ბიუროს უფროსად მუშაობს. როგორც თვითონ განმიმარტა, მისი სამსახური საზოგადოებრივ-პოლიტიკურ სარბიელზე საქართველოს კულტურული მემკვიდრეობის დაცვის სახელმწიფო პროგრამას კურიერებს, რომელსაც მსოფლიო ბანკი აფინანსებს.

ტელეეკრანიდან დანახული, ამ ერთი შეხედვით მკაცრი და შეუვალი „წამყვანის“ მიღმა ძალზე მეგობრული, გამორჩეული თვისებებისა და დახვეწილი ინტელექტის, იუმორის გრძნობით უხვად დაჯვლდობული, საქმიანი და საკმაოდ პრინციპული ახალგაზრდა პიროვნება დავს.

გიორგი პროფესიით ექიმი-ინფექციონისტი, თბილისის სახელმწიფო სამედიცინო ინსტიტუტის კურსდამთავრებული. სწორედ სტუდენტობისას უშუალოდ მისი მცდელობითა და აქტიურობით მოხერხდა მომავალ ინტელექტუალთა თავმოყრა და შეკავშირება. 1991 წლიდან მოყოლებული გიორგი მოსიძე საქართველოს კლუბის „რა, სად, როდის?“ დამფუძნებელი და უცვლელი პრეზიდენტია.

სამი წელი თამაშები მხოლოდ ინსტიტუტის დონეზე ტარდებოდა, შემდეგ ახალგაზრდა მეცნიერთა კლუბში გადაინაცვლა და 1994 წელს რესპუბლიკური სტატუსი შეიძინა.

რას წარმოადგენს თვით ეს კლუბი და რა ფუნქცია აკისრია მას?

ეს არის დიდი საზოგადოებრივი ორგანიზაცია თავისი ფილიალებითა და ასამდე გუნდით, საერთაშორისო ორგანიზაციებით, გარკვეული საქმიანობითა და მიზნებით. ინტელექტუალურ თამაშებით გარდა თბილისის გუნდების საქართველოს რეგიონის თითქმის ყველა ქალაქის გუნდი მონაწილეობს, მათ



შორის მნიშვნელოვანი წილი ქუთაისის, სოხუმის, ბათუმის, რუსთავის, ზუგდიდის, ფოთის, გორისა და თელავის გუნდებზე მოდის. საქართველოს კლუბი „რა, სად, როდის?“ კლუბების საერთაშორისო ასოციაციის – ფიფას წევრია 1995 წლიდან. ეროვნული ნაკრები გიორგი ბაქრაძის, ლაშა კილაძის, ნიკა გვარამიას, ზურაბ მალრაძის, გიორგი მოსიძისა და პროგრამის ხელმძღვანელის, ეროვნული ნაკრების კაპიტნის ლევან კობერიძის შემადგენლობით მრავალი საერთაშორისო ღონისძიების მონაწილე და პრიზორია.

ლოს – „ბრინჯაოს მოაზროვნეს“ არა ერთი და ორი მოთამაშე დაუფლებია. მოაზროვნე, ინტელექტუალი – თუ რამდენად მიესადაგება ეს მცნებები მათ მრწამსსა და მსოფლმხედველობას, ნათლად ჩანს თუნდაც იმ სატელევიზიო გადაცემებიდან, რომელსაც კარგა ხანია თვალ-ყურს ადევნებს თითქმის მთელი საქართველო. ტელემყურებელი მოუთმენლად ელის მათთან შეხვედრას, სიხარულით აღიქვამს ყოველი ახალი გუნდისა თუ მონაწილის გამოჩენას, მტკივნეულად განიცდის რომელიმე მათგან-



ტელეგადაცემა „ინტელექტკლუბი“ მათი საქმიანობის ერთ-ერთი სახეა, სადაც შესარჩევ ტურში გამარჯვებული გუნდები მონაწილეობენ. აქ მაყურებელი ეთამაშება გუნდს, „ბრეინ-რინგში“ კი გუნდი ეთამაშება ერთმანეთს და კითხვებიც შესაბამისად განსხვავებულია“. ჩვენი ეროვნული გუნდის საკმაოდ დიდ პოტენციალზე მეტყველებს ისიც, რომ ქართველმა მოაზროვნეებმა მოსკოვიდან, სადაც ტელეგადაცემა „ბრეინ-რინგის“ ჩანერაზე იყვნენ მიწვეულები, ამ გადაცემისთვის დაწესებული სიმბოლო – „ბროლის ბუ“ ჩამოიტანეს, ხოლო „ინტელექტკლუბის“ სიმბო-

ნის გუნდიდან წასვლას. ეს იმას ნიშნავს, რომ ორმხრივი ურთიერთობა დამყარდა. ჩვენ შორის სულიერად დამაკავშირებელი სიმი გაიბა. თაობა მიდის, თაობა მოდის! კარგად მივუვლით ყური მათ გულისცემას. ადვილად დავრწმუნდებით, რომ ისევ მძლავრობს მათში ქართული გენი, ისევ ძალუმად სჩქეფს ქართული სისხლი და ასეთი თაობის მხრებზე შემდგარ ქვეყანას ვერავინ და ვერაფერი მოერევა. „ჩვენი თავი მარტო ჩვენ უნდა გვეყუდნოდესო“ – გათავისებული აქვს ნიკა გვარამიას და მან კარგად იცის, რომ ეს მარტო პი-

როვნებებზე გათვლილი სოციალური როდია არამედ იმ ქვეყნის კრიტიკიუმია, რომელშიც ის ცხოვრობს. თუ პიროვნებას არა აქვს ინდივიდუალური დამოუკიდებლობა, არა აქვს ქვეყანასაც და პირობით.

ნიკა თვლის, რომ მისი თაობის ინტელექტუალებმა იციან, რას აკეთებენ, რა სურთ, საითკენ მიდიან. ისინი საკუთარ ინტერესებს ქვეყნის ინტერესებთან აჯერებენ. იგი ვერც იმაში ხედავს ცუდს, რომ დღეს ბევრ ახალგაზრდას გული უცხოეთისაკენ მიუწევს. ეს არც ახალი „ხილია“, და არც აკრძალული. განა მათმა წინაპრებმა ამ გზით გამდიდრებული ცოდნა და განათლება თავის ხალხსა და ქვეყანას არ მოახმარეს? მისივე აზრით კულტურის, განათლებისა და ცივილიზაციის სინთეზი ყოველთვის მომგებია. დღეს საქართველოს, სისხლის გადასხმასავით სჭირდება ევროპული გამოცდილება. ჩვენმა ახალგაზრდებმა არა მარტო უნდა ნახონ და გაიცნონ მსოფლიო, არამედ უნდა ისწავლონ, როგორ უნდა მრომა და მუშაობა.

მომავალი სამართალდამცავი ვარაუდობს, რომ მისი თაობა თავის ნამდვილ სათქმელს ათი წლის შემდეგ – ოცდამეერთე საუკუნის გარიჟრაჟზე იტყვის. ვფიქრობ, რომ ეს მისი მხრიდან ძალზე თავმდაბლური პროგნოზია.

ახლა სხვებსაც მოვუსმინოთ: გიორგი მოსიძე: ინტელექტუალური მოძრაობის ძირითადი მიზანია, თვითივე ჩვენგანს ჩამოუყალიბდეს საკუთარ აზროვნებასა და შემეცნებაზე დაფუძნებული, ყოველგვარი ზენოლისაგან თავისუფალი მსოფლმხედველობა. ვფიქრობ, რომ ეს მისია ჩვენმა კლუბმა შეასრულა და ამდენად მისი არსებობა გამართლებულად მიმაჩნია. მან შემოიკრიბა და გააერთიანა სხვადასხვა პროფესიის, მიზანსწრაფვის და გნებათ, შეხედულების საღად მოაზროვნე, ნაკითხი, განათლებული, ნიჭიერი ახალი თაობა, რომელთა საშუალო ასაკი თხუთმეტი-ოცდახუთი წელია (ეს ყველაზე მეტად ნიშანდობლივია), და ამით სხვებსაც უჩვენა მაგალითის ძალა.

გიორგი ბაქრაძე: (ფიზიკოსი, ასპირანტი, მუშაობს მსოფლიო ბანკის მუნიციპალურ პროექტში კონსულტანტად) დარწმუნებული ვარ, ჩვენი თაობა თამამად შეაბიჯებს XXI საუკუნეში. ჩვენ მას უეჭველად გამოვადგებით.

ინტელექტუალებთან ერთ-ერთი სტუმრობისას ბატონმა ზურაბ ჟვანიამ ასე მიმართა მათ: „ამ შეჯიბრში დამარცხებული არ არსებობს. მონაწილეობდეს ამ რანგის თამაშებში – ეს თავისთავად გამარჯვებაა“.

იდეტური აზრის გამოსახატავად სახელოვანი წინაპრის, დიდი ირაკლი ფაღავას შვილიშვილმა – პატარა ირაკლი ფაღავამ ისევ სულმნათი პოეტის სიტყვები მოიშველია. „ანმყო თუ არ გვეწყალობს, მომავალი ჩვენია“-ო და ერთ-ერთ ბლიც-ინტერვიუში ამით განმუხტა დროებითი მარცხით გამოწვეული თავისი გუნდის უგუნებობა.

დათო ჭოჭუამ – თსუ საერთაშორისო სამართლისა და ურთიერთობათა თექვსმეტი წლის პირველკურსელმა, „აუდიენციის“ ახლადჩამოყალიბებული გუნდის წამყვანმა მოთამაშემ თავისი ცხოვრებისეული კრედიტითი ძალზე მოკლე და ტყუილი ფრაზით ასე ჩამოაყალიბა: „ძლიერ სახელმწიფოს ახალი თაობა აშენებს!“

ნელ-ნელა ჩამოვდიოდი უნივერსიტეტის კიბეებზე და გონებაში დათოს აზრს ვაგრძელებდი: აი, ეს თაობაც!

# საბჭოური ყოფიერებიდან გადმოყოლილი ერთი ოპოზიციური სტერეოტიპის შესახებ

საბჭოურ ყოფიერებაში ჩვენს ცნობიერებას ჩვენდაუნებურად შეუსისხლხორცდა გარკვეული სტერეოტიპები, რომელთა ჩამოშლერტვა, ბუნებრივია, არაა მაინც და მაინც ადვილი პროცესი.

ამჯერად ყურადღებას გავამახვილებ ერთ ოპოზიციურ სტერეოტიპზე, კერძოდ, უსანქციო მიტინგებზე, როგორც პოლიტიკური ბრძოლის ერთ-ერთ საშუალებაზე.

უსანქციო მიტინგების საკითხი დღესაც აქტუალურია საქართველოში, რამდენადაც მათი ჩატარების მცდელობანი საკმაოდ ხშირია, განსაკუთრებით ექსპრეზიდენტის მეუღლისა და მის თანამოაზრეთა მხრიდან, და, შესაბამისად, ხშირია მათი აღკვეთის ღონისძიებებიც – მეტწილად მიუღებელი მეთოდებით.

ამას წინათ დიალოგი მქონდა სრულიად საქართველოს ადამიანის უფლებათა დაცვის ასოციაციის პრეზიდენტთან, ბ-ნ გიორგი კერვალიშვილთან. მან, რასაკვირველია, ხელისუფლების გამოა დაიწყო ადამიანის უფლებების დარღვევებთან, კერძოდ, მიტინგების დარბევებთან დაკავშირებით. მე მას მოკრძალებულად გავახსენე საბჭოთა პერიოდი, როდესაც ხელისუფლებისადმი ოპოზიციურად განწყობილ ადამიანებს პოლიტიკური ბრძოლის არავითარ საშუალება და უფლება არ გააჩნდათ (მათ შორის, არც მიტინგის ჩატარების უფლება არანაირ ადგილას). დემოკრატიული უფლებების მოპოვებისათვის ყოველგვარი მცდელობა ხელისუფლების მხრიდან სასტიკი რეპრესიებით მთავრდებოდა, რაზეც ძალზე მწვავედ რეაგირებდნენ მსოფლიოს დემოკრატიული ქვეყნები. პრეზიდენტები, მთავრობათა მეთაურები, როგორც იტყვიან, მაგიდაზე მუშტებს უბრაზუნებდნენ საბჭოთა კავშირის წარმომადგენლებს, აწებდნენ მკაცრ სანქციებს საბჭოთა კავშირის მიმართ და ა.შ. მე ბ-ნ გიორგი კერვალიშვილს ვკითხე, როგორ ახსენითე იმას, რომ დღეს ასეთი რეაქცია აღარაა მსოფლიოს მხრიდან, თუნდაც მიტინგების დარბევებზე. მეტიც, უსანქციო მიტინგებს თავადაც ხშირად არბევენ-მეთქი.

ჩვენი დიალოგის აღწერით თავს აღარ შევანწყენ მკითხველს...

ბ-ნი გიორგი კერვალიშვილი, ჩემის ვარაუდით, გულწრფელად არის დაინტერესებული ადამიანის უფლებების დაცვით, მაგრამ...

მაგრამ, სამწუხაროდ, მასაც (ისევე, როგორც ჩვენ, ყველას, მცირედენი გამონაკლისის გარდა) საჭოური ყოფიდან გადმოყოლილი მრავალი სტერეოტიპი უშლის ხელს ობიექტური რეალობის აღქმაში.

ჯერ კიდევ კარგად ვერ გაგვიცნობიერებია, რომ ის დრო სხვა იყო, ეს დრო კი – სხვაა.

მართო იმის გახსენება რად ღირს, რომ იმ დროს ხელისუფლების საწინააღმდეგო ერთი ქეცინი პროკლამაციის გავრცელებისთვისაც კი იჭერდნენ, დღეს კი ოპოზიციური გაზეთების ნამდვილი ნიაღვარია!

ჩვენ კარგად გვახსოვს, რომ საბჭოთა პერიოდში ადამიანის უფლებებისათვის ბრძოლა, ანუ იმ საბჭოთა კანონების დარღვევა, რომელიც ადამიანის უფლებებს ზღუდავდა და ფეხქვეშ ქელავდა, მსოფლიოს პროგრესული, დემოკრატიული საზოგადოებრიობის მხრიდან მხურვალე მხარდაჭერას, აღტაცებას, ნახალისებას იმსახურებდა, ზოგჯერ ნობელის პრემიასაც კი!

დღეს სრულიად განსხვავებული ვითარებაა. ამჟამად პოლიტიკური ბრძოლის ყველა ის უფლება და საშუალება არსებობს ჩვენში, რაც დემოკრატიულ ქვეყნებშია დამკვიდრებული. (ნეტავ, ცხოვრების დონეზეც შეიძლება დავსამის თქმა!). თანაც ეს უფლებანი კონსტიტუციით, კანონმდებლობითა და დასტურებული. ესაა თავისუფალი საინფორმაციო საშუალებანი, მრავალპარტიული არჩევნები, თუნდაც იგივე მიტინგები და დემონსტრაციები (ოღონდ არსებული დემოკრატიული კანონების ფარგლებში).

ამ განსხვავებულ ვითარებას კარგად ხედავს მსოფლიოს დემოკრატიული საზოგადოებრიობა, კარგად ხედავს იმას, რომ დღეს საქართველოში ნამდვილი ანაქრონიზმია პოლიტიკური ბრძოლის იმ მეთოდების გამოყენება, როგორსაც იყენებდნენ სრულიად არადემოკრატიული საბჭოთა რეჟიმის დროს. რასაკვირველია, ვინც ამ დრომოჭმულ მეთოდებს გამოიყენებს და ამის გამო კანონიერად დაისჯება, მას, ფაქტობრივად, არავინ დაუჭერს მხარს, ყოველ შემთხვევაში, მთავრობათა დონეზე.

თუ საერთაშორისო სამთავრობო ორგანიზაციები საქართველოში ადამიანის უფლებების დარღვევებზე ლაპარაკობენ (მაგალითად ამერიკის კონგრესში), აქ იგულისხმება საქართველოს დემოკრატიული კანონების დარღვევები (რაც სამწუხაროდ, საკმაოდ ხშირია), და არა ამ კანონების დამრღვევთა დასჯა,

ან, მაგალითად, უსანქციო ანუ უკანონო მიტინგების დარბევა.

საბჭოთა პერიოდის და ჩვენი სინამდვილის რადიკალური განსხვავებიდან გამომდინარე (დემოკრატიულობის თვალსაზრისით), ადამიანის უფლებათა დამცველს (ვიმედოვნებ, გულწრფელს), ბ-ნ გიორგი კერვალიშვილს შეევასხენებ, რომ ადამიანის უფლებათა დამცველმა დემოკრატიული კანონები უნდა დაიცვას და არა ამ კანონთა დამრღვევნი! მე მას გულწრფელად ვურჩევდი, მიტინგის დარბევაზე მაშინ ახმაურდეს და აგანგაშდეს, როდესაც, მაგალითად, ქ-ნი მანანა არჩვაძე-გამსახურდია მიტინგს ჩატარებს კანონის დაცვით, კანონით გათვალისწინებულ ადგილებში (მაგალითად, დედა ენის ძეგლთან) და სწორედ იქ მიუვარდება და დაარბევს პოლიცია! მხოლოდ და მხოლოდ ამ შემთხვევაში (თუ ასეთი შემთხვევები იქნება) დაუჭერს მხარს მსოფლიო საზოგადოებრიობა ბ-ნი გიორგის საპროტესტო წერილებს და თუ იგი ასეთი ტიპის სამართალდამცავად იქცევა, ერთ მშვენიერ დღეს შეიძლება ნობელის პრემიასაც კი გამოჰკრას ხელი!

ხუმრობა იქით იყოს და, ყოვლად მცდარი და აბსურდულია იმის მტკიცება, თითქოს ხელისუფლება მიტინგებს ხელისუფლების კრიტიკის გამო არბევდეს. ეს რომ ასე იყოს, მაშინ უნდა დაერბოთ და ციხეებში ჩაემწყვდიათ უამრავი ოპოზიციური გაზეთის რედაქციათა წევრები და ავტორები, რომლებიც, სხვათა შორის, არა მხოლოდ კრიტიკას სჯერდებიან ხელისუფლებისას (თუნდაც ძალზე მწვავეს და სამართლიანს), არამედ ყოვლად მიუღებელ, უშვერ ლანძღვა-გინებასაც არ ერიდებიან, ყოვლად აბსურდულ და ფანტასტიკურ ცილისწამებებსაც კი ავრცელებენ საქმეში ჩაუხედავი, გაჭირვებით გამწარებული, ადვილად გასაბრიყვებელი ადამიანების დასაბნეველ და მისამხრობად. (სხვათა შორის, სამართლებრივ სახელმწიფოში სწორედ ასეთი გამოხდომები იხვევა, აქამდე კი ჯერ კიდევ შორსა ვართ!).

მაგრამ, როგორც იტყვიან, მედალს მეორე მხარეც აქვს.

ზემოთხსენებული უსანქციო (ანუ უკანონო) მიტინგების დამრბევი პოლიცია, სამწუხაროდ, თავდაცვით არხებზე არღვევს კანონებს და, შეიძლება ითქვას, გაცილებით მეტსაც, ვიდრე ქ-ნი მანანა თავისი მიტინგებით! აი, ამ დარღვევების გამო უნდა ვამხილოთ პოლიცია და საერთოდ ხელისუფლება, თუ მსოფლიოს მხარდაჭერა გვინდა, და არა იმ ყბადაღებული უსანქციო მიტინგების აღკვეთის, თუნდაც მწარედ დარბევის გამო.

მაგრამ, მიუხედავად ამისა, ქ-ნი მანანა და მისი ჯგუფი ჯიუტად, თუმცა ამაოდ ელის, როდის აღშფოთდება მსოფლიო საზოგადოებრიობა და საქართველოს მოსახლეობა დამრბევთა წინააღმდეგ!

აღშფოთების რა მოგახსენოთ, მაგრამ ფაქტია, რომ ხალხი უკვე იცინის, როდესაც ქ-ნი მანანას მიტინგის დარბევის ამბავს შეიტყობს ხოლმე!

შესაძლოა, ქ-ნი მანანასა და მის დამცველებს ძალიანაც აოცებთ ყოველივე ეს, მაგრამ ფაქტია, რომ მათ მიერ ჩატარებულ მიტინგებს არავითარი რეალური შედეგი არ მოაქვს არც ხელისუფლებაზე ზეწოლის თვალსაზრისით, არც მსოფლიოს მხარდაჭერის თვალსაზრისით, არც მოსახლეობის (თუნდაც ძალზე უკმაყოფილო ნაწილის) აქოლიების თვალსაზრისით (მოებზრდა ხალხს!) და არც არავითარი თვალსაზრისით!

მაშ რა ხდება? რატომ არბევინებენ თავს ეს დალოცვილიშვილები?

ერთადერთი რამ, რაც შეიძლება ვივარაუდოთ, არის ის, რომ ქ-ნი მანანას და მის მიმდევრებს რატომღაც ძალიან სიამოვნებთ პოლიციელთა ხელკეტები და მწარე მუჯღუგუნები!

არანაკლები სიამოვნებით იყენებენ მათ მიმართ ხელკეტებსა და მწარე მუჯღუგუნებს პოლიციელებიც!

ერთი სიტყვით, აქ, აშკარაა, ორმხრივ პარტნიორულ სიამოვნებასთან გვაქვს საქმე!!!

ხუმრობა ისევ იქით იყოს და, საბჭოთა კავშირის დროს დარბევის ამგვარ პროვოცირებას - ხელკეტებსა და მწარე მუჯღუგუნებზე სიამოვნებით ნასვლას - ის აზრი მაინც ჰქონდა, რომ ამას ძალზე მწვავე გამოსმაურება მოჰყვებოდა ხოლმე მსოფლიოში თვით მთავრობათა დონეზე. დღეს კი, როდესაც დემოკრატიული პოლიტიკური ბრძოლის საშუალებებს ველირსეთ, მსოფლიოს მწვავე რეაქცია, ფაქტობრივად, გამორიცხულია. (თუ მხედველობაში არ მივიღებთ ზოგიერთ საზოგადოებრივ სამართალდამცავ ორგანიზაციას, რომელთა პოზიცია დიდს არაფერს ნიშნავს).

აი, ეს ვერაფრით ვერ შეიგნეს ჩვენმა „ქვის ხანის“ პოლიტიკოსებმა, დღესაც რომ საბჭოურ რეჟიმში შემუშავებული მეთოდებით იბრძვიან!

არადა, პოლიტიკოსი რიდასი პოლიტიკოსია, თუ დროსა და ვითარებას ვერ უღებს ალღოს!..

ეს ყველაფერი კარგი, მაგრამ მე ჩემი დარდი მანუხებს:

ჩასაფრებული ადამიანი ჩემს ამ წერილს ისეთ ინტერპრეტაციას მისცემს, თითქოს მიტინგების დარბევებს ვამართლებდე.

არა, ღმერთმა დამიფაროს! ფუი ეშმასკ!

ცხადია, მიტინგის, თუნდაც ყოველად უკანონოს, აღკვეთის მიზნით დარბევა არაა მაინც და მაინც კეთილშობილური საქციელი. ის კი არა და, მე თუ მკითხავთ, უზნეობა და დანაშაულია კიდევ.

მაგრამ, ჯერ ერთი - ამ უზნეობასა და დანაშაულში ორივე მხარეს თანაბრად უძევს წილი: პოლიციას, როგორც დამრბევს, და მომიტინგეებს, როგორც დარბევის მაპროვოცირებლებს (მით უფრო, თუ რომელიმე მხრიდან ამას მძიმე შედეგები მოჰყვება).

მეორეც - დავუშვათ და პოლიციამ არ აღკვეთა მიტინგი, არ გამოიყენა ძალადობა აღკვეთის მიზნით. რა მოჰყვება ამას?

თუ გავითვალისწინებთ მომიტინგეთა პოლიტიკურ მოთხოვნებს - „კანონიერი ხელისუფლების“ აღდგენა, ფაქტობრივი ხელისუფლების განდგენა - ძნელი წარმოსადგენი არაა მომიტინგეთა „მარშრუტი“: ჯერ, ვთქვათ, რესპუბლიკის მოედანზე ჩაატარებენ მიტინგს, მერე, ვთქვათ, ოპერასთან, მერე - აუცილებლად - პარლამენტის და სახელმწიფო კანცელარიის შენობასთან, ბოლოს კი, რა თქმა უნდა, ამ შენობებში შევლენ, რის შემდეგაც იქ მყოფ ხელისუფლებას კინისკვრით გარეკვა და საქართველოდან გადახვეწა მოუწევს (ზოგს მოუსავლეთშიც კი!).

დაუშვებს თუ არა ხელისუფლება ამას? რა თქმა უნდა, არა! და მომიტინგეებს დასაწყისში თუ არა, ბოლოს მაინც დაარბევს, ამ სამთავრობო შენობებში შესვლის წინ.

ესაა რეალობა და იგი შეიძლება მხოლოდ იმან ვერ დაინახოს, ვისაც რაღაც მანია სჭირს და დრომოჭმული მეთოდებით ცდილობს ახალი დროების მოჭმას, და, რაც უკვე მართლაც სასაცილოა, მსოფლიო საზოგადოებრიობის თანადგომას.

ჩვენ უკვე ახალ რეალობაში ვცხოვრობთ და, ამდენად, პოლიტიკური ბრძოლის თანამედროვე, ცივილიზებული, დემოკრატიული მეთოდების გამოყენებაა საჭირო. ვისაც ეს ელემენტარული ჭეშმარიტება არ ესმის, ის ვერც ვერასდროს მოვა ხელისუფლებაში და ამისაგან ღმერთმაც დაგვიფაროს!



### სეხნას

სანამდე რთველი რთველობს, მომავალს ვეტყვი კვებით, სჭირდები საქართველოს, აბა, შენ იცი, სეხნი!

### ჯანსუღ ჩარკვინანი



### გურამ ბაღოშვილი

– ღმერთმანი, არ მიყვარს ერთი ხე-ლობის შემყურე კაცი! რამდენი ვიცი, ამოიჩემებს ერთ რალაც საქმეს და, რომც ეხვეწო, სხვა რამეზე ხელებს გაასავსავებს! დალოცვილიშვილო, დურგალი ან კალატობი რომ ხარ, ძროხას ვერ მომწყემსავ? ვთქვათ, ყანა გაქვს სამკალი ან მთა – დასათიბი. სხვას უნდა ეხვეწო და ელიჯინო, არიქა, ყანა ჩამენვა, მომიმკე, აგრემც ღმერთი გიშველისო? არა, ძმაო, კაცი ყველაფერში კაცი უნდა იყო! შენს სოფელ-უბანს რაშიც დასჭირდები, იმად უნდა ივარგო! უჩოკაცი თვალთ არ დამენახებუა! როცა ორი-სამი კაცის ნიღბურუნავ, სოფლიშვილობაც მაშინ გეთქმის!

მე, საქმე რომ ჩამოვარდეს, სამიოთხი ხელობა მაინც ვიცი! გუთანი და ცელი ხომ ერთი დედის მუცლიდან ერთ დღეს ვართ გაჩენილები! თუ გაჭირდა, დალაქიც ვარ, წურბლების ექიმიც, ქაღალის მშველელ-მომლოგინებელიც, მეთევზეც და მონადირეც! რომელი ერთი ჩამოვთვალო?

სამი კვირა იქნება, თუ მეტი არა, სოფელმა კარნინ დამიჩოქა, – უნდა გვიშველო.

– რა გაგჭირვებიათ, რას შეუნუხებიხართ, ძმებო, მეზობლებო?

– რასა და დათვმა დაგვლუბა და დაგვაქცია! მთელი სიმინდი ძირს დააგო. არადა, ჯერ ტარო სიმინფეშიც არ არის შესული. მივა, ჩამოლენავს, ჩამოამტვრევს; კბილს რომ ვერ გააღვიძებს, გაბრაზდება, მოჰყვება ერთ ბურღლუნს, მიჩქნ-მოჩქნავს იქაობას, მერე ზედ დაინყებს გორაობას, მთელ ნათესს მოაკალოვებს და წავა ერთი ლანძღვა-გინებით! თუ არ მოგვამორე, ანანო, მთელ სოფელს დაგვამშვეს, ცარიელს დაგვყრის! ხალხს კიდევ იქნება რამე ეშველოს, საქონელი დაგველუბება, კონა ფურჩეს ვერ ამოვიტანთ ჭალიდან!

– აბა, – ვეუბნები მახვეწრებს, – ამდროულა კაცის დათვზე ნადირობა ვინ გაიგონა? დათვზე მონადირეს თვალი და მუხლი ბრაზივით უნდა უჭრიდეს, იმას სხვანაირი გაგეშვა უნდა!

– შენი ჭირიმე, ანანო! ოღონდ უარს ნუ გვეტყვი და მთელი სოფელი შენი მლოცველი ვიქნებით, ყმად დაგიდგებით!

– იქნებ ისევ მაგ ხორნალუთ ელიბოსთვის გეთხოვათ? ჯიელი კაცია, თან დათვის ხოცვაზეც ხელი აქვს გაჩვეული!..

– ვიყავით, განა არ ვიყავით, ჭირი მოვჭამეთ, მაგრამ არა ქნა!

– რაო, თავპატიყი გაიდო?

– არაო, – ვეუბნობა, – ვერ მოვკლავო, ჯერ ისევ ვლითხა, მაგისი ხორცი ხორცად არ ივარგებს და ტყავი – ტყავად! აი, თოვლს როცა ჩამოჰყრის, მაშინ მოვკლავო!..

– იტყოდა, იტყოდა, ეგ ისეთი ენის

# კუვიდოვით, იარალო!

პატრონია! მაშ, გაასუქეთ და მერე მოვკლავო, არა?

– მაგ დათვის გასუქებას მთელი ჭალის მოსავალი არ ეყოფა!

– მაშ, ჯერ გასუქდეს და მერეო, ჰა?..

– ისევ შენ უნდა გვიშველო, ანანო! ისევ შენ უნდა გაგასარჯოს! შენ უნდა უშველო ამ ჩვენ გაჭირვებას!

– კარგი, ხალხო, მეზობლობაც, რა გაენყობა! ისევ მე მოვკლავ იმ ლუბხორციან დათვის!..

– ღმერთიმც გიშველის, ანანო, ჩვენი შველისთვის!..

– ოღონდ ერთი პირობით...  
– ბრძანე!

– ჭალის ნათესი სამ დღე-ღამეს კიდევ როგორმე უნდა შეინახოთ!

– იმ ოხერ დათვთან ცარიელი ხელებით ბრძოლა სად შეგვიძლია? იმას სამი დღე-ღამე წინ რა ქაჯი და ეშმაკი დაუდგება?

– არ შემიძლია, ხალხო! სამი დღე და ღამე თოფი მიწაში უნდა მქონდეს დამარხული! ისე ძალას ვერ მივატანინებ! მაინცა და მაინც ყველა საიდუმლო თქვენ უნდა ჩაგინიგნროთ? დათვია, მელა ან კურდღელი ხომ არ არის? გაიგეთ, რომ დათვიც და ჯიხვიც ნამარხი თოფით უნდა მოიკლას. სხვანაირად ტყვიას ძალა არ ექნება. არ დამარხავ და ნადირისთვის გინდა კენჭი მოგიხვედრებია, გინდა – უაკანი!

– ეჰე-ჰე-ჰე, – აყაყანდა მეზობლობა, – ყველაფერს რომ თავისი წესი აქვს! დაგელოცა, ღმერთო, სამართალი!

– დღესვე ჭალაში უნდა ჩახვიდეთ, ბალამნარის ხეები გაქერქოთ და კარვად გააშროთ. მერე ამ ხმელი ქერქით ჩირახებს გააკეთებთ. ღამით ჩადით, ანთებული ჩირახებით სიმინდის ნათესებს თავბოლოთ უარეთ, იყვირეთ, იხმაურეთ და ის დათვი, გიჟი ხომ არ არის, ყანას შორიახლო გაეკაროს?! წავა, გადაძვედება, გადაილუბება. თუ მაინც არ შეგეპუათ, სამი დღის მერე მეც იქ გავწნდები და, თუ თავის წერას ჰყავს ატანილი, გამოჩნდება ძმობილი! გამოჩნდება და, ფიქრიც ნურაფრისა გაქნებათ, სისხლის ქვიშაში ვაბანავებ!..

– ავრემც გაგიმარჯვდება, ანანო!

ჩაცხრა, ჩანყნარდა სოფელი. ოღონდ ეს დათვი ვინმე მოკლას, თავიდან დააშროს და ხელჩირახიანები სიმინდის ნათესებში თუნდ მთელ კვირას დედანუ-

ლიანად ივლიან, იყვირებენ, იხმაურებენ, რკინის რკინაზე ცემით მთა-ბარს შეძრავენ... ოღონდ ამ დათვტილას ლუკმა პირიდან წაართვან...

– ჩემი ბერდენკა თავისი სამი უაკნით სამ დღე-ღამეს მიწაში მქონდა ჩამარხული. სად მემარხა, რა ადგილას მემარხა, ამას, რა ვენა, თქვენი დიდი ხათრი მაქვს, მაგრამ ვერ გაგიმხელთ! დედ-მამა რომ გამიცოცხლდეს, სიტყვას ისინიც ვერ დამაცდენინებენ!

სამი დღე-ღამე სამ წლად მომეჩვენა; დრო უდროობად მექცა, გათენდება და აღარ ღამდება! ვხედავ, ჩემი ცოლი ცვილის სანთელს ქნის, თან ლოცულობს, რალაცას ჩაუთქვამს. მაშ, სამი დღე-ღამეც გასულა!

დილით ავდექი. ქალმა გზა დამილოცა, თან მეუბნება, თოფიც და საგზალიც მანდგევაო. დავეხარე, დავნვდი გუდას, ძვრა ვერ ვუყავი! ღმერთო შენ მიშველე! რა ხდება, ჩემ თავს რა ამბავია? თოფს ვენვდები, მხარზე უნდა გადავიკიდო, აღარც ჩემი ბერდენკა მომყვება!.. ერთხელ, მეორედ, მესამედ... თოფს და საგზლიან გუდას ქვეშ ჰაერიც ვერ გავუტარე!

– მარიამ! – ცოლს ვეძახი. – აბა, აქ მო!

მოდის ჩემი მაკა წყნარად, აუმიღვრევლად.

– შენ ისევ აქ თუ ხარ? – მეკითხება, – ნასულიც მეგონე!

– რა ვქნა, მინდა და ვერ წავსულვარ! მგონი, ძალას ვკარგავ!.. ვერც თოფს, ვერც გუდას ძვრა ვერ ვუყავი. ვენვდები და არ მომყვებიან..

– დიდება შენთვისა, ღმერთო! – ჩურჩულებს ჩემი ქალი და პირჯვარს იწერს. მერე, თითქოს ბურანიდან გამოერკვაო, დაფიქრებული მეუბნება:

– ნეტავ მაცოდინა, ღვინის ამბავი ხომ არ არის?

– რა ღვინო, რის ღვინო?

– გუდაში ერთი მინა ღვინო ჩავიდგი, ვიფიქრე, ეგება სადილად პირი გაისვლოს-მეთქი!.. ვინ იცის, არ უნდა ჩამედგა? იქნება სულაც ანანურის ღვინისმომბეუთ არა ხდინობს, სანადიროდ ღვინიანს არ გიშვებს?..

– ღვინო შენა და, შენი ეშმაკები! ამოიღე, მოაშორე აქაობას! ნადირობა და ღვინის სმა ერთად ვინ გაიგონა? ნანადირევს შინ რომ მოვიტან, სმა და ქეიფი მე-



რე გავწიოთ! გუდაში ღვინო თუ მქონდა ჩადგმული, ჩემი გამწენი ღმერთი სადღა გამიძებნება?

\*\*\*

– სოფლის ხმაურსა და ჩირახების ბრიალს სიმიანდს მოჩვეული დათვი ისე დაეფრთხო, სამი დღე-ღამე იქაობას არ გაჰკარებია. არა, უნებური ტყუილი გამოივიდა! მოსვლით როგორ არ მოსულა, მაგრამ თურმე იქაურობას კაცივით ზვერავეს, სიმიანდს ზედაც აღარ უყურებს! რაზე ვატყობ და – ნაფეხურებზე. იმ დილითაც ჩემ ქოხთან სამ ნაბიჯზე მოსულა, ვუნახივარ და ნაგრილივით უხმაუროდ გაპარულა. ეჭვიც აღარა მაქვს, რომ მათვალეირებს, მამონებს; ერთი სული აქვს, შეიტყოს, რით ვარ მისული, კეტიტ, ფილთათოფით თუ ბერდენკით! ბერდენკის შიში ნამდვილად აქვს, იმას უფრთხის, ფილთა-მილთა კი სასაცილოდაც არ ჰყოფნის!

ორჯერ მოვიდა. იმის ძველ და ახალ ნაფეხურებს წიგნივით ვკითხულობ, ვერაფერს გამომაპარებს!

მესამე ღამეა და გუმანით ვგრძნობ, უნდა მესტუმროს. მოვა, უეჭველად მოვა, შიშმა და ელდამ ხომ უკვე გაუარა. ისიც კარგად ვიცი, სოფელზე ძალიან არის გაბრაზებული! გაბრაზდება, მაშ რა მოუვა, როცა სურვილი დაუშალებს, ჭალიდან ძალით გააგდეს, ჩირახების ბრიალით თვალთ დაუბნელეს! ახლა მისი დროც დამდგარა! ხალხი აღარ ხმაურობს, შინ ნასულან, გაკრეფილან! თავს გამარჯვებულად თვლიან და იმიტომ! ალბათ დათვი ახლა გულში მჯიღს იცემს, ფიქრობს, დანაკლისი ერთიათად აინაზღაუროს – სიმიანდს ხბორები და ცხვრებიც ზედ მიაყოლოს!

მე კი ვზივარ ქოხში და თავს ვსაყვედურობ:

– შეიძლება მარტო არც უნდა ნამოვ-

სულიყავ! რა იცი კაცმა, როდის რა ხდება?.. იქნებ პირველი ტყვიით ვერც დავატანინო, ან სულაც დამიცდეს? თუ ღმერთი შემენია და ჟაკანი თავში მოვარტყი, ხომ კარგი, ვერ მოვახვედრე და მერე რას შვრები? დაჭრილ დათვთან ბრძოლას მთელი უბანიც ვერ აუვა! არა, ნამდვილად შევცდი! ჩემმა მარიამმაც რატომ არაფერი მიჩია? ელიბოს მაინც უნდა შევხშიანებოდი, უარს როგორ მეტყობა?

თავმონადირე ეგ არა მყავს, მაგრამ ხმის გაცემას რა დიდი ამბავი უნდა? სულ რომ არაფერი, გამოწიებულ ცეცხლს სულს მაინც შეუბერავდა!

– არა, მეც რას ავიკვიატე? ვინ იცის, იქნებ ფეხიც აღარ მოადგას, იქნებ დამინახა, ბერდენკით რომ ვყარაულობ და შეშინდა? სული, შე კაი კაცო, ორფეხისთვისაც ტკბილია და ოთხფეხისთვისაც!

თენება რომ ნამოვიდა, ფეხზე ავდექი, ვიფიქრე, ძილმა არ ნამილოს-მეთქი! გამოვედი გარეთ და ქოხის წინ ფრთხილად ავიარ-ჩავიარე. ჩამი-ჩუმი არსაიდან არაფრისა ისმის. ქოხთან ახლოს, იქვე, ცხრა-ათ ნაბიჯზე, ფშანი გამოდის, კოჭზე ამოდულს და მოზრდილ ტბორს აჩენს. მივედი, დავიხარე და წყალი ჰემვით სახეზე და ყელ-კისერზე შევისხი. ვიგრძენი, გამოვფხიზლდი, თითქოს ხალისიც მომემატა. ნამოვედი ქოხისკენ, თან ჩუმად ვლილინებ. ორი-სამი ნაბიჯიც რომ წავდგი, ადგილზე ვაგშემდი! ქოხის წინ უკანა ფეხებზე კაცივით შემართული დათვი დგას, წინა ტორებით ჩემი ბერდენკა ჩაუბლუჯია და რალაცას გულმოსული ბურდელუნებს... ადგილიდან ვერ ვინძრევი, მარტო იმას ვგრძნობ, ცივი ჟრუანტელი როგორ მივლის ტანზე, ხელეებზე, ფეხებზე... დათვი ჩემკენ ნამოვიდა. მოდის, მოტორტმანებს, ბერდენკის კონდახს მიწაზე მოათრევს, ლულას

ტორებით ჩაჰფრენია და გეზად მოდის. ფიქრის უნარი დავკარგე, აღარ ვიცი, რა შეიძლება მოიქმედოს, ან მე რით ვუპასუხებ...

უცებ დათვმა ერთი დაიღრიალა, უკანვე შებრუნდა, იმ ხეს მივარდა, საიდანაც წუთის წინ თოფი ჩამოხსნა და ბერდენკა მურყნის მსხვილ ზროს მთელი ძალით შემოჰკრა. ურტყამდა ბერდენკას მურყნის ხეს და რამდენსაც ურტყამდა, ნადირს მძვინვარება უფრო და უფრო ემატებოდა. მალე დათვი ხეს მოშორდა და თოფის კონდახი იქვე დაგდებულ ქვის ლოდს გამეტებით დასცხო. კონდახი ნაწილ-ნაწილ იფშვნებოდა და, თეთრ ნამსხვრევებად ქცეული, აქეთ-იქით იყრებოდა. როცა დათვმა თოფის ლულაც მიგრის-მოგრისა, თითქოს ჩაცხრა, ჩანყნარდა, მაგრამ უცებ ისევ ნამოვენთო, ორიოდ ნაბიჯი წინ ნამოდგა და დაგრეხილ-დაქუცმაცებული ბერდენკა მთელი ძალით ჯოხივით მესროლა! „ჯოხმა“ ზრიალით გვერდზე ჩამიქროლა და ჩემს ზურგს უკან, თხილის ბარდებში, ჩასრიალდა.

...წავიდა დათვი. მთელი სიმიანდის ნათესები ისე ჩაიარა, ერთი ღეროც არ დაუნვდია, არც უნახავს დაუბაზდა თუ არა სიმიანდს ტარო, ან როდის დაენწყებოდა რთველი...

წავიდა, გამშორდა ჟინდამცხრალი დათვი, მე კი ისევ იმ ადგილს შევრჩი, სადაც სამი-ხუთი წუთის წინ გონწართმეული ვიდექი. როდემდის ვიყავი ასე გაოგნებული, მე თვითონ აღარ მახსოვს. ხმა რომ დავძარი, გონს მაშინ მოვეგე.

– ღმერთო! – ჩუმად ამოვილაპარაკე, – კიდევ იტყვი, ღმერთი არა ვარ და ქვეყანა მე არ გამინესრიგებიაო? მაშ, ვინ მისცა დათვს იმოდენა გონება, მოსაკლავად ჩასაფრებული მტერი ასე რომ დამინდო და ძვალი რბილად არ მიქცია?..



# საქართველო

საქართველოს ისტორიის შესახებ ბოლო წლებში მრავალი წიგნი გამოქვეყნდა. როგორც შინ, ისე – საზღვარგარეთ. წიგნებს, სტატიებს 1992 წლიდან შეემატა როგორც ინფორმაციის, ისე, სამწიხაროდ, ცრუ ინფორმაციის მძლავრი წყარო – ინტერნეტი.

საქართველოს პარლამენტის ინტერნეტით ვრცელდება ბატონ გია ანჩაბაძის მიერ შედგენილი ტექსტი, რომლის მიხედვით საქართველოს ტერიტორიაზე ოთხი ათასი წლის წინ, კოლხთა – აიეტისა და მედეას ქართულ სამეფოზე ადრე, არსებობდა ჩერქეზების, ჩეჩნების, ინგუშების, ლეკებისა და სხვა არაქართველების ძლიერი ტომობრივი გაერთიანებები. ამ დაუსაბუთებელი ვარაუდის ინტერნეტით სამ (ქართულ, რუსულ, ინგლისურ) ენებზე გავრცელება საზოგადოებას უქმნის ისეთ შთაბეჭდილებას, თითქოს ქართველებმა დაიპყრეს სხვათა ისტორიული საცხოვრისი, გააქართველეს და დახოცეს ძველი მოსახლეობა. ეს ვარაუდი გადაიღეს უცხოეთის ცენტრებმაც. საქართველოზე, აშშ კონგრესის ბიბლიოთეკის ფონდში და ინტერნეტში ჩართულია ვინმე რობერტ ბედროზიანის წიგნი „ქართველები“. აშშ-ს კალიფორნიის უნივერსიტეტის ინტერნეტით ვრცელდება ვინმე პაულა გარბის მიერ საქართველოს შესახებ შედგენილი მცდარი ტექსტი. ვ. არძინბას მიერ ლონდონში კონსულად დანიშნული ჯორჯ ჰიუიტი-სა და ვ. არძინბას მიერ აშშ-ში საგანგებო და სრულუფლებიან წარმომადგენლად დანიშნული ინალ

ბაზანი, რომელიც დღევანდელი საქართველოს იმპერიის დანგრევას შეპირდა მსოფლიოს, ცხადია, არ უწყობენ ხელს საქართველოზე სწორი შეხედულებების გავრცელებას.

იაპონიაში, ჰოკაიდოზე, ჰუკუდაის უნივერსიტეტის სლავისტიკის ცენტრში შეადგინეს საქართველოს შესახებ ინტერნეტით გავრცელებული ტექსტების თემატიური საძიებელი, სადაც დასათაურების გვერდით გამოსახულ ლილაკზე მორბენალის (კურს ორი) დანკაპუნებით შეიძლება ტექსტების ნაკითხვა ძებნის გარეშე.

ვფიქრობ, საჭიროა ინტერნეტით გავრცელდეს საქართველოს რუკა ერთა ლიგის მიერ 1919-21 წლებში აღიარებული საზღვრებით. ეს რუკა გამოქვეყნებულია პარიზში ანდრე ჰიბელსის წიგნში „ლაჟორჟი“, საქართველო, 1921 წ.

საქართველო იწყება ტუაფსეს სამხრეთით აღნიშნული მდინარე მაკოფსედან სამხრეთით – დღევანდელი თურქეთის ქალაქ რიზემდე. აფხაზეთი, აჭარა, ჰერეთი (საინგილო) ერთიანი საქართველოს საზღვრებშია. ასეთი საქართველო ცნეს სახელმწიფოდ სხვადასხვა ქვეყნებმა ჯერ ფაქტიურად, შემდეგ – იურიდიულად. შემდეგმა ქვეყნებმა ცნეს დე იურედ საქართველო: არგენტინა, 13 სექტემბერი

1920; გერმანია, 24 სექტემბერი 1920; დიდი ბრიტანეთი, ბელგია, 26 იანვარი 1921; საფრანგეთი, იტალია, იაპონია; პოლონეთი, 28 იანვარი 1921; ავსტრია, 17 თებერვალი 1921; რუმინეთი, 18 თებერვალი 1921; ლუქსემბურგი, 25 თებერვალი 1921.

ეს სია გამოქვეყნებულია წიგნში „საქართველოს ურთიერთობა ევროპისა და ამერიკის ქვეყნებთან“, რომი III, 1996 წ. – თბილისი, გვ. 273, ლაშა ბაქრაძე „მოკლე ანგარიში“.

პარიზის გაზეთში „ლა რევიუ დე პარიზ“, 1 ოქტომბერი, 1919 წ. გამოქვეყნებულია ვარლამ ჩერქეზიშვილის ტექსტი „საქართველო“, სადაც აღნიშნულია, რომ „ტერიტორია შავი ზღვის პირას – ტუაფსედან ტრაპიზონამდე, კავკასიონის ქედით შემოსაზღვრული ჩრდილოეთის მხრიდან, უძველესი დროიდან დღემდე ქართველებით დასახლებული არეა, რომელიც რუსეთის იმპერიის დაშლის შემდეგ, 1917 წლიდან ფაქტიურად დამოუკიდებლად იმართება საქართველოს მთავრობის მიერ და ითხოვს ხელის შეწყობას, რათა არ ჩაითრიონ მეზობელმა ქვეყნებმა ხოცვა-ჟლეტაში, რაც მათთან სუფევს“.

## ნათელა ფოფხაძე

### რას ამბობს შოთა რუსთველი ჩვენს პოლიტიკოსებსა და პოლიტიკურ ცხოვრებაზე

**ედპ-ს და სახალხო პარტიაზე**  
„გაიყარნეს ტირილით და პირსა ხოკით, თმათა გლეჯით, ერთი აღმა, ერთი ჩაღმა, უგზოდ მივლენ შამბთა ეჯით“.  
**„მრგვალ მაგიდაზე“**  
„პირველ ამოდ ილაღობეს, მერმე მედგრად ნაიკიდნეს“.  
**მოქალაქეთა კავშირზე**  
„ჩვენ ვერა გარგეთ, საქმენი სხვანი რა მოიგვარენით“.  
**ქართულ-ურუნალ-გაზეთებზე**  
„იხოკს და იგლეჯს ყველაი, ხმა ისმის თავსა ტკაცისა“.  
**ზოგიერთ მოხსნილ მინისტრზე**  
„შენყალბებული გაგზავნა, უყო რისხვისა ფასია“.  
**ელენე თევდორაძეზე**  
„გზა-გზა ყოფნა აღარა მცალს, პატიმრად-ა იგი მთვარე“.

**ილია ჭავჭავაძის საზოგადოებაზე**  
„ან მაშინდლისა ჩემისა სახე ვარ ოდენ ჩრდილისა“.  
**თამრიკო ჩხეიძეზე**  
„ან ქალისა ჩვენისათვის ქმარი გვინდა, სად მოვნახოთ?“  
**საკონსტიტუციო სასამართლოზე**  
„ნუ ამრუდებ უმართლესსა, ნუ წაინყმედ ამით სულსა“.  
**სავალუტო ფონდზე**  
„სამეფოსა ვაპატრონოთ, სახელმწიფო შევანახოთ“.  
**„თელასის“ ახალ პატრონზე**  
„ვისი ხარ, ვინ ხარ, სით მოხვალ მანათობელი ბნელი-სა?“

ნოს ხელმძღვანელად. ამის შემდეგ, დედაქალაქი ბატონ აპოლონს, სიცოცხლის ბოლომდე, არასოდეს დაუტოვებია. სტუდენტობას ძალიან უყვარდა ბრწყინვალე მაცნობი. იგი ახალგაზრდობისათვის დიდი პედაგოგიც იყო და ჭეშმარიტი მეგობარიც. წლების მანძილზე ბატონი აპოლონის სახელოსნოდან ქართულ ფერწერას ბევრი სახელოვანი მხატვარი შეემატა.

ამავე წლებში ბატონი აპოლონი საქართველოს მხატვართა კავშირის გამგეობამ სამხატვრო ფონდის თავმჯდომარედ აირჩია, რომელსაც იგი ათეული წლების მანძილზე ხელმძღვანელობდა. მან მოკლე დროში ფეხზე დააყენა სამხატვრო სანარმოო კომბინატი, რომლის სახვით და გამოყენებითი ხელოვნების თითქმის ყველა პროფილის სამჭრო მალალ დონეზე ასრულებდა შეკვეთებს არა მარტო საქართველოს, არამედ მთელი საბჭოთა კავშირის რესპუბლიკების ორგანიზაციებისათვის.


აპოლონ ქუთათელაძე კაცური კაცი იყო. მას ძალიან უყვარდა თავისი ოჯახი. აპოლონ თავის პირველ მეუღლეს, ქალბატონ ვერას, განსაკუთრებული პატივისცემით ეპყრობოდა. შვილები: ტარიელი, გურამი, მანანა, ნანა და ყარამანი მამას ყოველთვის აღმერთებდნენ.

1959 წელს ბატონი აპოლონი ქუთათელაძე თბილისის სახელმწიფო აკადემიის რექტორად დანიშნა. ამ დროს საბჭოთა კავშირის კომუნისტური პარტიის გენერალური მდივნის სავარძელში უკვე ნიკიტა ხრუშჩოვმა „მოიქალათა“. სტალინის კულტის მხილების შემდეგ მან მოულოდნელად რესპუბლიკებში სახვითი ხელოვნების ნაციონალური უმაღლესი სკოლები დახურა. საბჭოთა კავშირის მთელ ტერიტორიაზე მხოლოდ ლენინგრადის რეპინის სახელობის უმაღლეს სამხატვრო ინსტიტუტს და მოსკოვის სურიაკოვის სახელობის ანალოგიურ ინსტიტუტს დაუტოვეს სახვითი ხელოვნების სპეციალისტების მომზადების უფლება. ამ ინსტიტუტებში რესპუბლიკებისათვის გამოყოფილი იყო ლიმიტების უმნიშვნელო რაოდენობა. ეს ბარბაროსული აქცია რესპუბლიკების ეროვნული კულტურების არსებობის და განვითარების წინააღმდეგ იყო მიმართული და საბჭოთა კავშირის მთელ ტერიტორიაზე მხოლოდ რუსული კულტურის გავრცელებას უწყობდა ხელს. თბილისის სახელმწიფო სამხატვრო აკადემიაში პროფესორ-მასწავლებელთა საუკეთესო ძალები სამსახურიდან განთავისუფლების საფრთხის ქვეშ აღმოჩნდნენ.

აი, აქ გამოჩნდა აპოლონ ქუთათელაძის დიდი გამჭრიახობა და მისი განსაკვირვებელი ორგანიზატორული ტალანტი. პირველყოფისა, მან სახვითი შეუცვალა დაზგური ხელოვნების განყოფილებას. მას ახლა მოწოდებდალური ხელოვნების ფაქულტეტი დაერქვა. დაზგური ხელოვნება ფარულად აგრძელებდა არსებობას. ახალმა რექტორმა გარს შემოიკრიბა ერთგული ენთუზიასტები და დავით ციციშვილთან ერთად ორ წელიწადში გამოყენებითი ხელოვნების ფაკულტეტს მყარი საფუძველი ჩაუყარა. მოსკოვიდან და ლენინგრადიდან ჩამოიყვანეს გამოყენებითი ხელოვნების ახალგაზრდა ქართველი სპეციალისტები. გაიხსნა თხუთმეტამდე ახალი კათედრა.

აპოლონ ქუთათელაძემ უნებართვოდ სასწრაფოდ დაიწყო ახალი სასწავლო კორპუსის მშენებლობა. თავისი მეგობრებისა და საამშენებლო ორგანიზაციების პატრიოტულად განწყობილი ხელმძღვანელების დახმარებით, კორპუსი უმოკლეს ვადაში აშენდა.

მასსუს, თათბირზე ცენტრალური კომიტეტის პირველ მდივანთან, ვასილ მუჟანაძესთან, რომელზედაც კულტურის უმაღლესი სასწავლებლების რექტორები რესპუბლიკის ხელმძღვანელს ანგარიშს აბარებდნენ ჩატარებული მუშაობის შესახებ, ბატონმა აპოლონმა მუჟანაძეს



აპოლონ ქუთათელაძე და მისი ვაჟიშვილები: ხიტა და ტარიელი

ძეს მოახსენა: „თქვენი განკარგულების თანახმად, ჩვენ ახალი სასწავლო კორპუსი ავაშენეთ, აკადემიის პროფესორ-მასწავლებლები და სტუდენტობა მადლობას გიძღვნიან თქვენ, ასეთი ბრძნული განკარგულებისათვის“. ვასილ მუჟანაძე კარგახანს განცვიფრებული უყურებდა ბატონ აპოლონს და ამოად იხსენებდა თავის არარსებულ განკარგულებას, ბოლოს გაიღიმა და თანაშემწეს უთხრა: „ჩემი განკარგულება ძველი რიცხვით გააფორმეთ!“

უნდა მოგახსენოთ, რომ ვასილ მუჟანაძე იხვევ, როგორც თავად აპოლონ ქუთათელაძე, წარმოშობით ხონელი გახლდათ.

ბატონ აპოლონის უდიდესი დამსახურება იყო თბილისის სამხატვრო აკადემიის პოზიტიურ ბაზის შექმნა კასპის რაიონის სოფელ გარიყულაში, თარხნიშვილების ყოფილ სასახლეში. ეს დიდებული საჩუქარი სამხატვრო აკადემიის სტუდენტებს „მარშლიანთ სასახლის“ უკანასკნელმა მეპატრონემ, ბრწყინვალე ქალბატონმა, ეკატერინე მაჩაბელმა გადასცა.

აკადემიის კერამიკული სკოლის განვითარებისათვის უდიდესი მნიშვნელობა ჰქონდა მცხეთაში კერამიკული ქარხნის აშენებას, რომელიც ასევე ბატონ აპოლონის მეთაურობით განხორციელდა. მისივე ინიციატივით შეიქმნა აკადემიაში სტუდენტთა საკონსტრუქტორო ბიურო და სტუდენტთა ნამუშევრების მუზეუმიც.

ბატონ აპოლონის ჩემთვის ხშირად უთქვამს: „მხატვრები, რომლებმაც თბილისის სამხატვრო აკადემია დაეამთავრეთ, არ შეიძლება პროფესიონალებად ჩავითვალოთ. ჩვენ ჯერ კიდევ ხელოვნების მოყვარულები დონეზე ვართ. დღეს ჩვენ ყველაფერი უნდა გავაკეთოთ იმისათვის, რომ შევქმნათ ძლიერი პროფესიული ეროვნული სკოლა, რათა თანამედროვე ქართული ხელოვნება მსოფლიო ხელოვნების დონემდე ამაღლდეს. „1961 წელს ბატონმა აპოლონმა ლონდონის სამეფო სამხატვრო აკადემიაში, სტაჟირებაზე მიავლინა ჩვენი აკადემიის გრაფიკის კათედრის ახალგაზრდა პედაგოგი თეიმურაზ ყუბანიშვილი საგანგებო დავალებით: მას სამეფო აკადემიის სტრუქტურის მოდელი და სასწავლო პროგრამები უნდა ჩამოეტანა. თეიმურაზ ყუბანიშვილმა დავალება შეასრულა. რექტორატმა თბილისის სამხატვრო აკადემიის სტრუქტურის ლონდონის სამეფო აკადემიის მოდელი მორაგო.

აკადემიაში ახლა უკვე ოთხი ფაკულტეტი არსებობდა: სახვითი ხელოვნების, გამოყენებითი ხელოვნების, ხუროთმოძღვრების, ხელოვნების ისტორიისა და თეორიის.

თბილისის სახელმწიფო სამხატვრო აკადემია საბოლოოდ მსოფლიო სტანდარტების

უმაღლეს სამხატვრო სასწავლებლად ჩამოყალიბდა.

საბჭოთა კავშირის სახვითი ხელოვნების განვითარების საქმეში დიდი დამსახურებისათვის საკავშირო სამხატვრო აკადემიის წევრ-კორესპონდენტს, პროფესორ აპოლონ ქუთათელაძეს საბჭოთა კავშირის სახალხო მხატვრის ნოდება მიენიჭა.

ბატონი აპოლონი ხშირად ამბობდა: „ია ესეგდა ვეროი ი პრავდოი სლუჟილ ევო ველი ჩესტუე პარტიი!“ პარადოქსია, მაგრამ აპოლონ ქუთათელაძე არასოდეს არც ერთი პარტიის წევრი ყოფილა. როცა იგი თბილისის სამხატვრო აკადემიის რექტორი გახდა, პარტიურის წევრებმა წინადადებით მიმართეს ბატონ აპოლონს, პარტიაში შესულიყო. იმ დროს დიდი დანესებულები უპარტიო ხელმძღვანელი წარმოდგენილად მიჩნდათ. აპოლონი ყოყმანის შემდეგ დათანხმდა. პარტიულმა კრებამ აპოლონ ქუთათელაძე თავის რიგებში არ მიიღო, ვინაიდან იგი ახალგაზრდობაში მეფის არმიის ოფიცერი გახლდათ. ამ ინციდენტის შესახებ თვითონ აპოლონმა მეგობრებში სიცილით განაცხადა: „ბიუროს წევრებმა მთხოვეს პარტიაში შესვლა და არჩევებზე თვითონვე გამაშავეს“. რესპუბლიკის ხელმძღვანელობამ ამ შემთხვევას ყურადღება არ მიაქცია და ბატონი აპოლონ ქუთათელაძე სიცოცხლის ბოლომდე უპარტიო რექტორი გახლდათ.

ბატონი აპოლონი დიდ მრავალფეროვან კომპოზიციებში ერთად, საქართველოს სხვადასხვა კუთხის ულამაზესი პეიზაჟების ავტორიც იყო. მას ილუსტრირებული აქვს უამრავი საბავშვო წიგნი.

ბატონ აპოლონს მრავალჯერ აქვს ნათქვამი თავის მეგობრებთან: „ჩემი შემოქმედების უპირველესი გმირები არიან: გორელი მენაღისა და მრეცხავი ქალის ვაჟი იოსებ სტალინი, რომელმაც მსოფლიოს ყველა დროის გამოჩენილ მხედართმთავართა შორის გენიოსის სახელი დაიმკვიდრა და საქართველოს მცვე თამარი, რომლის მმართველობაც ქართლის ცხოვრებაში ოქროს ხანად არის ნოდებული და მისი დიდებული სახე ქართველი ერისათვის დღესაც სალოცავი ხატია“.

ასეთად დარჩა ჭეშმარიტი პატრიოტი აპოლონ ქუთათელაძე მისი მახლობლებისა და თანამდგომთა მესხიერებაში; უპარტიო, დიდი რომანტიკოსი მხატვარი, გაუტყნელი ოპტიმისტი, რომელიც უხვად აფრქვევდა ირგვლივ სიყვარულსა და სინათლეს!

საქართველოს  
ქრონოლოგი  
ბიბლიოთეკა



# უპილავს თხოვდა, საინგილო არ მიეტოვებინათ

ჯერ კიდევ სრულიად ახალგაზრდას მეხსიერებაში ჩამებეჭდა შავი ცილინდრით, ხშირი, გოროზად შეკრული, გადახლართულნარბეზიანი კაცის სახე. მისი მოულოდნელი გამოჩენაც რალაცნაირად გვიფორიაქებდა სულს სასწავლებლად თბილისში ჩამოსულ ინგილო ახალგაზრდობას.

მშვიდ და ამავე დროს მღელვარე თხრობის კილოში, ყოველთვის იგრძნობოდა სიტბო და ძალა, რომელიც ჭაბუკებს ენერგიას გვმატებდა. ოდესღაც იმ წლებში გაღვივებულმა მამობრივმა სიყვარულმა დღემდე შემინახა ყოველივე ის, რასაც მისგან ვსწავლობდით.

ალექსანდრე პაპიაშვილზე მოგახსენებთ, კაცზე, რომელმაც ძნელი ცხოვრების გზა განვლო.

ჯერ კიდევ ყმაწვილი ბიჭუნა, კახიდან ზაქათალაში გადადის და იქ ცვეტოვების ოჯახში იდებს ბინას. სწავლა სწავლია.

ამ დროს ძალიან უჭირს საინგილოს. გარეგან და შინაგან ჭიდილში თირგუნება და იბორკება ისედაც დაბეჩავებული იქათმი ქართველობა. მიუხედავად ამისა, თბილისი არ წყვეტს კავშირს მის შორეულ პერიფერიასთან და შეძლებისდაგვარად ეხმარება კიდევაც.

1925 წელს საინგილოს ქართული სკოლების ხელმძღვანელად გაიგზავნა ბართლომე მეგრელიძე, ეს ლტონიერი და კეთილშობილი პიროვნება. მან სხვა სასიკეთო საქმეებთან ერთად, ინგილო ახალგაზრდების სწორი ორიენტირება და საუკეთესო ნაწილის ცენტრისაკენ წამოყვანა გადამწყვიტა.

ექვს ინგილო მოსწავლეთა შორის იყო პატარა ალექსანდრეც... მის მეხსიერებას ღრმა ტკივილად ჩარჩა განათლების სახალხო კომისარიატის უარი მათი სკოლაში მიღების შესახებ. მთიელთა საბავშვო სახლის იმჟამინდელი დირექტორის - ქსენია იოსელიანის ქველმოქმედების შედეგად ალექსანდრე, სხვა ბავშვებთან ერთად, კოჯრის №1 საბავშვო სახლში დაფუძნდა. აქაც დიდხანს არ დარჩენილა.

შემდეგ სასოფლო-სამეურნეო ინსტიტუტის საინჟინრო მექანიზაციის ფაკულტეტი. მძიმე ეკონომიკური გაჭირვება - დღეში 600 გრამი პური და თვეში 600 გრამი შაქარი. გულმოდგინე სწავლა და თავისუფალ დროს საზოგადოებრივი საქმიანობა როგორც საინგილოში, ასევე სვანეთსა, რაჭასა, თიანეთსა და თუშეთში.

ინსტიტუტდამთავრებულმა და ენების მცოდნემ, მუშაობა დაიწყო განათლების სახალხო კომისარიატში ნაციონალური უმცირესობის სკოლების ინსპექტორად. ამ პერიოდში იგი მრავალი საზოგადოებრივი საქმიანობის წამოწყები და უშუალო მონაწილეცაა.

გამოჩენილი ინგილო მეცნიერების - რაჟდენ ხუციშვილის, გიორგი გამხარაშვილისა და არჩილ ჯანაშვილის გვერდში დგას. ამ ინგილო თავკაცების მოთხოვნით

ნით შესაძლებელი გახდა საინგილოს სამ რაიონში - მაჰმადიანი ქართველების სოფლებში - ითითალას, ალიაბათს, ზაგამს, თასმალოს, მარსაანს, ენგიანსა და მოსულში ქართული სკოლები გაეხსნათ. ეს მეტად მნიშვნელოვანი ეროვნული საქმე გახლდათ.

ბატონ ალექსანდრეს მეტად ტკბილ მოგონებად დარჩა მაშინ ბატონ უშანგი ობოლაძესთან ერთად განხორციელებული ეს ეროვნული მისია.

ქართულ-აზერბაიჯანული ერთობლივი კომისიის წევრები, რომელთაც უნდა გადაეწყვიტათ ქართული სკოლების გახსნა საინგილოში, სოფელ ალიაბადში (ისტორიულ ელისენში) რომელსაც აზერბაიჯანულ სოფლად მიიჩნევდა კომისია, ალექსანდრემ მანქანა სპეციალურად გააჩერებინა. იქვე ახლოს ღობის, ძირში მოთამაშე ბიჭუნას გასძახა ინგილოურად:

- შილო, ნაი წყალი მაილილა!

ბავშვმა შინისაკენ მოკურცხლა. არ გასულა რამდენიმე წუთი, რომ მათ წინ მომდიმარი ინგილო დაისახლისი გამოჩნდა ხელში დოქითა და შოთი პურებით.

სტუმრებმა ერთმანეთს გადახედეს და გაიღიმეს...

საღზე ტკბილად იგონებდა ბატონი ალექსანდრე სახელოვანი მეცნიერის სიმონ ჯანაშიას მიერ საინგილოზე ნაკითხულ საჯარო ლექციებს საქართველოს კვალიფიკაციის ასამაღლებელ ინსტიტუტში.

არც საინგილოს ცხოვრებაში მომხდარი ძირეული ცვლილებები გამორჩენია დაუცხრომელ ინგილო პატრიოტს. 1938 წელს ზაქათალის რაიონის სოფელ ალიაბათის საშუალო სკოლის სასწავლო ნაწილად მან მიიღა ქიქოძე დანიშნა. არ გასულა დიდი ხანი, რომ მას და სკოლის დირექტორს შორის უკმაყოფილებამ იჩინა თავი. ამის გასარკვევად შედგა კომისია, რომელშიაც ალექსანდრე პაპიაშვილიც შედიოდა. ადგილზე ჩასულებს უჩვეულო კომიკური ამბავი დახვდათ: პედაგოგ ქიქოძეს ბრალად ედებოდა ღორის ხორცის ჭამა, რაც საბოლოო ჯამში კონფლიქტში გადაიზარდა. საკითხის გარჩევის შემდეგ კომისიამ ქიქოძე კი არ დასაჯა, დაანინაურა კიდევ და სკოლის დირექტორობაზე წარადგინა, რასაც დამსწრე საზოგადოების მხრიდან მხარდაჭერა მოჰყვა.

არც შემდეგ გაუწყვეტია კავშირი მშობლიურ კუთხესთან. სადაც არ უნდა ყოფილიყო, რა სახის საქმესაც არ უნდა

შეჭიდებოდა, ყოველთვის თავისი ინგილო თანამოძმეები ახსოვდა. ერთ ჩანაწერში თავმდაბლად შენიშნავდა: მიხაროდა საინგილოს თითო ახალგაზრდა მცოდნე კაცის შემატებაო.

ამ სიხარულითა და მოწადინებით მან მრავალ ახალგაზრდას მიაღებინა ცოდნა და სახელოვანი მამულიშვილები გაუზარდა საინგილოს. მადლიერებით ისვენებს იგი ექიმ იასე ოთარაშვილს, კახის სკოლის დირექტორს პეტრე ბაჩალიაშვილს და სხვებს, რომლებმაც სახელი გაითქვეს თავიანთი საქმიანობით: მოუწოდებდნენ თანამოძმეებს გონიერებისაკენ, რათა არ მომხდარიყო ქართველობის ასიმილირება, არ დაეთმოთ მამაპაპური მინა-წყალი უცხო ტომთათვის.

ჩვენი ალექსანდრე ყოველთვის მათთან იყო, მათი ჭირ-ვარამის ერთ-ერთი მოზიარე. სიცოცხლის ბოლო წუთებამდე მზრუნველობა არ მოუკლია საინგილოსათვის. როცა ძალა აღარ შესწევდა ფიზიკურად, მის ირგვლივ მყოფთ თხოვდა, დახმარებოდნენ ინგილო ქართველობას.

მისმა სიკვდილმა ძლიერ დაამწუხრა თანამოძმენი. ამის დასტური იყო ის მრავალრიცხოვანი ჭირისუფალი, დიდი გლოვით რომ მიაცილა სახელოვანი მამულიშვილი სამარის კარამდე.

დრო თავისი გზით წავიდა, მაგრამ დარჩა მისი კეთილი სული შთამომავლობაში. აი, თუნდაც პოეტი ქალი თამარ პაპიაშვილი ხომ მისი ქალიშვილია. მშვენიერი პოეტი, როგორი თბილი და ტკივილიანი. მამის პატრიოტულმა შემართებამ აღაფრთოვანა და სულ სხვა ელფერით შემოსა შემოქმედი ქალის სულიერი სამყარო.

ინგილოურმა სისხლმა იმძლავრა, სტრიქონმა ფრთა გაშალა და მკითხველმა იგრძნო ინგილო ქალის საფიქრალი. ქართველი მკითხველი ხვდება მის სახალხოდ გამხევილ ფიქრებს.

დაიხ, გულიანი პოეტი თამარ პაპიაშვილი, ნაღდი და მართალი. კალმითა და საზოგადოებრივი საქმიანობით მუდამ მშობლიური კუთხის ცხოვრების რიტმში ჩაბმული, მისი სიხარულითა და ტკივილით ცოცხლობს.

ამბობენ, სული არ კვდება, იგი ერთიდან მეორეში გადადისო. სწორია ეს, და მე მჯერა, რომ ეს ასეა. დიდებული მამის სული შვილებში გადავიდა და სიცოცხლე აქ, მინაზე, შთამომავლობაში გრძელდება.

# ლოქსები

## დე, კეთილი იყოს მოპრანება მისი!

ახალი წლის სუნთქვა  
თოვლის ფიფქშიც მესმის –  
სადღეგრძელო უთქვამს,  
ვაჟკაცური ლექსით.  
სადღეგრძელო უთქვამს  
ტკბილ წონგურის ნკირებს,  
ჰე, მამულო, სუნთქვა  
ჩემიც შეიწირე!  
მე სიცოცხლეს წმინდას  
მზისფერ ცეცხლით ვანთებ.  
კვლავ ვემთხვიო მინდა.  
ჩემი დროშის კალთებს.  
ხვალინდელ დღეს ელის  
ეს ზეიმი დიდი,  
რაკი ნელი ძველი  
ფეხის თრევით მიდის.  
უკვე ახალ მეკვლეს  
გაუფანტავს ნისლი...  
დე, კეთილი იყოს  
მოპრანება მისი!

## სანიგნილოდან მოსული ქალი

დავიარები და სუნთქვა მეკვრის,  
ამ ცის მადლით და ამ მიწით მთვრალი.  
ძირძველი ციხის ვარ ერთი ნეკნი,  
სანიგნილოდან მოსული ქალი.

მამულში გავლა ფეხისგულს მიწავს,  
წინაპრის სითბო გულს ჩამეფესვა.  
ფერად ძაფებით ნაქსოვმა მიწამ  
ხნულში სიკეთის მასწავლა თესვა.

ჩიტა ხმა ვიგრძენ ფივილ-ხივილად,  
ქვაში ვიცანი სხვა გულის ფეთქვა,  
დამსკდარი მიწის ტანის ტკივილმა  
ცრემლით თქვა, სიტყვით რაც უნდა მეთქვა.

და მისმა სხივმა, ჩემსკენ რომ იწვეს,  
ამიშვიანა ზეცაც, მთაც, სერიც.  
დავდივარ, ფიქრში საუბარს ვინყებ  
და სავალ ბილიკს ეცვლება ფერი.

## ეს შენ ხარ, დედაკ...

ლაფეარდის სამოსს გიგზავნის ზეცა  
შენ, საქართველოს ფიქრის ნამქერიო.  
ფხიზლად ხარ, დედავ, შენცა და ჩვენცა,  
რომ გულღრძო მტერმა ვერ გადაგვთქეროს.

ხარ სახვალეო გზების მიგნება,  
გეკუთვნის დაფნა ქალს შენეული  
გუმინ რაც იყო, ხვალ რაც იქნება,  
სულ შეგანა გამორჩეული!..

ათი, ჩემდმეტი შეილის გამჩენო,  
დედავ, შენს გულში ფეთქავს სამშობლო,  
დამბადებულო და გადამჩენო,  
შეგების მომცემო, ცრემლის გამშრობო...

დედის ღიმილი გულში მზეს მინთებს,  
და გაბრწყინებულ თვალებით ვხედავ,  
და იმ სანთლიან ბილიკებს მივდევი,  
ოდით რომ ადგას ქართველი დედა!

## ზარბი

ვარეჯის ნალკოტი –  
წმინდანთა სავანე,  
უდაბნოდ აქცია  
წყულმა და მანემ...!

ფერფლი და ნაცარი  
ბურუსად გვათოვა.  
ნათელმა სანთელმა  
ვარეჯი დატოვა!

დაგვცქერენ მღვიმენი  
დათხრილი თვალებით,  
დღემდე მოღწეულან  
წამებით, წვალებით...

დაჰქრიან ქარები  
აქ ყოვლის ამკლები.  
...ჩამქრალი სანთლები,  
დაცლილი საკნები.

ცრემლებით ავისილი  
თვალები მაცხოვრის...  
დანათის სიბნელე  
წმინდანთა საცხოვრისს.

ქარი დაფათურებს  
ნესტში გამწარებით,  
და მაინც რეკავენ,  
რეკავენ ზარები.

ეჰეი, ნელ-ნელა  
მთელდება ზარები.  
...რეკავენ, რეკავენ  
ზარები. ზარები...

## ბამონდა ზატა

მზის სასიმღეროდ,  
ცის სასიმღეროდ,  
მამულის ფესვის  
ვარ ერთი ღერო.

მალა გასწია  
ნისლმა ზმორებით,  
გამოჩნდა ზეცა,  
ლურჯი გორები...

ვანთე სანთლები  
საბედნიერო.  
...ჩემს ფესვს სიცოცხლე,  
ღმერთო ძლიერი!..

## სანიგნილოს წყაროსა ვსვამ

ჭინჭარივით ისუსხება  
ღამე ქართი შერხეული –  
უყვარსკვლაო, უმთვარეო,  
შავ ნაბადში მეხვეული.

– ვისწრაფოდი, დამეწვიე,  
მომიხმობდა წყაროც ცივი,  
დავლიე და ვადღეგრძელებე  
სანიგნილო დალოცვილი.

არც ოცნება, არც სურვილი  
და არც სიტყვა არ მაქვს მრული:  
სანიგნილოს წყაროსა ვსვამ,  
სანიგნილოს ძველი ბუდის.

## არ გაამატყუნო, მამულო!

ასი რომ მექონდეს სიცოცხლე,  
შემოგწირავდი მთლიანად...  
შენმა ცამ გამანაზა და  
შენმა მზემ ამაბრიალა.  
მინდა რომ გულში ჩაგიკრა  
ემაგ ზღვიანად, მთიანად...

გულო, ოცნების ტაძარო,  
მოუსვენარო ზღვასავით,  
მარტის ქარივით აშარო,  
შენ რა თილისმას მასწავლი?

შენმა ვენახმა მაჩუქა  
მე სუნთქვა გაზაფხულისა,  
ვერცხლის მძივები – წვიმებმა,  
მაისმა – სითბო ხნულისა.

არ გაამატყუნო, მამულო.  
თუ სხვებს სათქმელი დავასწრო,  
შენით მე მოუღლევი ვარ,  
არც მოვიღლები არასდროს.



ასი რომ მექონდეს სიცოცხლე,  
შენ მოგიძღვნიდი მთლიანად,  
შენმა ცამ გამანაზა და  
შენმა მზემ ამაბრიალა.

\*\*\*

მზე არ ჩასულა, არაა ბინდი,  
ღრუბლები მაინც ირევა ასე...  
ლევა ღრუბლები პატარა, დიდი,  
როგორც ცხვრის ფარა, შეერთდნენ ცაზე.

და უსათუოდ სუფთა და წმინდა,  
შავში გახვიეს მათ არე-მარე.  
ო, ისე ბნელა, ღრუბლიან ციდან,  
თითქოს არასდროს გამოიდარებს...

\*\*\*

ნაკადული ვარ წმინდა,  
გამოგზავნილი ციდან...  
ციდან მოვედი, მაგრამ  
ქართული მიწა მზრდიდა!

## არაგვს უხმობს ქურმუხი

არაგვს უხმობს ქურმუხი:  
– დავრჩი განმარტოებით,  
ძმომ, იქნებ დამფარო  
პაპა მუხის რტოებით.

ჰო, ქურმუხი ქვითინებს  
თავის ლელე-წყაროთი:  
– ნუთუ ყველა გათავდა,  
რითაც ადრე ვხარობდი.

– სანიგნილო ჩემია,  
ყვევრი ამაოებით...  
შენ მიჩრდილე, არავგო,  
პაპა მუხის რტოებით.

## მტკვარს ესიტყვება...

ო, საიგილოვ, სხვანაირ თარგით  
არ მოგიხრია მტრების წინ ქედი,  
და გითქვამს ბევრი სიმღერა კარგი,  
მაგრამ არასდროს სიმღერა გედის.

ო, საიგილოვ, მრავალი მოვლე,  
მედგრად ხედვობდი მომხედურთა ხორონს,  
თუ არ ვეკვდებოდით ბრძოლებში ხოლმე,  
შენ გჭირდებოდით და მისთვის მხოლოდ...

იმითომ გიმღერ და სანთელს გინთებ,  
რომ მსურს შეგამკო  
რითმის ზურმუხტით,  
და თუ ზვირთები ერთიან ზვირთებს,  
მტკვარს ესიტყვება  
ჩემი ქურმუხიც.

# უსკლფსსო სსკლუიუსი და 35 ხუთოსანი

წერილსთვის სათაური მე არ შემირჩე-  
ვია, ის ჩემი სტუდენტობის პერიოდის სტა-  
ლინის სახელობის თბილისის სახელმწიფო  
უნივერსიტეტის მაშინდელი რექტორის, ნი-  
კო კეცხოველის ნათქვამია, მე მხოლოდ და-  
ვეესესხე.

კვირა დღეა, წყალტუბოს სანატორიუ-  
მების ეზოში, შესასვლელი ჭიშკარის სიახ-  
ლოვეს, სახელდახელო ბაზარი გაუმართავთ  
ახლო-მახლო სოფლებიდან მოსულ გლე-  
ხებს.

„ბაზარს“ საშუალო ტანის სიმპატიური,  
სათვლიანი და უღვაშიანი მამაკაცი მიუახ-  
ლოვდა, რომელსაც ზურგჩანთა ეკიდა და  
ხელში გრძელტარაიანი ჩაქუჩი ეჭირა. მან  
თვალი გადაავლო იქაურობას, რამდენჯერ-  
მე აუთრ-ჩაუარა და ის ადგილას შეჩერდა, შე-  
მა ე ერთ მამაკაცს ნობათითა უერთად, სი-  
ცომის გუნდებივით დამრგვალებული თეთ-  
რი თიხით სავსე პატარა კალათა ედგა. სათ-  
ვალუბიანმა მამაკაცმა ერთი გუნდა ხელში  
აიღო, გადაატრიალა-გდმოატრიალა, შემ-  
დეგ ლუპით გასინჯა და გამყიდველს ჰკითხა:  
თუ რა იყო და რისთვის იხმარებოდა. თიხის  
პატრონმა აუხსნა, რომ ის იყო თავის დასა-  
ბანი თიხა, რომელიც საპონივით ქაფდებო-  
და, თან დასძინა, რომ ასეთი თიხა ბევრი  
არის ჩემს სოფელ გუმბრინში. მყიდველმა  
უყოყმანოდ შეიძინა ორი გუნდა, შეახვია  
თეთრ ქალღმერთს და ზურგჩანთაში შეინახა.  
სხვათა შორის, ანალოგიური თიხის გუნდე-  
ბი ქუთაისის დიდ ბაზარშიც ნახა. მყიდველი  
გახლდათ აკადემიკოსი ალექსანდრე თვალ-  
ჭრელიძე – საქართველოში პრაქტიკული გე-  
ოლოგიის დიდი მოამაგე და დიდი ორგანი-  
ზატორი. გეოლოგია-მინერალოგიური მეც-  
ნიერების უნიჭიერესი პროფესორისტი, შე-  
ნანიშნავი ლექტორი პროფესორი.

საქართველოში და საერთოდ კავკასია-  
ში, ძნელია დავასახელოთ მეცნიერი, რო-  
მელსაც ისეთი დიდი დამახასოებელი ჰქონ-  
დეს მინერალური მადნეულის გამომზეურე-  
ბაში, ტექნოლოგიურ გამოკვლევასა და და-  
ნერგვაში, როგორც ალ. თვალჭრელიძეს. ასე  
ახასიათებენ მას მისი მრავალრიცხოვანი  
ქართველი თუ უცხოელი კოლეგები.

მათი გამონათქვამის დასტურად მარტო  
წყალტუბოს მაგალითიც იკმარებდა. ნაყიდი  
თიხის სათანადოდ დამუშავებისა და ქიმიური  
ანალიზის შედეგად ალ. თვალჭრელიძემ  
აღმოაჩინა მეტად ძვირადღირებული ნედ-  
ლეული – ბენტონიტური თიხა ნავთობის  
მრეწველობისათვის, რომელიც მაშინ ოქ-  
როს ფასად შემოჰქონდა საბჭოთა კავშირს  
ამერიკიდან. ალ. თვალჭრელიძის აღმოჩე-  
ნილ ბენტონიტურ თიხას გუმბრინი უწოდეს  
იმ ადგილის მიხედვით, სადაც ამ თიხის სა-  
ბადოა.

გუმბრინი ბენზინის, ნავთის, საპონი ზე-  
თების და ნავთობის სხვა პროდუქტების გა-  
სანმრეწველად იხმარება. იგი ნავთობის დაშლის  
დამრეწველის როლს თამაშობს.

1949 წლის იანვრიდან ახალი საგანი,  
პეტროგრაფია დაგვემატა, რომელსაც პრო-  
ფესორი ნინო თათრიშვილი გვიკითხავდა,  
მაგრამ მოხდა ისე, რომ სწორედ მაშინ ქალ-  
ბატონ ნინოს მუღღლე, პროფესორი გიორ-  
გი ზარინი პოლიტექნიკური ინსტიტუტის  
რექტორად გადაიყვანეს და, ბუნებრივია, ნი-  
ნოც იქ გადავიდა. ჩვენს ჯგუფს კი პეტროგ-  
რაფიას ალ. თვალჭრელიძე ნავიკითხავდა.

ლექცია გვიტარებოდა №116 აუდიტო-  
რიაში, რომელიც მინერალოგიის კაბინეტად  
ითვლებოდა, საიდანაც შუა კარები გადიო-  
და გეოლოგიურ მუზეუმში, რაც მოსახიბე-  
ბელი იყო მინერალების თუ ქანების შემოსა-  
ტან-გასატანად.

საგულდაგულოდ იმიტომ ჩამოვადე  
საუბარი აუდიტორიაზე, რომ შეიძლება ბევ-  
რმა არ იცოდეს, №116 აუდიტორიაში (მაშინ  
პალატა იყო) 1915 წლის 27 ივლისს გარდა-  
იცვალა ვაჟა-ფშაველა. იმ დროს უნივერსი-  
ტეტის შენობაში „ლაზარეთი“ იყო მოწყობი-  
ლი.

თვალჭრელიძის ლექციებს ჩვენ არ ვი-  
წერდით, მიუხედავად იმისა, რომ ამ საგანში  
არ არსებობდა რამე ლიტერატურა ქართულ  
ან რუსულ ენაზე. ლექტორი შეგვპირდა, რომ  
გამოცდებამდე გვექნებოდა ყველას ლექცი-  
ების ჩანაწერები დაბეჭდილი სახით. ჩვენც  
ლექციებს არ ვაცდენდით.

მართლაც, გამოცდებამდე ერთი თვით  
ადრე, როცა მუზეუმის თანამშრომელს ქალ-  
ბატონ ქეთოს მოვეხმარე ნიმუშების მუზე-  
უმში შეტანაში, თვალჭრელიძემ მოცდა  
მისოვდა, ქეთოს კი დაავალა, ჩემთვის ფული  
და ქალღმერთი მოეცა კონსპექტის გადასაბეჭ-  
დად. ლექტორის დავალება პირნათლად შე-  
ვასრულე, ისე რომ, ოცდათხუთმეტივე სტუ-  
დენტს ხელთ გვექონდა ასგვერდიანი კონ-  
სპექტი. ისეა დავგრძენდა, შეძლებისდაგ-  
ვარად გვემეცადინა და არ შევრცხვენილი-  
ყავით ლექტორის წინაშე.

ვდგავართ გეოლოგიური მუზეუმის შე-  
სასვლელ კარებთან და გამოცდის დანებებას  
ველოდებით. ჩვენ არ ვიცით, როგორი გა-  
მომცდელია თვალჭრელიძე. ჯგუფიდან  
რამდენიმე სტუდენტი ვფიქრობთ მაღალი  
ნიშნის მიღებაზე, ლეტივდია რომ შევიწარ-  
ჩუნოთ, დანარჩენებისათვის სულ ერთი იყო,  
მთავარია არ ჩაჭრილიყვენ.

მუზეუმის კარი გაიღო თუ არა, სადაც  
გამოცდა უნდა ჩატარებულიყო, ქალბატონ-  
მა ქეთომ ამიხმო და მთხოვა, მაგიდაზე  
დანყობილი ქანების ნიმუშები, დანალექი,  
სახეცვლილი თუ ვულკანური – ცალ-ცალ-  
კე დამეწყო. მატრიკული კი გამომართვა. სა-  
ნამ ჩემი საქმით ვიყავი გართული, თვალ-  
ჭრელიძეს ხუთიანი ჩანაწერინა ჩემს მატრი-  
კულში. მატრიკულგადაშლილი, სახეაღწე-  
ნილი რომ გამოვედი, ჯგუფელებმა, ჩაიდუღუ-  
ნეს „დაუნერდა ხუთიანს, კაცი მთელი დღე  
მუზეუმშია“.

ჩემს შემდეგ კიდევ სამმა მიიღო ხუთი-  
ანი, სიის მიხედვით გასულმა არც თუ ისე  
ძლიერმაც ხუთიანი გამოიტანა. დანარჩე-  
ნებს იმედო მიეცათ, არ ჩავიჭრებოთ. არც  
ჩაჭრილან, ყველას მატრიკულში ხუთიანი

ჩაიწერა თვალჭრელიძის ავტოგრაფით. ეს კი  
იმას ნიშნავდა, რომ ნახევარი წელი 35 სტუ-  
დენტი ხუთოსნობის სტიპენდიას მივიღებ-  
დით.

არ გვეგონოთ, რაიმეს ვაჭარბებდე, დამე-  
თანხმებით, არ შეიძლება საგანი ყველას ერ-  
თნაირად სცოდნოდა, ისიც უმაღლესი შეფა-  
სებით, ეს ლექტორმაც ჩვენზე უკეთ იცოდა  
და მაინც თუ რატომ მოიქცა თვალჭრელიძე  
ასე, ეს ამბავი ჯერ თვით უნივერსიტეტის  
რექტორმა კეცხოველმა შეიტყო და მერე  
ჩვენც გავიგეთ.

მართალია, ხუთიანები გავინაღდეთ,  
მაგრამ მთავარი იყო, რას იტყოდა უნივერ-  
სიტეტის რექტორი ნიკო კეცხოველი ასეთ  
უპრეცედენტო შემთხვევაზე. მართლაც,  
ჩვენი დეკანი როცა მისულა სიით ხუთოსნო-  
ბის სტიპენდიის დანიშვნაზე, კეცხოველს შე-  
უქია: „ასეთი აკადემიური მოსწრება ბარემ  
სამ ფაკულტეტს ერთად აღებულს არ ექნე-  
ბაო“, მაგრამ როცა გაუგია, ფაკულტეტის კი  
არა, ერთი ჯგუფისა იყო, მაშინ კი „გა-  
ცეცხლებული“, რეზოლუციის დასაწერად  
დასაწერად კალამი გვერდზე გადაურდა  
და მკაცრად უთქვამს: „პირადად ვნახავ  
თვალჭრელიძეს და გავიგებ, სად არის ძალ-  
ლის თავი დამარხული“. მაგრამ ვერცხლის  
წყალივით მოძრავ მეცნიერს ასე ადვილად  
ვინ „მოიხელთებდა?“ ჩვენი გამოცდის შე-  
დეგ მუზეუმის თანამშრომლებს ვერ უნა-  
ხავთ თავის მაგიდასთან, ის ხომ პრაქტიკო-  
სი მეცნიერი იყო. კეცხოველისთვის მოუხ-  
სენებიათ, მხოლოდ ხელფასის მიღების  
დროს თუ ნახავთო.

ცხელ ვაჭვო დეკანზე ნათქვამი  
სიტყვები ბატონ ნიკოს გადაავიწყდა, მხო-  
ლოდ მაშინ გაახსენდა თვალჭრელიძე, რო-  
ცა თავად მიიღო ხელფასი და მაშინვე გეო-  
ლოგიური მუზეუმისაკენ გაემართა.

როგორც ქალბატონ ქეთოსგან გავი-  
გეთ, კეცხოველი სწორედ მაშინ შესულა  
მათთან, როცა თვალჭრელიძის თავისი ხელ-  
ფასი გადაუცია ქალბატონ ქეთოსათვის  
„უცხო“ ხალხისათვის დასარიგებლად. რექ-  
ტორს რომ გაუგია, თვალჭრელიძე თავისი  
ხელფასით ყოველთვე ხელმოკლე ნათესა-  
ვებსა და თანამშრომლებს უწვდიდა დახმარ-  
ების ხელს (უნყისის სახით 18 ადამიანი),  
მას აღარ გაჰკვირებია 35 ხუთიანი და იმ  
თვრამეტ კაციან უწყისის გაგრძელებად ჩა-  
უთვლია. თვალჭრელიძისთვის აღარაფერი  
უთქვამს, მუზეუმიდან გამობრუნებულს, სა-  
ხეზე ნათელი მოპაჟენია და კარებში გამოს-  
ვლისათვის ულაპარაკია: რას ვერჩით, ისინი  
ღირსეულად იმსახურებენ ამას, – „უხელფა-  
სო“ აკადემიკოსი და 35 ხუთოსანი.

მხატვარი გიორგი სულხანიშვილი



ლაირტ ჩართოლანი

# საშროლის მოზაზუა

ნომბერი იდგა. ოჯახს ქორნილის სუფრა გაეშალა. ამქვეყნიური საზრუნავი დროებით ყველას გადაედო და დაევიწყებინა. არყის სმისაგან გაბრუებული ხალხი ერთმანეთს მეგობრობასა და სიყვარულს ეფიცებოდა. თამადა სუფრაზე მსხდომთ ასხამდა ხოტბას, ხოლო სიფხიზლეში გაუბედავი, დინჯი ჭაბუკი თანატოლ გოგოს თამამად ეჩურჩულებოდა. დიდ-პატარას სიყვარულის ცეცხლი ეკიდა.

დემეტს, რომელსაც არც ერთი სასმისი არ გამოეტოვებინა, ერთი აზრი აეკვიტა. კარგა ხანს იფიქრა, ანონ-დანონა, შესაძლებლობებს თავიდან ბოლომდე გადახედა გონების თვალით და გადანყვიტა, განზრახვა ბიძაშვილისათვის ახლავე ჩაენვეთებინა ყურში.

– დილას ნუნა ვნახე, ბიძასთან მიდიოდა მეზობელ სოფელში.

– მერე მე რა?

– იქ ხომ არ დარჩება. მითხრა, მალე დავბრუნდებიო. სულ სამი კილომეტრი აქვს გასავლელი.

– ვიცი, – ნალველგარეული ხმით უპასუხა ვაჟმა.

– თუ იცი, აქ რას უზიხარ? გაისარჯე, თავი გაანძრიე, ქალი შინ არ მოგივა.

– რა გავაკეთო? – იკითხა არყით თავდამძიმებულმა და გონებადაფანტულმა ვაჟამ.

– არაფერი, იჯექი და სხვის ქორნილს მოუღხინე. ორი წელია ქალს თხოულობ, კიდევ ერთი ამდენი მოიცადე, ამასობაში ჩიტი ხელიდან გაგიფრინდება, შენ კი უცოლოდ დავიბერდები.

– ან სხვას გაჰყვება, ან მე დამრჩება, – სცადა ხუმრობა ვაჟამ.

– რათა სხვას? – შუბლი შეიკრა დემეტმა, – ჩვენ ვისზე ნაკლები ვართ, ვინ რითი გვჯობია, გვარიშვილობით თუ ვაჟკაცობით?

– არ ვიცი!

– თუ არ იცი, იჯექი. შენს დახმარებაზე ფიქრიც არა ღირს, კაცი ადგილიდან ვერ დაგძრავს.

– რით უნდა დამეხმარო?

– რომ იცოდე, უნინ ასეთ დროს ქალს დახვდებოდნენ, ნაბადში გაახვევდნენ, მოიტაცებდნენ და საქმეც ამით მოთავდებოდა.

ამის გაგონებაზე ვაჟა გახალისდა, სახე ვარდისფრად გაუნათდა, გამოცოცხლდა, დიდი ხნის დაგუბებული ნალველი გულიდან მოეხსნა და იკითხა: – საქმეს ორნი მოვერევით?

– თაბექს კაცად არ მიიჩნევ? რო-

გორ ფიქრობ, უკან დაიხვეს ან თავს დაგამადლის?

– მერიდება.

– მე თვითონ ვეტყვი.

თაბექს თქმა არ დასჭირდა. ბიძაშვილების საუბარს თავიდან ბოლომდე უსმენდა და თავის დაკვრით ანიშნა თავისი მზადყოფნა.

სამი კაცი სუფრიდან ცალ-ცალკე ისე გაიპარა, მათთვის ყურადღება არავის მიუქცევია. ქურდულად შეიპარნენ საკუთარ სახლებშიც. ვაჟამ ჩანთაში მცირედი საგზალი ჩაანყო და ორლულიან სანადირო თოფს წამოავლო ხელი. დემეტმა ლულაგადაჭრილი, ჟანგმოდებული შაშხანა გადაიკიდა მხარზე, ხოლო თებექი მეზობლისგან ნათხოვარი მცირეყალიბიანი შაშხანით შეიარაღდა. ძველი ადათ-წესი მოითხოვდა, ქალის მოსატაცებლად იარაღში ჩამსხდარნი უნდა წასულიყვნენ.

ორ მეზობელ სოფელს შორის გამავალ გზას, ამ სოფლებიდან ერთნაირი მანძილით დაშორებული, მთაზე მიმავალი ბილიკი უერთდებოდა. სამეულმა გზის ეს მონაკვეთი შეარჩია ჩასაფრების ადგილად.

დემეტმა გზას თვალს არ აშორებდა, სმენად ქცეულიყო, მღელვარებას მოეცვა. როგორც ასაკით უფ-

როსს და ამ საქმეში მცირედი გამოცდილების მქონეს, ორი ახალბედა მას უსიტყვოდ ემორჩილებოდა. მეზობელი სოფლის მისადგომებთან ერთ ნერტილს დააშტერდა დემეტი, მერე ამხანაგებს ანიშნა:

– ქალია თუ კაცი?

– ქალია! – თქვა თებექმა.

– ნამდვილად ქალია, – დაემონმა ვაჟა.

– ეს მეც ვიცი, – იწყინა დემეტმა. – თქვენ ის მითხარით, ვისაც ველოდებით, ის არის თუ სხვა, ან იქნებ სულ ერთია ვის მოიტაცებ? – გააქილიკა სასიძო.

– ნუნაა, ამოიცნო თებექმა.

– ნუნაა, კვერი დაუკრა ვაჟამ, – და სანთელივით გაფერმკრთალდა.

– რას გაჩერებულხართ, ცოცხლად იმოქმედეთ. – დატრიალდა დემეტი: – თაბეკ, შენ გზის ქვემოთ ბუჩქებში ჩასაფრდი. ვაჟა, აქ დაიმაღე. პირველი მე შევეგებები, ვეტყვი, რაც სათქმელია. ამ დროს თქვენც გამოხვალთ საფარიდან და მომეშველებით.

– უხეშად არაფერი გამოგვივიდეს, – ათრთოლებული ხმით წარმოთქვა ვაჟამ.

– ნუ გეშინია, არაფერს დავუშავებთ. ხელს მოვკიდებთ და თუ საჭირო გახდა, პირში ამ პირსახოცს ჩავჩრით. – დემეტმა ხელში გაქონილი ტილოს ნაჭერი ააფრიალა. შემდეგ თვალით ანიშნა, ამორჩეული ადგილებისაკენ ნასულიყვნენ.

ქალიშვილი გზას უდარდელად მიუყვებოდა. ტყეს ფოთოლცვენის ყამი დასდგომოდა. მთიდან მონაბერი სიო ათასფრად აფრიალებდა ტყის გაყვითლებულ სამოსელს. ბუნებას შეზრდილი ქალიშვილი ვერ გრძნობდა, რა ულამაზეს გარემოში იმყოფებოდა. ათასჯერ ნანახ და განცდილ ფერთა შუქს მის თვალში სილამაზის იდილიური, მომაჯადოებელი ძალა დაჰკარგოდა. და მისგან შეუმჩნევლად შეუცნობელი რჩებოდა. მომნიფებული ქალის გონება ოცნებას მინდობოდა. ხან ზღაპრულ კოშკში დანავარდობდა, ხან სვანური ლეგენდის გმირ მზეჭაბუკზე ამოდოდა მზე. შორ სივრცეში უღიმოდა ბედის ვარსკვლავს და... ამ დროს ანახდად წინ კაცი აესვება.

– შეჩერდი და მომისმინე! – ბრძანების კილოთი შესძახა დემეტმა.

– რა გინდა, დემეტ? რათ უნდა გავჩერდე? – გაიკვირვა და ითაკილა ქალიშვილმა, რომელიც ვერ გარკვეულიყო თანასოფელელის განზრახვამი.

– გონიერად მოიქეცი, ფუჭად თავს ნუ გაინვალებ, რაც უფალს მოუცია, იმ ბედს დასჯერდი, ნივილკივილით არაფერი გამოგივა, ხელიდან ვერ წაგვიხვალ.

ქალიშვილი არ ელოდა ამგვარ შეხვედრას. შემკრთალი, შეშინებული გზის გაგრძელებას ლამობდა, მაგრამ წინ ძალღონით სავსე ბრგე ვაჟკაცი აყუდებულიყო, რომელსაც კიდევ ორი შეიარაღებული კაცი ამოუდგა მხარში. ვაჟას გამოჩენისთანავე მისთვის ნათელი გახდა, რისთვის უღობავდნენ გზას. გონს მოსვლა არ აცალეს, ორმა კაცმა მაჯებში ჩაავლო ხელი და მწყემსების საზაფხულო სადგომებისაკენ მიმავალ ბილიკს გაუყენეს. ქალი შეევედრა, შესთხოვა, დამეხსენით, ჩემს გზაზე გამიშვითო, მაგრამ მისი ნათქვამი არავის ესმოდა. მალე დარწმუნდა, რომ ქორი მსხვერპლს ნებით ბრჭყალებიდან არ გაუშვებდა.

მამაკაცები მალე დარწმუნდნენ, რომ ბატკანივით უწყინარი არსება მიჰყავდათ და მაჯებში ღონივრად ჩაფრენილი ხელები თანდათან გაშალეს, ხოლო შემდეგ სულ შეუშვეს ხელი.

ახლა ყველას თებექი მიუძღოდა წინ. მას ქალი მიჰყვებოდა, ხოლო რიგის ბოლოში ფეხათრევით მიდიოდა ჩაფიქრებული ვაჟა. ხმას არავინ იღებდა. დემეტს და თებექს სასმელი მოკიდებოდათ, ფეხს ურევდნენ. ნახევარი გზა ისე იარეს, არსად შეჩერებულან. როცა თავი სამშვიდობოს იგულეს, აქ შევჩერდეთ და შევისვენოთო, თქვა თებექმა.

– შევისვენოთ, – უპასუხა დემეტმა, – გულში კი მისთვის ჩუმიად გაივლო, ეს რა ხოხობივით უწყინარი, რა ანგელოსი ყოფილაო. ასე მშვიდობიანად, აურ-ზაურის გარეშე ჯერ ქალი არავის მოუტაცია. ჩემი ხელიდან გაქცევა უფრო ძნელია, ვიდრე არწივის ბრჭყალებიდან თავის დაღწევა და, ალბათ, ამიტომაც მოგვყვება ნუნა ასე ჩუმიადო.

– გოგო, დაჯექი, დაისვენე, ეს ბიჭია შენი ბედი, მოგწონს თუ არა, ახლა ეს სალაპარაკოდ არ ღირს.

იცხოვრებთ ერთად და ისე შეგიყვარდება, რომ მზეჭაბუკში არ გაცვლი. – მისცა „ბრძნული“ რჩევა-დარიგება დემეტმა.

მამაკაცები მდელიოზე ჩამოჯდნენ, ქალი კი არყის ხეს მიეყრდნო და თვალცრემლიანი უყურებდა იქ მყოფთ.

თებექმა ვაჟას ხელჩანთა გახსნა და საგზალი გაშალა.

– იდეგრძელეთ, შეაბერდით ერთმანეთს, როგორც კირი და ქვიშა. დავრწმუნდი, გონიერი გოგო ყოფილხარ. რაც მორია, ნაფოტიც ისაა – კარგი ოჯახის შვილს უფლება არა გაქვს ასეთი არ იყო. თან ძმებსაც ხომ გაფრთხილება უნდა. ახლა ერთი პატარა წერილი დაგვინერე, რომ სოფელში აურ-ზაური არ ატყდეს. შენი მშობლებიც დამშვიდდებიან, შეგირიგდებიან და კარგი ქორნილი გაჩაღდება, – ასე დაასრულა დემეტმა სიძე-პატარძლის პირველი სადღეგრძელო, ჭიქა დაცალა და ცარიელი სასმისი თებექს გადასცა.

ნუნა კრიჭაშეკრული ისმენდა დემეტის შეგონებას. ხმას არ იღებდა. შემდეგ თითქოს რაღაცას მიაგნო, ბაგეზე დამცინავი ღიმილი აუთამაშდა. იქვე, კუნძზე ჩამოჯდა. დემეტმა ფანქარი და ქალაღდის ნახევი მიანოდა.

– რა დავწერო? – იკითხა ქალმა.

– დანერე! რა დანერე იცი? მისწერე, რომ... დასწყევლოს ღმერთმა, სულ დამავინყდა... რა უნდა მეთქვა? – კარგა ხანს იფიქრა, მერე გაიღიმა. – დანერე, რომ კი არ მოგიტაცეთ, უბრალოდ... – დემეტის საქციელზე ქალიშვილმა სიცილი ვერ შეიკავა და სიტყვა გაანყვეტინა.

– უბრალოდ თქვენ კი არ წამოგიყვანივართ, არამედ მე მოვიტაცე ვაჟა, განყობთ?

– არა, ამას არ დაიჯერებენ, თანაც ვაჟას მშობლები იწყენენ, ქალმა ვაჟიშვილი მოგვტაცაო. დანერე, რომ შენი სურვილით გადაწყვიტე და გაჰყვივი.

– რომელსაც მაყრებად დემეტი და თებექი ახლდნენ და იმათი თითების კვალი მაჯაზე ლურჯ ზოლებად მატყვია, არა? – გაიცინა ქალმა.

– არ ივარგებს – ჩაფიქრდა დემეტი.

– წერილი რა საჭიროა, სალამოს ამათ ოჯახში მივიდეთ, – თვალთ

ვაჟასკენ ანიშნა ნუნამ, რომელიმე თქვენთაგანი მიხვალთ და ჩვენებს შეატყობინებთ, რომ მე ჩემი ნებიითა და სურვილით გავყევი და დამთავრდება ყველაფერი.

– ააშენა ღმერთმა შენი ოჯახი. იდღეგრძელე, იხარე, იბედნიერე, იმრავლე... – დემეტმა თებექს გადახედა, ანიშნა, ჭიქა შემივსეო. სავსე ჭიქით ხელაღმართულმა ქარაგმულ-შეკაზმული სიტყვებით შეამკო თვინიერი გოგო და სასმისი ფსკერამდე დაცალა.

თებექმა მოკრძალებული სადღეგრძელო წარმოსთქვა: ბედნიერება, ძეთა სიმრავლე, ცხრა ვაჟი და ერთი ქალი უსურვა ახლადშეუღლებულთ. ვაჟამ უხმოდ დაცალა ჭიქა.


დემეტმა კიდევ დიდხანს იქადაგა და მხოლოდ მაშინ მიყურდა, როცა ორი ბოთლი სასმელი ფსკერამდე დაცალა.

ქორნილში ღამენათევთ, სასმელმა უნიათ. დემეტი თვალის მოსატყუებლად მდელიოზე წამოწვა და მალე ფშვინვა ამოუშვა. რადგან ხელმძღვანელმა დაიძინა, თებექმა იფიქრა, ალბათ ასეა წესი და რიგო და ქალ-ვაჟს თავისუფლად რომ ეგრძნოთ თავი, მათკენ ზურგმუქცეული წამოწვა მდელიოზე.

ვაჟა მწარედ ნანობდა, რომ დაჰყვა ამ ვეშაპის რჩევა-დარიგებას და მდგომარეობიდან გამოსავალს ეძებდა. ნუნას ასე არ დათრგუნავს, არ დაიმორჩილებს. ამაში ვერაფერს ხედავს ადამიანურს, ამალღებულს. ნაოცნებარს თვალს არ აშორებდა ვაჟა. ქალის გამოხედვა სათნო, ნაზი, ჟრუანტლისმომგვრელი, ნეტარების აღმძვრელი ეჩვენა, მისმა მზერამ დაატყვევა, დაათრო და დაიმორჩილა.

ჭაბუკი მხართეძოზე წამოწვა და თვალეხი მილულა. ქალი კი წამოდგა, დემეტის თოფს ხელი წამოავლო, შემდეგ თებექს ააცალა იარაღი, გაუბედავი ნაბიჯით, ფეხაკრეფით გაეცალა იქაურობას და სოფლისაკენ მიმავალ ბილიკზე დაეშვა. რაც უფრო სცილდებოდა მამაკაცთა ადგილსმყოფელს, მხნეობა და გამბედაობა უფრო ემატებოდა, მაგრამ შვებით მხოლოდ მაშინ ამოისუნთქა, როცა სოფლის მისადგომები გამოჩნდა. გზად არავინ შეხვედრია, ვიდრე გზის პირას აშენებული სახ-

მხატვარი გიორგი სულხანაბნოლი



ლის ეზოში დემეტის ცოლი არ შენიშნა.

– ეს იარაღი დემეტმა და თებექმა გამომატანეს.

– თვითონ სად არიან, სად შერჩნენ, რას აკეთებენ? – შეიცხადა დემეტის ცოლმა.

– არ ვიცი, მოვა სახლში და ჰკითხე, – მშვიდად უპასუხა ნუნამ და გზა განაგრძო.

შინ მისული მღელვარებას ვერ მალავდა, გაორებულ ფიქრებს თავს ვერ ართმევდა: ეს რა მოსიყვარული, სათნო გული ჰქონია ვაჟას. ასე დაჟინებით რათ ვწუნობდიო.

ფიქრებში თავს დედა წამოადგა.

– მოხვედი, შვილო? იმ კაცმა ისევ გამოგვიგზავნა მაშვლები. ხვალ გადაჭრით ან ჰო უნდა ვუთხრათ, ან არა, თორემ აღარ გვეშვებიან.

– ვისზე ლაპარაკობ დედი, ვინ გამოგვიგზავნა კაცები? – იკითხა ნუნამ.

– ვაჟას მამამ. მთელი ოჯახი შენ გელოდებით, რას გადაწყვეტ. დედა ვარ, შვილო, მე ნუ დამიმალავ, ან ჰო თქვი, ან არა.

ნუნას სახე აელენა, რაღაცნაირი სითბო იგრძნო გულში და ხმა გაებზარა.

– რა გითხრა, დედა, – ძლივს ამოღერღა ნუნამ, – როგორც შენ მეტყვი, ისე მოვიქცევი.

– რა ვიცი, შვილო, ეს ორი წელია უკუღმა ხარ გადაბრუნებული, ძალას ვეღარ გატანთ და... – დედა გუმანით მიხვდა, რომ მისი შვილი გამოცვლილიყო. გახალისდა და სახეზე მხიარული ღიმილი მოეფინა...

...  
– რა იქნა ქალი, სად გაქრა ჩემი თოფი? – ყვიროდა გამოღვიძებული დემეტი – ესაა ვაჟკაცობა? ქალი ამოგიყვანე, ხელში ჩაგაბარე, შენ კი იარაღიც თან გაატანე? ამ სირცხვილს, სიკვდილი სჯობია. თქვენ ვინ მოგცათ ქალის მოტაცების შნო.

– რა დროს ყვირილია, შე კაცო, აქედან წავიდეთ, სანამ სულ არ მოგვჭრია თავი – თქვა თებექმა და ტყისკენ წავიდა. დემეტიც მას მიჰყვა.

მხარზე თოფგადებული ვაჟა მარტო დაეშვა სოფლისაკენ მიმავალ ბილიკზე.



# საქართველო საქართველო საქართველო

ქართველმა პოეტებმა თავიანთი სიტყვა თქვეს მუსიკალურ ხელოვნებაში. მათ მიერ დაწერილ ტექსტებზე მრავალი კარგი და დასამახსოვრებელი სიმღერა დაიწერა. უბრალოდ, საკმარისია დავასახელოთ ამ მოღვაწეთა გვარები, რომ ყოველივე ნათელი გახდეს. მაგრამ ამჯერად ჩვენ გვინდა ერთ მათგანზე ვესაუბროთ მკითხველს. ჩვენი საყვარელი პოეტი ქალი ანა კალანდაძე მყავს მხედველობაში.

ანა კალანდაძე 40-იან წლებში გამოჩნდა ასპარეზზე და იმთავითვე მიიპყრო ყურადღება საკუთარი, ორიგინალური ხელწერით, პოეტური სიტყვის სიახლითა და სინატიფით.

მისი ლექსები საინტერესოა არამარტო წმინდა მხატვრული თვალსაზრისით, არამედ სიტყვისა და მუსიკის დამოკიდებულების მხრივაც. სიტყვისა და მუსიკის კავშირი კი რთული პროცესია და ვლინდება როგორც რიტმში, მელოდიასა და ტემპში, ისე სინტაქსსა და ფორმაში. სიტყვის მნიშვნელობა და გამომსახველობა, მელოდიკა (ბგერათრიგი) და მეტყველების სინტაქსიც ურთიერთდამოკიდებულებაშია რიტმთან. პოეტური ტექსტი აქ ახლებურ ფორმას იძენს. რიტმი, მელოდიკა, ტემპი, დინამიკა, ხმოვანების სიძლიერე – მთავარი ელემენტებია მეტყველებისა და მუსიკისა. სამეტყველო ინტონაცია მეტნაკლებად იხსნება მელოდიაში და ერწყმის მას.

ყოველივე ეს მშვენივრად არის ნაგრძობ-გადმოცემული ანა კალანდაძის ლექსებში და მათ საფუძველზე შექმნილ ქართველ კომპოზიტორთა ქმნილებებში. მათი რიცხვი საკმაოდ დიდია, ვხვდებით როგორც პროფესიონალ, ისე არაპროფესიონალ ავტორებს. ეს კი შედეგია იმისა, რომ გრძობათა გამომსახველობის უმთავრესი საშუალება – მელოდია უხვადაა ჩაქსოვილი პოეტის ლექსებში.

აქვს კიდევ ერთი ნიშანდობლივი თვისება ანა კალანდაძის პოეზიას – ესაა ლექსის შინაარსის, მისი კონცეფციის გადმოცემის ლაკონურობის საკითხი. პოეტს შეუძლია

მხატვრულ ფორმებში, ორიოდ სტროფშიც კი, დამაჯერებლად გახსნას ლექსის მთავარი სათქმელი, გადმოსცეს განწყობილება, ავტორის ჩანაფიქრი...

ანა კალანდაძის ლექსებზე დაწერილ მუსიკალურ ნაწარმოებთან განსაკუთრებით უნდა გამოვეყოთ თეიმურაზ ნაცვლიშვილის სიმღერა „საქართველოო ლამაზო“. პოეტი ქალის ეს შედევი მართლაც რომ განუმეორებელ სიმღერად აჟღერდა და სხვადასხვა ასაკისა და პროფესიის ადამიანის კუთვნილებად იქცა. ეს არ არის შემთხვევითი, სიმღერის პატრიოტული, პოეტური ძალა და მისი გულში ჩამწვდომი მელოდია დიდი ზემოქმედებითი ძალის მქონეა, ღრმად ემოციური:

„ქარი გიმღერის ნანასა,  
ზღაპარს გიამბობს ჭადარი...  
ძენამ ალერსით ამავესო  
ეჭვებით ნაავადარი...  
საქართველოო ლამაზო,  
„სხვა საქართველო სად არი?“

ცა ვარსკვლავებით ინთება,  
ცა-არცა რისი სადარი...  
მთვარე რომ ამობრწყინდება,  
გული გაფრენად მზად არი...  
დიდება, შენდა დიდება,  
„სხვა საქართველო სად არი?“..

ვარინკა წერეთლის საქვეყნოდ გახმაურებული „სულიკოს“ მსგავსად, აქაც პოეტურმა ტექსტმა ზედმინევენით ზუსტი ინტონაციური განსხვავება მიიღო, ისევე სადად, ბუნებრივად, უშუალოდ, ფორმის საოცარი მთლიანობით.

მასში სრულად გამოვლინდა ავტორის ხალასი მელოდიური ნიჭი, კოლორიტის ფაქიზი გრძობა... მელოდია ხალხური „ნანების“ რწევადი რიტმით კიდევ უფრო მეტ სითბოსა და უშუალობას, მეტ სინტაქსულსა და ზემოქმედებით ძალას იძენს, მისამღერებში კი განვითარების კულმინაციას აღწევს: „საქართველოო ლამაზო, სხვა საქართველო სად არი?“ – შთამბეჭდავად გაისმის ეს სტრიქონები ყოველი სტროფის შემდეგ და ახალი ელფერით ივსება. სიმღერა ერთნაირად მისაწვდომია მოყვარულთა ფართო ფენებისათვის, ასაზრდოებს პროფესიონალთა ინტერესებს, ამიტომაც უძლებს დროს და იზიდავს თაობებს...

მუსიკოსისა და ჟურნალისტის – თემო ნაცვლიშვილის ეს სიმღერა პირველი ნიმუშია, პირველი ცდაა ანა კალანდაძის პოეზიის აჟღერებისა მუსიკაში, პირველი და საუკეთესოც.

საინტერესოა მუსიკალური ხორცმესხმა ჰპოვა თეიმურაზ ნაცვლიშვილის მიერვე ქალბატონ ანას ლექსმა „ყაყაჩოსა სინითლითა“. აქაც ისევე ბუნებრივად, სადად და ძალდაუტანებლად ვითარდება მელოდია, „სიმღერის გულის“ – მელოდიის წინა პლანზე წამოწევით.

თეიმურაზ ნაცვლიშვილის ზემოხსენებულ სიმღერებს ისე, როგორც მთელ მის შემოქმედებას, ძირითადად ქართული ქალაქური საყოფაცხოვრებო სიმღერის დასავლური შტოდან მომდინარე ნაკადი ასაზრდოებს. ამასვე გვიდასტურებს „ჟუჟუნა წვიმა“-ში მის მიერ ესოდენ ოსტატურად და ორიგინალ-



ლურად ჩართული პოპულარული ქალაქური ხალხური სიმღერა „დანამა“-ს კოლაჟი, რომელიც ანა კალანდაძის პოეტური ტექსტითაცაა ნაკარნახევი და ორგანულად ერწყმის მთელ სიმღერას.

მთის ლალი სუნთქვა შეიგრძნობა ანა კალანდაძის ლექსებზე დაფუძნებულ შალვა მშველიძის გუნდებში: „შუაფხოს ღამე“, „თეთრახევა“, „სადაც მთებში გალობს ბულბული“, რაც არა მარტო პოეტური წყაროთია განპირობებული, არამედ კომპოზიტორისათვის დამახასიათებელი ხელწერილაც, მისი მუსიკის სიღრმითა და სიჯანსაღით, ეპოსური ფესვებით, რომელიც აღმოსავლეთ საქართველოს მთის დიალექტებიდან იღებს სათავეს.

შალვა მშველიძე პირველი ქართველი კომპოზიტორია, რომელმაც პროფესიულ მუსიკაში დანერგა ფშაური კილო. ეს კილო-ინტონაცია მკვეთრად გასდევს მთელ მის შემოქმედებას – ოპერებს, სიმფონიებს, ორატორიას... იგივე შეინიშნება ზემოაღნიშნულ სიმღერებშიც. გვხიბლავს მათი ეროვნული კოლორიტი, სისხარტე და ემოციურობა, დრამატურგიული მთლიანობა, პოეტური ტექსტის ღრმა და ორგანული გახსნა... და მაინც, მათგან განსაკუთრებით უნდა გამოვყოთ „შუაფხოს ღამე“, სადაც საკმაოდ ადგილი ეთმობა ხმათა ტემბრების სვლას ქალთა და ვაჟთა გუნდების ურთიერთდაპირისპირების გზით, დროდადრო შერეული გუნდის კომპაქტურ ხმოვანებაში რომ გადადის – იქმნება გა-

რინდებისა და სიმშვიდის, დინამიკისა და მონუმენტურობის ასოციაცია, რაც საბოლოო ჯამში ღამის ბინდის საოცარ შეგრძნებას ბადებს.

პატრიოტული სულისკვეთებითა აღსავსე კომპოზიტორ ნოდარ გიგაურის საესტრადო სიმღერა „დაბრუნდით, ჯარისკაცებო“, ანა კალანდაძის ამავე სახელწოდების ლექსზე. პოეტურმა ტექსტმა აქაც ასევე ღრმადშესატყვისი მუსიკალური განსხეულება მიიღო – მუსიკა მოსილია ფარული სევდით, შინაგანი დაძაბულობით, ექსპრესიით, ლირიკული და დრამატული ტონუსის ურთიერთშენაცვლებით, რაც ხაზგასმულია საორკესტრო თანხლებაშიც. ეს კი სავსებით კანონზომიერია – ნაწარმოები ეძღვნება ომის მონაწილე ჯარისკაცებს, რომლებმაც „მტვრიანი ჩექმებით გადალახეს ტრამალი, ნემანი, ვისლა...“ სიმღერის სტრუქტურა ვარიაციულ-ვარიანტულ კუპლეტურ ფორმას ემყარება, სადაც ყოველი მომდევნო კუპლეთი წინამორბედის რამდენადმე ახალი, თვისობრივად განვითარებული ვარიანტია. ეს კი ხელს უწყობს პოეტური ტექსტის მაქსიმალურ გახსნას.

გიგაური, კომპოზიტორი-ლირიკოსი, აქ მთელი სისავსით წარმოჩნდა. საკმარისია გავიხსენოთ მისი საოცრად პოპულარული სიმღერა „თბილისი და ფიროსმანი“ ლადო ასათიანის ლექსზე, რომ ყოველივე ნათელი გახდეს.

არქაულობით და მოკლე დიაპაზონით გამორჩეული ფშაური ხალხური სიმღერის „ჯვარი წინასა“-ს სტილიზაციაა იაკობ ბობოხიძის აკაპელა გუნდი „ვაჟაო, დილის მზის სხივო“. ეროვნული კოლორიტის გაძლიერების მიზნით კომპოზიტორი გუნდში მთლიანი სახით ატარებს ფშაურ კილოს, რაც ორიგინალური შემოქმედების ნაყოფია და საინტერესოდ აღიქმება.

პოლიფონიურობით ხასიათდება ამავე ავტორის საგუნდო სიმღერა „დილა“. მუსიკა აღმავალი ხაზით ვითარდება, დამახასიათებელი იმიტაციური ხერხებითა და

კულმინაციური ბიძგებით, რაც ფინალში კომპაქტურ ხმოვანებას აღწევს და სიმღერაც მთავრდება.

მელოდიური გამომსახველობის, სინრფელისა და გულითადობის საუკეთესო მაგალითია იაკობ ბობოხიძის საესტრადო სიმღერა „მზე იცინის“ ანა კალანდაძისავე ლექსზე. ეს სიმღერაც განსაკუთრებული პოპულარობით სარგებლობს, ხშირად ჟღერს საკონცერტო ესტრადაზე, რადიო-ტელევიზიით...

კომპოზიტორ ნოდარ მამისაშვილის სიმღერა „ჭია-მარია“, ტარიელ ბაქრაძის „მოგეკვრი, იასამანო“, გივი ციციშვილის „ლირიკული“, მერი დავითაშვილის „არაბი ხარ?“, „თუთა“, ასევე ანა კალანდაძის ტექსტებზეა დაწერილი.

ყურადღებას იმსახურებს ქალბატონ ანას ტექსტებზე შექმნილი ციკლური ნაწარმოებებიც: ჯემალ ბეგლარიშვილის ვოკალური ციკლი „ფრესკები“, იოსებ კეჭაყაძის საგუნდო ციკლები „ფშაური იდილიები“, „მთისაი ბარსა“ და სხვა, რომლებშიც დამყარებულია ფსიქოლოგიური და თემატური კავშირი, რაც პოეტური ტექსტიდან და მუსიკის საერთო დრამატურგიული დინებიდან მომდინარეობს.

როგორც ვხედავთ, ანა კალანდაძის პოეზიაზე აღმოცენებული მუსიკალური ნაწარმოებები მთლიანად ვოკალური მუსიკის სფეროებს მოიცავს: სიმღერას, გუნდს, ვოკალურ ციკლს... აღნიშნული ჟანრები გვხვდება როგორც ინსტრუმენტული თანხლებით, ისე აკაპელა სტილის ციკლებიდან, როგორც საგუნდო, ისე ხმისთვის განკუთვნილი. ეს არ არის შემთხვევითი და სავსებით ბუნებრივია, რადგან პოეტის ლექსთა წყობა, ხასიათი, კეთილხმოვანება ვოკალური ბუნებისაა.

პოეტი-ქალის პოეზია, მისთვის დამახასიათებელი დახვეწილობითა და ორიგინალობით, იპყრობდა და კვლავაც იპყრობს მუსიკოსთა განსაკუთრებულ ყურადღებას.

**ეთარ ლონდარიძე**

ხელოვნებათმცოდნეობის კანდიდატი



ელის პარკირ ბატლარი (1869-1937) ამერიკელი იუმორისტი. გამომეყენებული აქვს მოთხრობების ოცდაათზე მეტი კრებული. ბატლარის ყველაზე ცნობილი მოთხრობაა „გოჭი მაინც გოჭია“. (PIGS IS PIGS).

# გოჭი მაინც გოჭია

რკინიგზის კომპანიის აგენტი მაიკ ფლენერი დახლზე გადმოხრილიყო და მუშტს იქნევდა. დახლს აქეთ ბრაზით გაჭარხლებული მისტერ მორჰაუსი იდგა და რისხვით თრთოდა. მათ შორის კაი ხანია ცხარე დავა მიმდინარეობდა. აურზაურის მიზეზი გახლდათ ჯვარედინად თასმებგადრელებული საპნის ყუთი, რომელიც ამ ორ მამაკაცს შორის დახლზე იდო. გალიად გადაკეთებულ ყუთში ორი ჭრელი ზღვის გოჭი იჯდა და ხარბად ახრამუნებდა სალათის ფოთლებს.

– რაც გინდა, ის ქენი! – გაიძახოდა ფლენერი. – გადაიხადე ფული და წაიყვანე, არა და, დატოვე. წესი წესია, მისტერ მორჰაუს!

– შე გამოთავყანებულ! – ღრიალებდა მორჰაუსი და აგენტს ცხვირწინ უფრიალებდა სატარიფო წიგნაკს. – ვერა ხედავ, რა წერია? „სათანადოდ შეფუთული წვრილფეხა შინაური ცხოველის გადაგზავნა ქალაქ ფრენკლინიდან ქალაქ ვესტქოუტში ღირს თითო ოცდახუთი ცენტრი!“ – წიგნაკი დახლზე დაახეთქა. – მეტი რაღა გინდა? შინაური ცხოველია და სათანადოდაც არის შეფუთული!

ფლენერი ნიგნს დასწვდა, გადაფურცლა და თითი სამოცდამეოთხე გვერდს დააბჯინა:

– „თუ მიღებული ტვირთის საფასური საეჭვოდ მიაჩნია, აგენტმა უმაღლესი თანხის გადახდა უნდა მოითხოვოს. მიმღებს უფლება აქვს გაასაჩივროს ეს გადაწყვეტილება“. ჰოდა, მე შეეჭვება, მისტერ მორჰაუს. ვხედავ, რომ შინაური ცხოველია და ისიც მჯერა, რომ წვრილფეხაა. მაგრამ ამ ცხოველს სახელად გოჭი ჰქვია. წესი კი გვეუბნება, რომ „გოჭების გადაგზავნა ფრენკლინიდან ვესტქოუტში თითო ოცდაათი ცენტრი ღირს“. არითმეტიკის ცოდნა თუ არ მალაღატობს, ორჯერ ოცდაათი სამოცი ცენტია.

გამძვინვარებულმა მისტერ მორჰაუსმა თავი გადააქნია:

– აბაუბდას ჩმახავ! – შეჰყვირა. – სისულელეა-მეთქი, გეუბნები! მაგ წესში ჩვეულებრივ გოჭებზეა ლაპარაკი და არა ზღვის გოჭებზე!

ფლენერი გაჯიქდა.

– გოჭი მაინც გოჭია, – მტკიცედ გაცხადა მან. – ზღვის გოჭი იქნება, ხმელეთისა თუ ტყის, კომპანიისათვის სულ ერთია. გოჭის ადგილსამყოფელს რა ესაქმება გადასახადთან!

მორჰაუსი შეყვამნდა, ტური ჩაიკვნითა და ხელების ქნევას მოჰყვა.

– მამ კარგი! – დაიღრიალა მან. – განანებ, თუ კაცი ვყოფილვარ! შენი კომპანიის პრეზიდენტსაც ვუჩვენებ სეირს. ორმოცდაათ ცენტზე ხომ უარი თქვი! ყავადეს ეს გოჭები, სანამ ორმოცდაათს არ დამჯერდები. ოღონდ, რომელიმეს ფრჩხილიც რომ წამოსტკივდეს, სამართალში მიგცემ! – თქვა, გაბრუნდა და კარი გაიჯახუნა. ფლენერმა, რომელიც ვალმოხდელი მსახურის წყნარ კმაყოფილებას განიცდიდა, ფრთხილად აიღო ყუთი და კუთხეში მიდგა.

მისტერ მორჰაუსი გაცოფებული მიიჭრა შინ.

– ჩქარა სამელნე! – ზღურბლზე ფეხის გადადგმისთანავე დაუკიჟინა ცოლს. როცა სამელნე მიართვეს, სასწრაფოდ აღწერა ეს შემთხვევა. წერას რომ მორჩა, სახე გამარჯვებულის ღიმლით გაუბრწყინდა.

ერთი კვირის შემდეგ მორჰაუსმა კომპანიისაგან ოფიციალური პასუხი მიიღო. სულწასულმა გახია მოგრძო კონვერტი, რომელსაც ზემო კუთხეში ნომერი 26754 ეწერა. ბარათი მოკლე იყო: „საკითხი – ზღვის გოჭის საფასური. ძვირფასო სერ, გაცნობებთ პასუხს კომპანიის პრეზიდენტისადმი მიმართულ თქვენს წერილზე, რომელიც ეხებოდა ზღვის გოჭების გადაგზავნის საფასურს. გადასახადის თაობაზე აღძრული საჩივარი გაგზავნილ უნდა იქნას საჩივრის განყოფილებაში“.

მისტერ მორჰაუსმა საჩივრის განყოფილებაშიც მისწერა: დახვეწილი სარკაზმითა და საჩივრებით სავსე ექვსგვერდიანი უსტარო გამოცხობი და საჭირო მისამართით გაგზავნა.

რამდენიმე კვირის შემდეგ მიიღო პასუხი, რომელსაც თან ერთვოდა მისი წერილი.

„ძვირფასო სერ – ეწერა ბარათში – მივიღეთ თქვენი წერილი, დათარიღებული ამა თვის 16-ით, მიმართული საჩივრის განყოფილებისადმი, ფრენკლინიდან ვესტქოუტში გადაგზავნილი ზღვის გოჭების თაობაზე. დაუუკავშირდით აგენტს ვესტქოუტში. იგი გვატყობინებს, რომ უარი გითქვამთ მის წინადადებაზე, მიგელოთ ტვირთი და გადაგვხადათ გადასახადი.“

აქედან გამომდინარე, კომპანიისადმი თქვენი სარჩელი უსაფუძვლოა. გირჩევთ მისწეროთ ტრანსპორტის განყოფილებას“.

მორჰაუსმა ტრანსპორტის განყოფილებასაც მისწერა. ორი გვერდი ენციკლოპედიიდან ამოწერილ ფაქტებს დაუთმო, ამტკიცებდა, ზღვის გოჭი უბრალო გოჭისაგან ძირეულად განსხვავდება.

ტრანსპორტის განყოფილების უფროსმა ფეხები მაგიდაზე შეაწყო, გაიზმორა, წერილი ზერეულედ გადაათვალიერა და მდივან ქალს მიუბრუნდა:

– მისს კეინ, დაბეჭდეთ: „აგენტს, ვესტქოუტი, ნიუ-ჯერსის შტატი. რატომ ეთქვა უარი შინაური ცხოველების გადასახადზე თანდართულ დოკუმენტში აღნიშნულ მთხოვნელს? დაუმატეთ: „შეგვატყობინეთ, რა მდგომარეობაშია ტვირთი ამჟამად“. იმ ზღვის გოჭებმა, ალბათ, შიმშილისაგან ფეხიც გაჭიმეს. – ჩაილაპარაკა მან.

მაიკ ფლენერმა ბარათი წაიკითხა და თავი მოიქექა.

– შეგვატყობინეთ, რა მდგომარეობაშია ტვირთი ამჟამად, – გამიგორა დაფიქრებულმა. – ვერ გამიგია, რა უნდა შეგვატყობინო. ჩემი აზრით, გოჭები თავს მშვენივრად გრძნობენ. რომელი ვეტერინარი მე მნახეს! იქნებ გოჭების ექიმი გამოვიძახო და პულის გავასინჯო? ისე კი, დიდებული მადა აქვთ გოჭების პირობაზე. ყველა გოჭს ასეთი მადა რომ ჰქონდეს, ქვეყანას გადაჭამდნენ.

ფლენერმა კანტორის უკანა კარს მიაშურა. გალიაში ჩაიჭყიტა, რათა მოხსენებთ ბარათში ზუსტად და დაწვრილებით აღწერა გოჭების მდგომარეობა. გოჭებს მოზრდილ ყუთში გადაენაცვლა.

– ერთი, ორი, სამი, ოთხი, ხუთი, ექვსი, შვიდი, რვა! – ითვლიდა ფლენერი. – შვიდი ჭრელია, ერთი – მთლად შავი. რვავე საღსალამათია და რვავეს ბეჭემოტის მადა აქვს. – ოთახში დაბრუნდა და წერას შეუდგა:

„მისტერ მორგანს, სატრანსპორტო განყოფილების უფროსს. მთხოვნელს იმიტომ ეთქვა უარი, რომ ზღვის გოჭი მაინც გოჭად ითვლება, რაშიც თქვენც დამეთანხმებით. ჯანმრთელობის მხრივ თავს კარგად გრძნობენ. იმედია, თქვენც კარგად ბრძანდებით. გოჭები გამრავლდნენ და ახლა რვანი არიან. უყვართ კომპოსტო. საკვებზე უკვე ორი დოლარი დაეხარჯე. მიუშაბოთ თუ არა ეს თანხა გადასახადს?“


მორგანმა წერილზე ბევრი იცინა. შემდეგ ხელმოწერა გადაიკითხა, ჩაფიქრდა და რჩევისათვის მიაშურა კომპანიის პრეზიდენტს, რომელმაც საქმე ხელაღებით გადაწყვიტა:

– რა გადასახადია გოჭებზე? წვრილფეხა ცხოველზე?

– გოჭზე – ოცდაათი, წვრილფეხაზე – ოცდახუთი ცენტრი. – უპასუხა მორგანმა.

– მაშინ, რა თქმა უნდა, ზღვის გოჭი მაინც გოჭია. – თქვა პრეზიდენტმა.





– დიახ, – დაეთანხმა მორგანი. – მეც ასე მგონია. გადახდილ უნდა იქნას ორიდან უმაღლესი თანხა. ისე კი ზღვის გოჭი, მგონი, ბაჭიას უფრო მიაგავს.

– მართლაც, – შეყოყმანდა პრეზიდენტი. – ბაჭიას უნდა ჰგავდეს. პროფესორ გორდონს ვეითხოთ, ასეთ საკითხებში კარგად ერკვევა. დატოვებ ჩემთან ეს ქალაქი.

ვიდრე პროფესორი გორდონი პრეზიდენტის კითხვას უპასუხებდა, მორგანმა ფლენერისაგან ახალი წერილი მიიღო: „რა მოვუხერხო გოჭებს? ძალიან სწრაფად მრავლდებიან, უკვე ოცდათორმეტი სულია. გავყიდო? იკისრებთ პასუხისმგებლობას? მიპასუხეთ სასწრაფოდ!“

მორგანმა უდებუმა:

„აგენტს, ვესტქოუტში, გოჭების გაყიდვა არ შეიძლება“.

ფლენერი იდგა დეპეშით ხელში, გოჭებს დასცქეროდა და მწარედ ოხრავდა. გოჭები ყუთში რომ აღარ დაეტივნენ, ფლენერი იძულებული გახდა, კანტორის უკანა ოთახი გაეტხინრა და სადგომად გადაეკეთებინა.

გავიდა რამდენიმე თვე. სასწრაფო კვებითმა ფლენერმა მორგანს უდებუმა: „160“. მორგანმა უკან დაუბრუნა და ასხნა-განმარტება მოსთხოვა. ფლენერმა უპასუხა: „უკვე ასსამოცი გოჭი მყავს. ღვთის გულისათვის, ნება მომეცით, ცოტა მაინც გავყიდო, თორემ გავგიუდები“.

„გოჭების გაყიდვა არ შეიძლება“, – იყო პასუხი.

კომპანიის პრეზიდენტმა პროფესორ

გორდონისაგან ვრცელი, მეცნიერული წერილი მიიღო. პროფესორი იუნყებოდა, რომ ზღვის გოჭი განეკუთვნება *Cavia apazoca*-ს, ხოლო ჩვეულებრივი გოჭი კი – *denus Sus Suidae*-ს ოჯახიდან მოდის. ბოლოს დასძენდა, სწრაფად მრავლდებიანო.

– ზღვის გოჭი არ ყოფილა გოჭი. – დაასკვნა პრეზიდენტმა და მორგანს მიუბრუნდა: – გადასახადი თითოზე – ოცდახუთი ცენტი.

მორგანმა საჭირო წარწერა გაუკეთა ქალაქის შეკვრას, რომელიც პ 6754 ნომრით იყო აღნიშნული და საფინანსო განყოფილებას გადააბარა. საფინანსო განყოფილებამ ჩვეული დაყოვნებით აცნობა ფლენერს: „ვინაიდან სახეზე ამჟამად ასსამოცი ზღვის გოჭი გყავთ, ტვირთი უნდა ჩაბარდეს პატრონს და მიიღოთ გადასახადი თითოში ოცდახუთი ცენტი“.

ფლენერიმ გოჭების დათვლას მთელი დღე მოაწოდო.

„საფინანსო განყოფილებას, – დანერა, თვლას რომ მორჩა: ერთ დროს ასსამოცი იყო, ამჟამად კი რვაასი გახლავთ. როგორ მოვიქცე, რვაასივეზე მოვიტხოვო გადასახადი?“

როცა წერილმა საფინანსო განყოფილებას მიაღწია, ფლენერი კანტორის უკედურეს კუთხესლა ინარჩუნებდა. დანარჩენი ადგილი ეჭირათ გოჭებს, რომლებიც ორი დაქირავებული ბიჭის მეთვალყურეობის ქვეშ იმყოფებოდნენ.

საფინანსო განყოფილების პასუხმა, რვაასივეზე მოითხოვე გადასახადიო, ფლენერი გაცხარებულ საქმიანობას მო-

აცდინა. იგი გამალებით აშენებდა მრავალიარუსიან შუშაბანდს, რადგან დასაბინავებელი ჰყავდა ორიათასსამოცდაოთხი ზღვის გოჭი. სულადობა დღითიდღე იზრდებოდა.

საფინანსო განყოფილებამ ახალი მითითება გამოუგზავნა: „ხარჯთაღრიცხვაში შევლომა იყო დაშვებული. მიიღეთ გადასახადი ზღვის ორ გოჭზე – სულ ორმოცდაათი ცენტი. ჩაბარდეს მთხოვნელს“.

ფლენერი წერილმა გამოაცოცხლა, ელვის უსწრაფესად გამოწერა ქვეთარი და მორჰაუსის სახლისაკენ მოკურცხლა. ჭიშკართან ნაბიჯი შეანაღა. სახლს აბრა ეკიდა: „ქირავდება“. მისტერ მორჰაუსს ბინა გამოუცვლია! ფლენერი სირბილით გაბრუნდა უკან, კანტორაში. მის არყოფნაში სამოცდაცხრა ახლადდაბადებული ზღვის გოჭი მოვლენოდა ქვეყანას. დეპეშა აფრინა საფინანსო განყოფილებაში: „მიმღებმა ადგილსამყოფელი გამოიცვალა. მისამართი უცნობია. რა ვქნა? ფლენერი“.

საფინანსო განყოფილების მოხელეს ამ დეპეშაზე გაცენა და გაიფიქრა: ფლენერი სულ გამოჩერჩებულა. დავინყებია, რომ თუ მიმღები არ ჩანს, ტვირთი ჩვენ უნდა გადმოგვიგზავნოსო. მან ფლენერს აცნობა, გოჭები ქალაქ ფრენკლინში, კომპანიის მთავარ კანტორაში გადმოაგზავნეო.

ფლენერმა თავი მოიქაჩლა, დაქირავებული ექვსი ბიჭიც მასთან ერთად დატრიალდა. განწირული ადამიანის თავგამოდებით მუშაობდნენ; აკეთებდნენ გალიებს საპნის, ნამცხვრისა და ყველა სახის ყუთებისაგან და ტენიდნენ შიგ ფრენკლინში გადასაგზავნ გოჭებს. მალე ფლენერმა დეპეშა მიიღო: „შენყვით გოჭების გამოგზავნა. საბარგო განყოფილება გატენილია“. ფლენერი წუთით მოწყდა საქმეს, გააგზავნა ლაკონიური დეპეშა: „ვერ შევწყვეტ!“ და ფუსფუსი განაგრძო. ფრენკლინის მატარებელს კომპანიის ინსპექტორი ჩამოჰყვავა; მას ნაბრძანები ჰქონდა, რაიმე ელონა და გოჭების უწყვეტ ნაკადი შეეჩერებინა. კანტორაში შესვლისას დაინახა, რომ ექვსი ბიჭი ყუთებს მანქანაში ტვირთავდა. მანქანას სადგურისაკენ ეჭირა გეზი, ხოლო კანტორაში ფლენერი საქმიანობდა – დიდი ნიჩბით ისროდა გოჭებს ყუთებში. სამუშაო ბოლომდე იყო მიყვანილი. ფლენერმა მაშინლა ამოსუნთქა, როცა ერთმა დაძმარე ბიჭმა ცარიელი ყუთები შეუნაცვლა. დარჩენილ ორიოდე გოჭს გადახედა და გაიბადრა, ჩვეული ოპტიმიზმი დაუბრუნდა.

– მაინც იოლად გადავრჩი. – მხნედ ჩაილაპარაკა. – შეიძლება საქმე უარესად დატრიალებულიყო. რა მეშველებოდა, გოჭების ნაცვლად სპილოები რომ გამოეგზავნათ?!

ინგლისურიდან თარგმნა  
ვალერი ჭავჭავაძე

# „სეპეტიო, სე სეპეტიო“



(ტიტო სკიპას მოგონება  
შალიაპინზე)

გას რა დამავინყებს!  
შალიაპინის პირისპირ მჯდომ  
ახალგაზრდა ქალს თვალები ეშმაკუ-  
რად აუციმციმდა:

- სინიორ შალიაპინ, შეძლებთ, ტა-  
ში დაგიკრან ამ თეატრში მოქმედების  
მსვლელობისას?

- მგონი! - უპასუხა შალიაპინმა.  
საქმე ის არის, რომ ტრადიციულად  
თეატრ „კოლონში“ მოქმედების მსვლე-  
ლობისას ტაში აკრძალული იყო, ეს შე-  
იძლებოდა მხოლოდ ფარდის დაშვების  
შემდეგ.

- მზად ვარ, დაგენიძლოთ, - ჩავე-  
რეე მე, - რომ ამას ვერაგზით ვერ შეძ-  
ლებთ. აქაური ტრადიციის დარღვევა  
ვერ შეძლეს ვერც მაზინიმ და ვერც კა-  
რუზომ.

- ორი ყუთი შამპანური, თანახმა  
ხართ? - შალიაპინი დათანხმდა.

იმ საღამოს შალიაპინი განსაკუთ-  
რებულად მღეროდა. ცნობილ არიაში  
მან თავის თავს გადააჭარბა, მომღერ-  
ლის ხმა ჭექდა, მსმენელთა გულის ცე-  
მას იპყრობდა. მსგავსი რამ „კოლონის“

კედლებს აქამდე არ სმენოდა. გენია-  
ლური მომღერალი ნამით გაჩუმდა,  
თუმცა მისი ხმა ჯერ კიდევ უღერდა  
სულგანაბულ დარბაზში... და გაისმა  
გრგვინვა, დარბაზი აზანზარდა. მრავა-  
ლი წლის ტრადიცია დაირღვა: ორი

ათასი მაყურებელი ერთსულოვნად,  
ფეხზე ამდგარი ტაშს უკრავდა შალია-  
პინს. იმ საღამოს ორკესტრს ნიკოლო  
მარკეტი დირიჟორობდა. „როცა მსახი-  
ობის ხელოვნება მაყურებელს ფეხზე  
ააყენებს, ის ან ღმერთია, ან სატანა,“ -

ბერნარდ შოუს ეს სიტყვები საკმაოდ  
ხმამალა ნარმოთქვა დირიჟორმა მარ-  
კეტიმ და ხელი ასწია. მუსიკოსები გან-  
ცვიფრებული და დამფრთხალი უყუ-  
რებდნენ თავიანთ მაესტროს: ნუთუ მან  
არიის გამეორება განიზრახა? ეს იქნე-  
ბოდა აქაური ტრადიციის მეორედ

დარღვევა - „კოლონში“ უმკაცრესად  
იყო აკრძალული არიის „ბისზე“ გამეო-  
რება. მიუხედავად ამისა, ორკესტრმა  
დაუკრა და შალიაპინმა არია გაიმეორა.

ეს საქციელი დირიჟორს ძვირად  
დაუჯდა. დილით ცნობილი გახდა, რომ

ტრადიციის დამრღვევი მარკეტი, არა  
მარტო გაათავისუფლეს სამსახური-  
დან, არამედ დააჯარიმეს კიდევ. დი-  
რექტორს პირადი თხოვნით მივმარ-  
თეთ მე და შალიაპინმა, მაგრამ ამოოდ.  
ამ ამბავმა თევდორე შალიაპინი ძალი-  
ან შეაწუხა, მაგრამ ის ისეთი პიროვნე-  
ბა არ იყო, მეგობარი უბედურებაში მი-  
ეტოვებინა.

- გულს ნუ გაიტყებთ, ნიკოლო, - ამ-  
შვიდებდა დირიჟორს, - მოვიფიქრებთ  
რამეს. გინდათ ნიუ-იორკის „მეტროპო-  
ლიტენ ოპერა“-ში იმუშაოთ?

გულგატყვილ მარკეტის ნაღვლია-  
ნად გაეღიმა:

- ოლონდაც, რასაკვირველია, მინ-  
და! მაგრამ ეგ ხომ შეუძლებელია, სი-  
ნიორ შალიაპინ, და თქვენ ეს ჩემზე  
კარგად იცით...

- ეს ჯერ კიდევ ვნახოთ, - მიუგო  
შალიაპინმა და ეშმაკურად ჩაუკრა  
თვალი, - ვნახოთ.

ერთი კვირის შემდეგ შალიაპინი და  
მარკეტი ნიუ-იორკში ჩავიდნენ და იმა-  
ვე დღეს შეხვდნენ უდიდეს საოპერო  
თეატრის დირიჟორს არტურო ტოსკა-  
ნინის, შალიაპინის დიდ მეგობარს და  
თაყვანისმცემელს.

- ვინ არის ეს ახალგაზრდა? -  
იკითხა ტოსკანინიმ და მარკეტი შეათ-  
ვალიერა, - თუ არ ვცდები, იტალიელი  
უნდა იყოს.

- ნამდვილი იტალიელია, თქვენი  
თანამემამულე და კოლეგა, მაესტრო,  
ძლივს დავიყოლიე ნიუ-იორკში წამოს-  
ვლაზე, თქვენთვის რომ გამეცნო. დი-  
დებული დირიჟორია, ღმერთს გეფიცე-  
ბით! თქვენთან ხომ არ მოიძებნება რი-  
გითი დირიჟორის ადგილი?

- სამწუხაროდ, არა, ეს თქვენც ხომ  
კარგად იცით...

მარკეტი გაფითრდა. როგორი ძნე-  
ლია - აღმოჩნდა უზარმაზარ უცხო ქა-  
ლაქში უფულოდ და უმუშევრად! შალი-  
აპინი მიუახლოვდა ტოსკანინის, თვა-  
ლებში ჩახედა და წყნარად უთხრა:

- ძვირფასო მაესტრო, თქვენ გამო-  
უვალ მდგომარეობაში მაყენებთ. მე მას  
დაბეჯითებით დავპირდი მოწყობას  
თქვენს თეატრში. დარწმუნებული ვი-  
ყავი, უარს არ მეტყოდით... მაგრამ თუ  
თქვენი გადაწყვეტილება საბოლოოა,  
მაშინ მე მომიხდება...

- რა, რა მოგიხდებათ? - ჰკითხა

ოციან წლებში არგენტინის დედა-  
ქალაქ ბუენოს-აირესის თეატრ „კო-  
ლონში“ მე და შალიაპინს გასტროლე-  
ბი გვექონდა. ჩვენს მოსასმენად არა  
მარტო არგენტინის სხვა ქალაქებიდან,  
არამედ ლათინური ამერიკის მეზობე-  
ლი ქვეყნებიდანაც მოაწყდა ხალხი. ბი-  
ლეთების ფასი ერთი სამად გაიზარდა.  
მათი შეძენა ყველას როდი შეეძლო.

თებერვლის ერთ საღამოს „კოლონ-  
ში“ იდგმებოდა როსინის „სევილიელი  
დალაქი“ ჩვენივე მონაწილეობით. სპექ-  
ტაკლის დაწყებამდე რამდენიმე საა-  
თით ადრე მსახიობთა ჯგუფი ბუფეტ-  
ში იჯდა და მხიარულად საუბრობდა.  
შალიაპინი ჰყვებოდა კარუზოსთან,  
ჯილისთან შეხვედრის მხიარულ ეპი-  
ზოდებზე, რაც სხვადასხვა ქალაქებში  
გადახდომია.

- სინიორ შალიაპინ! - მიუბრუნდა  
თევდორე შალიაპინს დირიჟორი მარ-  
კეტი, - გვიამბეთ, რა შეგემთხვათ ვე-  
ნაში, როცა სანაძლეო მოუგეთ ტიტე  
რუფოს.

შალიაპინმა ჯერ იუარა, ბოლოს  
მსახიობებმა დაჟინებული თხოვნით  
დაითანხმეს:

- საქმე ასე იყო: მაშინ მეფისტო-  
ფელს ვმღეროდი და ვენელი მაყურე-  
ბელი არც თუ ცუდად მიღებდა. ხუთ-  
ექვსჯერ გამომიძახებდნენ ხოლმე და  
აი, ერთხელ რუფო მეუბნება: - პარიზ-  
ში თორმეტჯერ გამომიძახეს „აიდა“-  
ში, თქვენ თუ შეძლებთ, სინიორ შალი-  
აპინ, ვენაშიც ამასვე მიაღწიოთ?

- შევძლებ, - მივუგე მაშინვე, - თა-  
ნაც თორმეტჯერ კი არა, თხუთმეტ-  
ჯერ.

- არა მჯერა, - მეუბნება, - არ გა-  
მოგივათ. დავნაძლევედით?

დავნაძლევედით ერთ ყუთ შამპან-  
ურზე. ერთი სიტყვით, მოვიგე. თექ-  
ვსმეტჯერ გამომიძახეს. გახსოვთ, მარ-  
კეტი? - მარკეტიმ კვერი დაუკრა - მა-

# უილიამ უექსპირის ფრანსის ბეკონი პრეჟა?!

უილიამ უექსპირი – მსოფლიოში განთქმული დრამატურგის ფსევდონიმია, რომლის ნამდვილი სახელი და გვარი ცნობილი ამერიკელი ექსპერტ-გრაფოლოგის მორინ უარდ-გენდის მტკიცებით, უნდა იყოს გამოჩენილი მწერალი და ფილოსოფოსი ფრენსის ბეკონი (1951-1926). ამ ქალბატონის აზრით, სწორედ ფრენსის ბეკონი, რომლის კალამს ეკუთვნის უტოპია „ახალი ატლანტიდა“, შესაძლოა იყოს ახლახან აღმოჩენილი ხელნაწერის ავტორი, რომელშიც აღწერილია სცენა, საოცრად მსგავსი ტრაგედია „ჰენრი IV“ ერთი ეპიზოდისა. მ. უარდ-გენდიმ შეადარა ხელნაწერი დოკუმენტის პირს, რომელიც XVI საუკუნის 90-იანი წლებითაა დათარიღებული, როდესაც ეს ისტორიული დრამა იყო დაწერილი, ელიზაბეტას ეპოქის 30 ცნობილი მეცნიერისა და სახელმწიფო მოღვაწის ხელნაწერებს.

გრაფოლოგის სრული რწმენა, რომ აღმოჩენილი ხელნაწერი ბეკონს ეკუთვნის, სპეციალისტთა აზრით, სერიოზული წინადადებაა ნაბიჯია იმ ავტორის დასადგენად, რომელმაც 38 გენიალური პიესა, 150 სონეტი და ორი პოემა დაუტოვა კაცობრიობას და თავის ნაწარმოებებს აწერდა: „უილიამ უექსპირი“.

წლებში მანძილზე მიმდინარე კამათი – მაინც ვინ დაწერა სინამდვილეში ეს შედეგები, უფრო გაცხარდა მას შემდეგ, როცა გრაფოლოგიური ექსპერტიზის მიერ გამოკვლეული ხელნაწერი გამოტანილი იყო „სოტის“ აუქციონზე. აუქციონის მესვეურები ვარაუდობდნენ, რომ ამ 57 სტროფიანი წერილად დაწერილი დოკუმენტის, რომელიც ავტორს ერთ გვერდზე დაუტევეს, ფასი 12.000 ფუნტი სტერლინგი იქნებოდა. მაგრამ, მათდა გასაკვირად, იგი არავინ იყიდა და პატრონს დაუბრუნდა, რომელმაც ისურვა ინკოგნიტოდ დარჩენილიყო.

მორინ უარდ-გენდი სასამართლო ექსპერტ-გრაფოლოგია და მას ხშირად იწვევენ პოლიციასა და შინაგან საქმეთა სამინისტროში დოკუმენტების და ხელნაწერების სისწორის თუ სიყალბის დასადგენად. მან განაცხადა: „ასოების ფორმა და ხელნაწერის სტილი მიუთითებენ, რომ მისი ავტორი ფრენსის ბეკონია. ყოველივე ეს ძალზე სანიტერესოა, რადგან შესაძლებელი გახდა ამგვარად ერთხელ და სამუდამოდ ბოლო მოეღოს კამათს და დადგინდეს, რომ ყველა პიესა, რომლებსაც ხელს აწერდა უექსპირი, ბეკონის მიერ არის შექმნილი“.

ხელნაწერში მოყვანილი სცენა წარმოადგენს საუბარს ტავერნაში, სადაც მისი პატრონი ორ ქურდს უყვება გასულ ღამით მოსულ მდიდარ მოგზაურზე, რომელსაც ქისაში ოქროს მონეტი უჩხრიალებს.

ტოსკანიანი.

- დღესვე დავტოვო ნიუ-იორკი...
- თქვენ კონტრაქტის დარღვევას აპირებთ? ხომ არ შეიშალებთ?
- შესაძლებელია. მაგრამ ისე მოვიქცევი, როგორც ვთქვი.
- წარმოუდგენელი იგნორირებაა! – წამოიძახა გაცხარებით ტოსკანიანი, – ისევე თქვენ გექნებათ სანანებელი, გონს მოღით!

- მშვიდობით, მაესტრო, ავად ნუ მომიგონებთ! ხვალ მე უკვე შორს ვიქნები. გადაეცით დირექტორს, რომ მთელ მის ფულად პრეტენზიებს უყოყმანოდ ვიღებ და კონტრაქტის დარღვევისთვისაც ყველაფერს გადავიხდი უკანასკნელ ცენტამდე. ჩემი მისამართი მისთვის ცნობილია.

როცა მიხვდა ტოსკანიანი, რომ შალიაპინი არ ხუმრობდა და მართლა წასვლას აპირებდა, ჰკითხა:

- ამიხსენით მაინც, რა მოხდა? ასე რატომ გინდათ დირიჟორის ადგილი უშოვნოთ ამ სინიორ მარკეტის?

- კარგით, გიამბობთ, ოღონდ ეს ჩვენს შორის უნდა დარჩეს – და ყველაფერი დანვრილებით უამბო. ტოსკანიანი თვალდახუჭული უსმენდა. თითქოს გონებაში წონისო და უცებ გადაიხარხარა. იგი დიდხანს და გულიანად იციწინოდა. როცა დანყნარდა, შალიაპინს მიუბრუნდა:

- არ გამტყუნებთ. ხშირად ნიჭი აყვება ხოლმე ემოციებს და ზოგჯერ უგუნურებასაც კი. თქვენი დიდსულოვნებაც გასაგებია ჩემთვის... როგორ გამოვიდეთ ამ კურორტული მდგომარეობიდან? ნავიდეთ დირექტორთან!

„მეტროპოლიტენ-ოპერის“ დირექტორი ჰატი-კაზაცა გულლიად და მხიარულად შეხვდა შალიაპინს, მაგრამ როცა შეიტყო, რა „სიურპრიზი“ ჩამოეტანა ლათინური ამერიკიდან, მოიღუშა და ფანჯრისაკენ მიბრუნდა.

ტოსკანიანი დიდმნიშვნელოვნად ჩაუკრა თვალი შალიაპინს – აი, ახლა იფეთქებს და გაუძელიო, – ანიშნა.

ტოსკანიანი არ შემცდარა. ჰატი-კაზაცა – ეს ტანდაბალი, ჩასუქებული კაცი, მრგვალი მულოტი თავითა და შავი, ბღღვრილა თვალებით – მკვეთრად შემობრუნდა და აღრიალდა: – ოპერის ცირკად ქცევა გინდათ?

უცებ ტოსკანიანის მიუბრუნდა და ჰკითხა:

- თქვენ კი, როგორ ფიქრობთ, მაესტრო, ჭკვიანურად იქცევა შალიაპინი?

- როგორ გითხრათ, შესაძლოა უგუნურად, მაგრამ, ჩემი აზრით, სამართლიანად და ადამიანურად. მარკეტი მისი მიზეზით დაიჩაგრა და მისი ბედის ანაბარა მიტოვება...

- უაზრო ლაყბობაა! მე ვერ დავუშ-

ვებ, რომ მსოფლიოს უდიდესი თეატრი ბალაგანად გადამიქციონ! ვინ არის მარკეტი? საიდან გამოტყვრა? დაბრუნდეს თავის იტალიაში, საიდანაც წამოთრეულა!

ამ სიტყვებზე ტოსკანიანი წამოვარდა, მრისხანედ შეხედა დირექტორს. დიდი დირიჟორის შავი თვალები ავად იმზირებოდნენ დაფანჩულ წარბებს ქვემოდან. აღლეგებისაგან ხმა უწყდებოდა, ბოლოს ჩურჩულით წარმოსთქვა:

- მეც იტალიიდან ვარ... წამოთრეული. იქნებ მეც მიჩიოთ იქ დავბრუნდე? სიტყვას მოჰყავ და შეგახსენებთ, რომ ჩვენი კონტრაქტი ორი კვირის შემდეგ მთავრდება...

დირექტორი გაფითრდა. ესლა აკლდა. უცებ დაკარგა ორი გენიოსი – შალიაპინი და ტოსკანიანი! ხანგრძლივი და საშინელი სიჩუმე ჩამოვარდა. დირექტორს თავში ათასი ფიქრი უტრიალებდა. რა ქნას, როგორ მოიქცეს? შალიაპინი მიეშველა:

- ნება მიბოძეთ, მარკეტი მოვიწვიო...

- სად არის?

- აქვე, გვერდით, – შალიაპინს ეშმაკურად გაელიმა, – ჰა, რა ვქნა, დავუძახო?

- დაუძახეთ!

ერთი წუთის შემდეგ მარკეტი კაბინეტში შემოვიდა.

- ნება მიბოძეთ, გააცნოთ ერთმანეთი, – მხიარულად თქვა შალიაპინმა, – თეატრის გენერალური დირექტორი ჰატი-კაზაცა, დირიჟორი ნიკოლო მარკეტი.

- ფრიად მოხარული ვარ, – ჩაიბუზღუნა დირექტორმა და სტუმარს ხელი ჩამოართვა – მაშ, თქვენ ბრძანებით მარკეტი? თუ არ ვცდები, თქვენზე მიაბობოდა ბენიამინო ჯილი.

- ადვილი შესაძლებელია. მე და ის ძველი მეგობრები და თანამემამულეები ვართ.

-ღმერთო ჩემო, ჩვენი „მეტროპოლიტენ-ოპერა“ იტალიურ კოლონიად იქცევა! ბატონო შალიაპინ, იქნებ თქვენც იტალიელი ხართ? კარგად გაიხსენეთ!

კაბინეტში ხარხარი ატყდა. სერიოზულად მხოლოდ მარკეტი იდგა. იგი შესცქეროდა შალიაპინს, მისი თვალები უსაზღვრო მადლიერებას გამოხატავდნენ ამ გასაოცარი ადამიანისადმი.

ერთი თვის შემდეგ მარკეტი „ჯამბაზებს“ დირიჟორობდა და მაღალი შეფასება დაიმსახურა. მან მრავალ წელს იმუშავა „მეტროპოლიტენ-ოპერაში“.

იტალიურიდან თარგმნა  
**ზაირა სტურუა**

ანალოგიური საუბარი ზუსტად ანალოგიურ გარემოებაში აღწერილია ტრაგედიაში „შენის IV“.

შექსპირის ნაწარმოებების ბრაიტონის ინფორმაციის ცენტრის დირექტორს ფრენი კარს ასევე მიაჩნია, რომ „შექსპირის“ ფსევდონიმით მეფე იაკობ I კარზე სარგებლობდა ლორდ-კანცლერი ფრენის ბეკონი. „მე მიმაჩნია, რომ ექსპერტ-გრაფოლოგის დასკვნები საშუალებას გვაძლევს, ბოლოს და ბოლოს გაიხსნას შედეგების ავტორობის საიდუმლო, რომლებსაც დღეისათვის შექსპირს მიაწერენ ხოლმე“, – განაცხადა კარმა.

თუმცა ქალაქ სტრატფორდს – შექსპირის სამშობლოს, სადაც ამ სახელის გამომტურიზმის მთელი ინდუსტრია ჩამოყალიბდა, ახალი აღმოჩენა კარგს არაფერს უქადის. მით უმეტეს, რომ ტურიზმით ცხოვრობს არა მხოლოდ ყვავილნარში ჩაფლული ციციქნა სტრატფორდი, სადაც ერთი კი არა, ხუთ შექსპირისეულ სახლს გიჩვენებენ, არამედ მთელი სტრატფორდის საგრაფო. ტურისტების ჯგუფები, რომელთა შორის, როგორც წესი, უამრავი იაპონელია, დაუფიქრებლად ყიდულობენ ძვირადღირებულ ბილეთებს, რათა თავისი თავი აღბეჭდონ სამახსოვრო ფოტოზე დიდი ინგლისელი დრამატურგის სახლის მიმდებარე ბაღში.

თუმცა, როგორც ექსპურსიათმძღოლებში, რომლებიც ცნობისმოყვარე ტურისტებს მსოფლიოს ათეულ ენაზე აწვდიან შექსპირის „მონაცემებს“, თვითონაც არ მალავენ, რომ ამ სახლებში მდიდარი დრამატურგის დროიდან არაფერი დარჩენილა, ქვის იატაკს და სახლების კედლებს თუ არ ჩავთვლით. ვიტრინებში მსოფლიოს სახლთა სხვადასხვა ენაზე გამოცემული შექსპირის წიგნებია გამოფენილი, კედლებზე კი ძველი გრაფიურებისა და პორტრეტების ასლებია და დროისაგან გაყვითლებული ანგარიშები. აი, რისი შეთავაზება შეუძლიათ ტურისტებისათვის, რომლებიც აქ სამყაროს ყველა კუთხიდან ჩამოდიან. სამაგიეროდ ძნელი წარმოსადგენია ტურისტი, რომელიც აქ მოხვდება და სამახსოვროდ თან არ წაიღებს სუვენირს, თუნდაც ფანქარს, რომელზეც, წარწერილია „შექსპირი“, საგრაფოს ღერბის გამოსახულებიან ზარს და სხვა.

თვით მთელი საგრაფო სტრატფორდი, თავისი მრავალრიცხოვანი სასტუმროებით, პანსიონატებით და ლუდხანეებით, რომლებსაც ხატოვანი აბრები – „შენისის ამაღლა“, „უილიამთან“, „დეზდემონა“ და სხვა ამშვენებენ, ცნობარებში ოფიციალურად „შექსპირის სამშობლოდა“ გამოცხადებული. შექსპირის პიროვნების გამოსაკვლევად აქ მეცნიერებისა და ლიტერატურათმცოდნეების ჩაკირკიტებული მუშაობის შესახებ ურჩევნიათ არაფერი იცოდნენ, თუმცა, შესაძლოა, ასეც სჯობდეს...

ლამარა გაგუა

## მილიონები საქორწილო კალათაში

ბევრი ჰოლივუდელი ჰატარძლისათვის საკურთხეველის გზა მოგზაურობად გადაიქცევა ხოლმე მილიონდარბის ზღაპრულ სამყაროში.

და მაშინაც კი, როდესაც ბედნიერი ძორწინება საბოლოოდ ბანკორწინებით მთავრდება, „პარსკვლავთა“ ცოლები არ იბნევიან და ახერხებენ კიდევ უზრუნველყონ საკუთარი თავისა და შვილების შემდგომი ყოფა.

### უძრავი ქონება ყოველთვის ფასობს

როჯერ მურს (ყოფილი ჯეიმს ბონდი) 1997 წლის დასაწყისში დიდი შრომა დასჭირდა განქორწინების საქმის მოსაგვარებლად. მისი ყოფილი ცოლი ლუიზა, რომელიც როჯერმა ჯერ კიდევ 1994 წელს მიატოვა, ოცდახუთ წლიანი თანაცხოვრების შემდეგ, დათანხმდა სასამართლოს გარეშე მისცეს თავისუფლება მსახიობს და არ გამოუთქვამს პრეტენზია ქმრის ქონებაზე.

ეს „მონყალება“ 69 წლის მსახიობს ათი მილიონი დოლარი დაუჯდა და კიდევ ორ მილიონად შეფასებული მამული ინგლისში, რომელიც როჯერს ძალიან უყვარდა. ის აცხადებდა, რომ მამული მხოლოდ მისი სიკვდილის შემთხვევაში გადაეცემოდა ცოლს. როგორც ჩანს, ეს მსხვერპლი ლუიზამ დააფასა და გადაწყვიტა, არ ჩაბმულიყო ხანგრძლივ სასამართლო დავაში. თუმცა მას ბევრი არაფერი დაუკარგავს – სასამართლო საუკეთესო შემთხვევაში ოც მილიონ დოლარს მიაკუთვნებდა. იგი ირწმუნებოდა, რომ ეს ნაბიჯი შვილების გამო გადადგა, რათა

მათთვის ეს უსიამოვნო პროცედურა აეცილებინა.

როჯერ მურმა ცოლი 55 წლის ქვრივ-მილიონერ კიკი ტოლსტრაპის გამო მიატოვა, რომელიც ოდესღაც ლუიზას საუკეთესო მეგობარი იყო.



არც ცოლი, არც მანქანა

1998 წლის იანვარში, ლოს ანჯელესის სასამართლო გადაწყვეტილებით ჟან-კლოდ ვანდამს დაეკისრა ყოველთვიურად 112 ათასი დოლარი გადაეხადა ცოლ-შვილისათვის, მთელი იმ პერიოდის განმავლობაში, სანამ არ დამთავრდებოდა სასამართლო პროცესი.

1997 წლის ბოლოს ყოფილმა ჰავაელმა მანეკენმა – დარსი ლაპიერმა მესამეჯერ შეიტანა განცხადება მათი ერთად ცხოვრების პერიოდში. მიზეზი, მუდმივი დამცირება და ცემა-ტყეპა იყო ქმრის მხრიდან, რომელმაც როგორც დარსი ირწმუნება, ჯერაც ვერ შეძლო ბოლომდე გადაელახა კოკაინისადმი სწრაფვა. დარსიმ თან სამი წლის ნიკოლასი წაიყვანა. ვინაიდან გაშმაგებული მსახიობმა დაიფიცა აღარც ერთი ცენტის მიცემა დარსისთვის, მან კიდევ ერთი თხოვნა შეიტანა სასამართლოში და აცნობა, რომ არა აქვს არანაირი



შემოსავლის წყარო, ხოლო განქორწინების პროცესი შეიძლება დიდხანს გაგრძელდეს. დარსიმ მოითხოვა 27 ათასი დოლარი ბავშვის სარჩენად, 85 ათასი კი – თავისთვის. მოსამართლემ დააკმაყოფილა დარსიმის მოთხოვნა. მას აგრეთვე სურს, დაიტოვოს მსახიობის ნაჩუქარი ძვირფასეულობა – ათკარატიანი საფირონის ბეჭედი, მდიდრული „ბმე“-ესა და მოტოციკლ „ჰარლი-დევიდსონის“ ჩათვლით.

**სიძუნწე მანკიერება არაა**

იშვიათი შემთხვევაა, მაგრამ ფაქტია, რომ სწორედ სიძუნწემ შეუნარჩუნა ოჯახი მიკ ჯაგერს. როკ-ენ-როლის ვარსკვლავი (იგი ახლა 54 წლისაა) და ყოფილი ტოპ-მოდელი ჯერი ჰოლი (42 წლის) ერთად უკვე ოც წელზე მეტია ცხოვრობენ. ჯერიმ ოთხი შვილი გააჩინა, თუმცა ქორწინება ოფიციალურად მხოლოდ 1990 წლის ნოემბერში გააფორმეს. 1996 წლის შემოდგომაზე ჯერიმ დიდი სკანდალი მოუწყო ქმარს: გაზეთებში გაჩნდა ინფორმაცია მისი საიდუმლო კავშირის შესახებ ჰოლივუდის მსახიობ უმა თურმანთან და ამავდროულად ჩეხ მანეკენ ანა რადფიჩთან. ჯერიმ არ შეისმინა მონანიება, ქმარი სახლიდან გააგდო და კონსულტაციისათვის იმ ადვოკატს მიმართა, რომელმაც პრინცესა დაიანა განაქორწინა. იურისტმა



დაარწმუნა, რომ მას რეალურად შეეძლო მეუღლის ქონების ნახევარი მიეღო, რომელიც შეფასებული იყო 170 მილიონ დოლარად. როგორც კი ეს გაიგო, მიკი მეუღლეს მუხლებში ჩაუვარდა და პატიებას თხოვდა. თან შეპირდა, მიემართა ექიმებისათვის ისეთი სპეციალიზირებული კლინიკებიდან, სადაც პაციენტის დაუოკებელი სექსუალური ლტოლვა სუსტდება. ახლა, ჯაგერის პირადი მდივნის თქმით, მიკი და ჯერი სრულიად ბედნიერი არიან.

**გაყრა ჯენტლმენურად**

სტივენ სპილბერგს პირველმა ცოლმა, მსახიობმა ემი ირვინგმა, 1985 წელს ბიჭი აჩუქა. ისინი ერთად მხოლოდ სამი წელი და ხუთი თვე ცხოვრობდნენ. ყველაზე უფრო ილბლიანმა რეჟისორმა კინოს ისტორიაში გან-



ქორწინებისას ნამდვილი ჯენტლმენობა გამოიჩინა: ერთად ცხოვრების ყოველი წელი 33 მილიონ დოლარად შეაფასა და საერთო ჯამში მისი ირვინგმა 112 მილიონი მიიღო.


მეორე ქორწინება მსახიობ ქეთ ქეფშოუსთან სპილბერგისათვის უფრო ილბლიანი გამოდგა – ეს კავშირი ექვსი წელი გრძელდება და მათ ხუთი შვილი ჰყავთ. ამას გარდა, იგი ზრუნავს მაქსა და ჯესიკაზე – ქეთის ქალიშვილებზე პირველი ქორწინებიდან. საეჭვოა, მრავალშვილიანი მამისთვის ეს „ტვირთი“ დამამძიმებელი იყოს: ექსპერტების შეფასებით, მისი პირადი ქონება 350 მილიონ დოლარს უახლოვდება.

**ნახევარი სამეფო  
სატრფოსათვის**



ანტონიო ბანდერასის პირველმა მეუღლემ (ანა ლესა) 1996 წლის განქორწინებისას ქმრის ქონების ნახევარი მოითხოვა, რომელიც იმ მომენტისათვის 16 მილიონად იყო შეფასებული. ოღონდ კი დაშორებოდა, ბანდერასი ყველაფერზე დათანხმდა: იმ დროისთვის ის უგონოდ იყო შეყვარებული ამერიკელ მსახიობზე, თვალისმომჭრელ მელანი გრიფიტზე. მალე ანტონიო და მელანი დაქორწინდნენ და მათ გოგონა შეეძინათ.





## ნათელა ბარნაბიშვილი



თანამედროვე ქართველ მხატვართა პლედის სათავეებთან დგას ნიჭიერი შემოქმედი ქალბატონი ნათელა ბარნაბიშვილი. ის მრავალმხრივი შემოქმედებითი პოტენციალი, რითაც ხელოვანი გამოირჩევა, მეტად საინტერესოდ და მიმზიდველად წარმოგვიდგენს მის მხატვრულ სამყაროს.

ბავშვობიდანვე თანდაყოლილი ფანტაზიის უნარი, სილამაზისა და მშვენიერების თავისებურად წვდომის შეგრძნება, თანდათან ხელოვნებისად-

მი დიდ სიყვარულში გადაიზარდა.

1960 წელს დაამთავრა ფერწერის ფაკულტეტი იაკობ ნიკოლაძის სახელობის სასწავლებელში, ხოლო 1966 წელს თბილისის სახელმწიფო სამხატვრო აკადემიის – გამოყენებითი ხელოვნების (ქსოვილების მხატვრული დამუშავება) ფაკულტეტი.

აკადემიის დამთავრებისთანავე მუშაობას იწყებს თბილისის აბრეშუმის საქსოვ ფაბრიკაში მხატვრად. იყო აგრეთვე ტრიკოტაჟის ფაბრიკის მთავარი მხატვარ-მოდელიორი. სწორედ აქ მიღებულმა გამოცდილებამ, შრომის დამოუკიდებელი ჩვევების გამომუშავების უნარმა დასაბამი მისცა ნათელა ბარნაბიშვილის შემდგომ შემოქმედებით ნიწსვლასა და აღიარებას.

მის მიერ შესრულებულ საკაბე ქსოვილების ესკიზებსა და ნიმუშებს დიდი წარმატება ხვდა საზღვარგარეთის ქვეყნებში; მხატვართა და დიზაინერთა კავშირის წევრი აქტიურად მონაწილეობდა რესპუბლიკურ და საკავშირო გამოფენებში.

მისი მოღვაწეობის სფერო მეტად მრავალმხრივი და მრავალფეროვანია: მუშაობს დაზღურ ფერწერაში, გრაფიკაში, ქსოვს გობელენებს, იტაცებს პეიზაჟები და მრავალფეროვანი ყვავილოვანი მოტივები, რომლებიც განმსჭვალულია რომანტიზმითა და პოეტურობით; ერთი სიტყვით, ნათელა ბარნაბიშვილი ფერის ჩინებული ოსტატია დახვეწილი და მიზანმიმართული ხედეით. უსაზღვრო მხატვრული სამყაროს ფერთა გადასვლებითა და ურთიერთშეხამებით იგი ჩვენს თვალწინ ამალღებულ საერთო განწყობას ქმნის. ეს არის ფანტაზიის ნამდვილი აღმაფრენა.

ორიგინალური დახვეწილობით გამოირჩევა მისი გობელენები, პეიზაჟები, ნატურმორტები, პორტრეტები, დეკორატიული თემები. ქალბატონი ნათელა თავისუფლად ფლობს მხატვრობის რთულ ტექნიკას და ყოველი ნამუშევრის შექმნისას მიზნად ისახავს ახალი პრობლემატების (იქნება ეს კომპოზიციური, კოლორიტული თუ შინაარსობრივი წინააღმდეგობები) გადაწყვეტასა და დაძლევას.

1992-94 წლებში საბერძნეთის ქალაქ ნავპლეონში ტრიუმფალური წარმატებით ჩატარებულმა ამ შესანიშნავი ქართველი მხატვრის ორმა პერსონალურმა გამოფენამ, ხაზგასმით დაადასტურა თანამედროვე ქართული მხატვრული სკოლის დიდი პოტენციალი და ამ სკოლის აღზრდილს, ქალბატონ ნათელა ბარნაბიშვილს კიდევ ერთი მნიშვნელოვანი გამარჯვება მოუპოვა.

მის წარმატებებში გარკვეული როლი ოჯახურმა ატმოსფერომაც ითამაშა. მისი ორივე ქალიშვილი ხელოვანია. იანა საყვარელიძეს არაერთხელ მოუხიბლავს მაცურებელი მსოფლიო ცეკვების შესრულებით, ხათუნა უშუალოდ დედის კვალს გაჰყვა. იგი საბერძნეთშია გათხოვილი. საბერძნეთის არქიტექტორთა კავშირის წევრია.

ქმარ-შვილითა და ოთხი შვილიშვილით გარშემორტყმული ბებია – ქალბატონი თავს ამაყად და ბედნიერად გრძნობს.

ეს სიტობ და სიყვარული მის შემოქმედებას ახალ-ახალი ფერებითა და სიმშვენიერით მუხტავს და ამდიდრებს.

თამარ ციარაძე

**თარაზულად:** 2. ყველა გემის ერთობლიობა. 4. ერთგვარი ხემიანი საკრავი. 8. ციტრუსოვანი მცენარე. 10. ხის მოზრდილი სასმისი. 11. უფუარი ცომისაგან დამზადებული დიდი ზომის კრემიანი საკონდიტრო ნაწარმი. 13. რისამე მოგონება ვისიმე მოტყუების, შეცდომაში შეყვანის მიზნით. 16. საფრანგეთში მოღვაწე იტალიელი კინომსახიობი. 17. კაცობრიობის მიერ განვლილი გზა. 20. ქალაქი დიდ ბრიტანეთში. 22. ძვირფასი ქვების წონის ერთეული. 24. მაღალი ცილინდრული მოყვანილობის ნამცხვარი. 26. ისლით, ჩალით და მისთანებით დახურული უჭერო და უიატაკო წნული ქოხი. 28. ოთხსიმიანი ხემიანი საკრავი. 29. საქართველოს მდინარე. 30. ქალაქი ამერიკაში.

**შვეულად:** 1. თაფლში მოხარშული, წვრილად დაჭრილი ნიგოზი, ნუში ან თხილი. 2. ზღაპრული გრძნეული ქალი. 3. მშვილდის სასროლი ჯოხი. 5. სუბტროპიკული მცენარე. 6. წარწერა კინოფილმის კადრზე. 7. XIX ს. ინგლისელი პოეტი. 9. ვინმესთან შინაურ ვითარებაში (ოჯახში) მოსული ან საგანგებოდ მოწვეული, დაპატიჟებული პირი. 12. ნახატებით, სურათებით გაფორმება, დასურათება (ნიგნისა, ჟურნალისა და მისთ). 14. ტალღისებური მპზინავი ზედაპირის მქონე აბრეშუმის მკვრივი ქსოვილი. 15. სოფელი ზუგდიდის რაიონში. 16. ერთგვარი არაყი. 18. ქსოვილის კიდებზე მოვლებული ნაირსახიანი ზოლი. 19. ფაეტონი. 21. რაიმე შეჯიბრების, კონკურსის ნაწილი, რომლის განმავლობაშიც ყველა მონაწილე თითოჯერ გამოდის. 23. დრამატული სახე, რომელსაც არტისტი განასახიერებს სცენაზე, კინოფილმში და სხვა. 25. სახის გამომეტყველება, შესახედაობა. 26. ძირითადი ფერი, ტონი, რომელზედაც იხატება სურათი. 27. ერთხმიანი ლირიკულ-დრამატული შინაარსის ვოკალური ნაწარმოები (ოპერაში, ორატორიაში ან კატატაში).

შეადგინა ცილა ავაშუკაძე

გამომცემლობა „სამგობლოს“ სტამბა

ტექნიკური იაგუა შარიძე

გარეკანის პირველ გვერდზე: „სეხნია“ ფოტოეტიუდი ბონდო დვალიშვილისა.

მეოთხე გვერდზე: ნათელა ბარნაბიშვილის ნამუშევრები



1-401282

საქართველოს  
ეროვნული  
მუზეუმი



ნათელა ბარნაბიშვილი

